


廣東通志

特別
A5
1508
4



~~門 5
號 1508
卷 4~~

持

門 5
號 1508
卷 4

廣東通志卷之七

藩省志七

公署

署位之表乎位政之建乎昔聖人嚮離聽政自岳
伯而下奉公率職朝夕勤修厥有常所用能建績
綏和俾民有寧宇若侵官者冒失職者慢離局者
姦憑陵植私者斥此萬世建署明鑑哉吾廣公署
上有提督行臺巡察臺總兵府次有司有道有府
有邑有衛有所大小相維文武並用位著始恪有



當規制度越前代上弗為抗下弗為撓要皆所以
 安厥職而振紀綱也者苟處大庭廣廈之上恒思
 有不獲所之民暗室屋漏之中每懷上帝臨女之
 儆隨署奉公庶於百粵大有造乎慎毋勤垣墉塗
 丹艘以滋粉飾為也志公署

秦南海尉署始於任囂居瀧口西岸趙佗亦居之設
 尉一人是時越人竄入藪薄佗於是徙近南海郡交
 部自羸樓而蒼梧乃徙治番禺之都因周末楚庭之
 舊其署在東二百步宋為鹽倉先是粵王子孫臣服於楚

踰嶺而南止於斯開楚庭曰南武威王時有五羊噉
 穀之祥佗因築五羊城周南海郡凡十里

漢南海郡治番禺縣去府城南五十里牂牁江水出
 于城下建安十五年交州刺史徙治于此後改交州
 牧俄復舊吳分交州為廣州俄亦復舊二十二年刺
 史步騭用治中姚文式言徙治五羊城因尉佗故國
 築而固之晉制刺史任重者為使持節都督輕者為
 持節皆銅印墨綬

隋文帝開皇九年平陳開廣州總管府以統嶺海兵

馬別置公署於刺史之西今都司州以治民事府以治軍旅循州亦開總管府于龍川郡煬帝大業初俱罷之後合州府爲一或改刺史爲太守因革無常

唐嶺南道以邊方寇戎地加以旌節謂之節度使其府治即舊刺史署或以都督克或以大臣任皆得以軍法專生殺建節樹六纛凡兵甲財賦民俗之事無所不領號曰都督府內宅爲公廨外廳事爲衙二十二州庭叅聽令有府二曰綏南番禺又經略軍屯門鎮兵故軍府以廣爲盛其佐列署于內者副使一司

馬一判官二支使一功曹書記一叅謀無定員隨軍四別有巡察按察巡撫等使後改按察爲採訪處置使又改爲觀察使皆列署于外然不時至至則汛掃總管府居之其園囿庭館之西有饗軍堂元和九年冬十月御史大夫嶺南節度使扶風郡公馬總始拓而大之咸通中分嶺南東西二道爲東道節度使府乾寧初陞清海軍後劉隱鑿平番禺二山之交疊石建雙闕其上爲譙樓南漢僭竊多所更易鑄鐵柱十二迄宋猶存云

宋經略安撫使司卽唐節度使署皇祐四年始詔知廣州軍州事兼兵馬鈐轄經略安撫使步馬軍都部署擇置秘閣以上官充之號稱廣帥改雙闕爲雙門扁清海軍大都督府儀門列戟一十有四前爲設廳中爲治事廳元符二年經略使柯述拓而正之求南漢鐵柱尚存其四因寘前楹而別建經略安撫廳於其西其屬通判二司理叅軍司法叅軍司戶叅軍各一後以兵馬鈐轄事屬軍旅置主管內機宜文字及書寫各一擇有文學者爲之皆列署于內其右爲西

園淳祐中方大琮因司後園址建元老壯猷堂堂之東有亭曰連天觀閣西曰先月樓臺南運石洲奇品于前運甃齋饗軍堂對敞其上存古也後改爲龍治轉運使司在航海門內僊湖街南漢南宮舊址開寶六年廣南平除徐澤爲轉運判官其後置轉運使以知廣州軍州事李符兼之嘉祐中始定置司署改僞漢南宮爲之中爲廳事設東西二廳以居副使及判官廳事後有瑞芝堂前有景濂堂泉池上有秀陰亭運判黃朴所建又前爲濂溪書院元季俱廢

元廣東道宣慰使司都元帥府至元十六年因宋舊署改建列署于內者宣慰使都元帥二同知宣慰使司事副都元帥二宣慰副使僉都元帥二泰定二年都元帥忻都重建至正末改江西行中書省又設海北廣東道肅政廉訪司至元中因宋經略司改建列署于內者廉訪使一副使二僉事一分巡海北列署于外廣州路總管府本宋廣府西園舊址至元十六年開設列署于內者達魯花赤總管同知府事治中府判推官各一正掌城中戶民之事以發行獄訟歲命西臺侍御史巡察之

國朝提督府行臺在城西南海縣之左即舊開元寺

故址天順四年總督兩廣都御史葉盛始創正堂五間

扁曰總憲又改節制穿廊一後座後堂五間扁曰篆竹左右耳房各三間成化

三年都御史韓雍於堂東建運籌堂西建喜雨堂後改

扁曰後樂東西廂房各三間儀門三間賞功所前後六間

左右官廳各三間歇官房在其南前後六間萬曆二十五年

右都御史陳大科闢其左廳為壯猷堂

南察院行臺在城內正南門少西即舊總督府天順

改元都御史馬昂建正廳間五座穿廊座一後堂間五座穿廊座一

閒堂間三座東西耳房各三座左右榜房各十座儀門間三座東西

小房各一座大門間三座官廳前後間六座東西吏房各一座嘉靖

十一年巡按御史吳麟建坊牌二左曰振揚風紀右

曰克詰戎兵

西察院行臺在郡西朝天街洪武三年建于國慶寺

故址十四年闢東街布政使徐本復以興化寺廢基

增建正堂間三座後堂間三座穿廊座一東西耳房各三座儀門間三座

三門間三座中門座一大門座一嘉靖二年巡按御史涂敬闢

西街脩建坊牌二東曰敷揚西曰衡鑑仍創鼓樓於

其右十八年巡按御史王德溢以院後迫近永豐倉

乃以糧儲道街廣之三十九年巡按御史潘季馴建

坊于前曰御史臺東西坊牌二東曰敷揚西曰肅貞

萬曆二十六年巡按御史劉會改爲義倉今建爲督

稅公署

清軍察院行臺在郡東南預備倉右即布政分司嘉

靖四年御史楊銓改建今爲分守嶺東道

總兵府洪武初因元大將白佐故衙開設于南海縣

南崔府街總兵侯伯至自蒼梧者居之嘉靖初咸寧侯去後遂毀今為布政司嶺西道四十五年復議創立于新城

外未果萬曆四年總兵都督張元勳呈詳動支官帑興工鼎建正堂後堂穿廊左右耳房各東西廂房各一儀門吏舍後公廨左為迎賓館右為坐營司

廣東承宣布政使司本唐清軍節度使廣州大都督府舊址洪武二年改廣東行中書省參知政事周禎

開設六年參知政事汪廣洋重建扁其堂曰宣德廣洋九年改為承宣布政司公堂五間泊水廳三間後堂兩廡

五間穿廊一座六間儀門三間樹塞門于其內東

西司房四間後堂之外為架閣庫二間儀從庫三間

右廣豐庫正廳三間泊水門三間在其後極北曰紫

微樓一名粵望列署其前者左右布政使各一左右參政

各一左參議二右參議一各衙公廨一十二所周列

于東西皆南向立五庫于堂上下左右凡二十四間

以便出納嘉靖三十二年左布政使張鏊重脩堂之

東為經歷司正廳三間泊水廳一間西為照磨所正廳三間

泊水廳一間堂下夾以東西廊舍五十間東為吏戶禮

承發房勘合科西為兵刑工戶聲息科儀門之東有

土地祠舊名后土祠三間汪公祠舊土地祠並祀故丞相汪廣洋布政使張鏊始創分

為二少東為理問所舊在景和街洪武二十六年改入本所

司儀門之左案牘廳司獄司隸馬正廳三間後廳三

間左右司房各五間儀門三間提控案牘廳三間賦

罰庫三間公廨三司獄司三間監房一十八所大門

之外建坊牌者三南曰承宣今改百維網東曰豐樂西曰

泰和裴顏廣州紀漢署廳繪畫五羊今屢更之其榜

房則輔于門之左右取周官懸象之制焉榜皆洪武未樂間刻

板誅僂貪暴皆圖形其中以警官吏

布政司清軍道舊為海北道在西甕街舊五羊驛址

天順三年清軍御史豐城涂棐增脩改為察院嘉靖

四年改建正堂三間後堂三間穿廊一東西耳房各一東

西廂房各一東西司房各一儀門三門三右布政

使清軍居之分守嶺南道在城隍廟左天順中叅政龔毅闢除地

創建扁曰紫薇分署正廳三後廳三大門三後為公

解今為海北道嘉靖十年革去市舶內官其公館在

郡西武安街南宋轉運司舊址布政司叅議王洙白

于巡按御史吳麟改為嶺南道正廳五間穿廊三間後廳三間左右廂房二十間儀門三間東西耳房二間大門三間視舊尤宏壯

糧儲道在永豐倉前近西察院後嘉靖六年巡按御史王德溢開拓巡臺遂括其前衢而改縮之

嶺東道在番禺縣右嘉靖十一年叅政徐乾因真武廟舊址改建初為嶺西後改嶺東道今建為永賴祠而改石龜倉右清軍察院為嶺東道

嶺西道舊在小南門因闢割幼男虛其公署嘉靖四

年叅政祝續改建于崔府街即舊白衙正堂三間後堂三間因總兵府規制東西兩廊尤為深廓

廣東提刑按察司在府西南洪武二年改鹽倉街舊鹽課司故址開設八年署司事監察御史鮑忠以公署狹隘乃闢司之東千秋寺址以廣之正堂五間泊水

廳三間後堂五間穿廊十一座兩廡為架閣庫八間贓罰庫三間左為經歷司廳三間泊水廳一間司之南為吏戶禮承發

房共二十間右為照磨所所廳三間泊水廳一間所之南兵工聲息科勘合科房共三間列署于內者正衙按察

使一在後堂之比副使三僉事五各衙南面周列于
 東西吏舍僻在東隅四十儀門之左有土地祠復建
 東西二門石飾各二各監坊牌東曰肅紀今為弼教西曰
 澄清今改肅政二十五年副使孫浩復闢司之南增
 劄司獄司司廳三監房十成化五年廳事將北按察
 司使黃溥撤而新之

分巡嶺南道在郡南承宣街右洪武八年因館驛舊
 址創建為按察司聽理總道會布政司審議在此後因巡撫居
 之永樂十二年僉事李約改建于其北改舊寶泉局

為今道正堂三後堂三穿廊一東西耳房各一儀門

三三門三嘉靖三年僉事祝品重脩內增亭臺門外

東築照垣改為廣州分巡道萬曆八年總督侍郎劉
 堯誨奉部咨議題并于巡海道

提學道在按察司東即宋漕運司西湖故址舊為濂
 溪祠湖上建蓮亭正德二年提學副使林廷玉增闢
 為崇正書院嘉靖元年提學副使魏校遷祠于粵秀
 山麓三年提學副使歐陽鐸始移塞門增築照垣于
 南改坊牌曰一方表率十六年提學副使林雲同闢

為藥洲洲內有湖湖上有亭南漢九曜石環列其畔
奇花異卉四時獻秀

屯田鹽法道在分守嶺南道東嘉靖六年僉事方豪

增脩前堂三後堂三其後有孤樹亭萬曆十五年僉

事陳性學建左右耳房各三前為儀門又前為大門

各二嘉靖二年僉事臧相別建公署于南門外九年

監僉事李默鹽政碑後改為批驗所

兵備道在鎮遠街東南即侯王廟故址舊祀任翬趙

佗陸賈嘉靖元年兵備副使王天用改建後廣州府

知府陳錠復建今為南韶道

海道在提學道西南嘉靖元年因金花淫祠故址與

本司餘地相連海道副使徐鐸價買民地足之前堂

三後堂三間三前為大門右為官買民地三年而後

落成

海北道在按察司東門內東南分巡海北自外還者

居之

清軍道嶺東道二署俱在本司南惠福巷因本司餘

地千秋寺嘉靖元年價買民地足之規制如海道

廣東都指揮使司在府西北洪武元年征南將軍廖求忠開設廣東衛於元廣東道肅政廉訪司故址以指揮胡通守禦八年改爲都指揮使司列署于內者都指揮使一都指揮同知二都指揮僉事四儀門三東西耳房三前廳五後廳五東西吏房十二左爲經歷司右爲都事司成化三年都指揮僉事姚英重脩建坊於南扁曰威武司外之西建斷事司以理刑獄元海北道舊址

廣東鹽課提舉司在府城東南府學左洪武四年提舉薛友諒建正廳後廳東西司房設提舉一副提舉一初設同提舉後革吏目廳設吏目一各有廳舍吏舍西爲廣盈庫成化十三年提舉江朝宗重脩別建批驗新于郡城南

廣東市舶提舉司在府城外西南一里卽宋市舶亭海山樓故址洪武初開創正廳後廳左右廂房庫房吏目廳三門額設提舉一嘉靖三十七年提督奏革去副提舉吏目一廨次有水心亭前有觀瀾亭其上有閣瀕江上樹坊牌曰重譯前衢樹坊牌二東曰來

賓西曰柔遠今改于承宣街右

貢院在郡城東北二里許宋淳佑十年經略使趙汝

暨開州治并酒庫地為之元季毀本朝洪武甲子

鄉試乃於光孝寺暫設棘闈凡歷十有六科宣德元

年巡按御史金濂右叅政楊勉乃相地于東北隅西

竺寺故址鼎建天順五年巡按御史李良增闢都司

園地而廣之中為至公堂五明清堂五甬道前為聚

奎樓一左右為望樓二後為試官房七提調監試官

十內簾堂卷房四執事官房受卷彌封謄錄對讀各

間及廚庫房各十前為巡綽廳一儀門三外門三東

又前為坊牌臨衢扁曰貢院其後飾以石甬道路闢

其前衢建坊牌二左曰考德右曰賓賢嘉靖七年左

布政使謝迪鑿井六增西竺寺餘址以拓其西又建

坊牌於通衢右曰觀文三十四年巡按御史孫永思

以其北內庠其南陂衰皆闢而釐正之防範周密四

十四年御史陳聯芳復闢前地為直道長數十丈中

創萬里橋左右建廊百餘間以便各生集候唱名萬

曆辛卯左布政使張大忠議以席舍三歲一修所費

不貲始易以甕庚子年御史顧龍禎於總裁房後左右翼開二亭焉其規制視昔益備

學校總

夫興學育才而迪之彞典斯化民成俗出其中故曰三代之學皆所以明人倫也其時聲教南暨而載籍靡所概見入漢陳元請立左氏於學官衛颯脩庠序之教始漸有聞焉斯猶楚然空谷之音哉明興薄海皆學絃誦之子闐闐秋秋庶幾三代同風假令不遜于倫耘牧共耻之况爾士類故造士在廣厲士所自造在真脩匪是則青衿刺矣里塾廢社學興書院非古亦賢士之關也志學校

學宮

夫仲尼日月神則無所不之矣然非廟無以妥聖神有殿有堂以示宗依儼然闕里臨之其遍於蕉林荔浦可知也孔廟始魯哀迨漢武廣立學校東粵被聲教廟制固未備焉唐大中宋慶曆以前簡冊闕絕吾不得而詳之也紀近世十郡學宮自廣州始

廣州府儒學十有七府學在宋慶曆中詔建未備歷

皇祐熙寧始成之以南海番禺附而新會同時建其
 後南海徙建於嘉定二年番禺徙建於淳祐元年東
 莞連山皆淳熙間建其增城以開禧其香山以紹興
 其清遠以淳祐其連州以咸平其陽山以崇寧後多
 毀于宋元之季我朝洪武初詔天下皆立學校東
 土遵焉其析置順德於景泰三年從化於弘治七年
 龍門九年新寧十一年三水於嘉靖六年新安於萬
 曆元年

韶州府儒學七府學在宋景德三年建焉慶曆中建

英德紹興初建曲江淳熙十五年建樂昌嘉定三年

建仁化乾道三年建乳源延祐六年併翁源入曲江

舊在縣北莫知創時其後多毀洪武改元脩復之

南雄府儒學三府學在宋慶曆間始建淳祐元年改

建保昌舊在府學西其始興隨縣治遷徙天曆間遷縣西

俱元季毀國初重建

惠州府儒學十一府學在宋淳熙乙未年建泰定元

年建歸善端平間建博羅康定二年徙建海豐舊在縣東

南其龍川舊在縣北徽宗賜辟雍詔碑在焉今在縣城東

紹定中建長樂嘉定中建興寧其後多毀 國初復

之其增置則河源以洪武二年舊在故城東南萬和曆乙酉改新城北和

平以正德十六年長寧以萬曆元年永安以十一年

潮州府儒學十一府學始宋咸平歷慶曆元祐建炎

紹興五遷乃定紹興中建海陽揭陽紹定中建潮陽

其程鄉則南宋梅州學也以前後皆毀 國初始復無考

其增置成化十四年有饒平嘉靖四年有惠來六年

有大埔四十二年有普寧四十三年有平遠萬曆五

年有澄海

肇慶府儒學十二府學始於宋崇寧間先是唐大中

五年有開建學莫宣卿出此魁天下宋政和甲午建高要咸淳

巳丑建四會舊金岡山下今治東南天禧間建新興慶曆間並

建陽江陽春其德慶州學即紫極宮故址元豐間徙

府治東康定庚辰建封川後或毀或存 國初尋復

之其增置有高明在成化十二年有恩平在十六年

有廣寧在嘉靖三十九年

高州府儒學六府學在元大德八年隨府遷徙先是

宋嘉定建化州而電白則莫知創時吳川信宜皆元

置也 國初因而脩之茂名建於洪武二十四年

廉州府儒學四其府學舊在城東門內建時無考宋治平

元年建欽州二年建靈山元末毀洪武初復之十四

年設合浦

雷州府儒學四宋慶曆四年建府學以海康附元大德六

年始專建海康乾道四年建遂溪凡再徙建徐聞屢徙乃定

國朝因之

瓊州府儒學十五宋慶曆四年詔立府學其曰瓊山

曰澄邁曰臨高曰文昌曰昌化曰萬州曰凌水曰崖

州曰感恩皆宋置隨州縣遷徙其曰定安曰會同曰

樂會元時附縣其後多毀我朝尋建焉

祀典

夫仲尼師萬世其歷代之所褒祀漸逝漸隆至我

朝大備焉嶺海被聖之化羨墻彌切譬之宗派雲仍

玄裔以至于不可知總之賢者為元宗耳奚必簡疏

迤乎漢高過魯一祀美談至今其後或以所食邑祀

或詣宅祀或畫像祀或詔魯四時祀或至鄒山祀或

遣太子釋奠或以春秋二仲釋奠或以每歲四仲上

下二丁釋奠其他祀之墓祀之家親題祝板北面而
 肅揖一獻而再拜步趨執爵而灌獻雖在閏位胡元
 莫敢不虔我 聖祖龍興如江淮如南昌皆廟謁洪
 武改元傳制春秋二丁釋奠定三獻儀每歲降香必
 於正月之盡日十四年文廟成遣太牢祀不設像遂
 視學釋奠其明年詔天下郡縣學通祀頒釋奠儀建
 文元年祀先師於太學灌獻拜跪禮如廟社永樂初
 遣官釋奠後五年議定視學儀服皮弁一奠四拜永
 為制嘉靖九年御制祀典說二頒示群臣十年丁巳

釋菜初祀啓聖宮廿太崇號自漢平帝謚爲褒成宣尼

公始嗣是而封褒尊侯而謚文聖尼父而贈先師尼
 父又曰先聖曰宣聖尼父曰先師曰文宣王又曰至
 聖文宣王又追封其父母及其子孫而大成至聖文
 宣王雖出于胡元妄加亦以見凡有血氣莫不尊親
 洪武初猶因其位號未暇更也成化十二年祭酒周
 洪謨請加大成至聖文宣王爲聖神廣運帝如元制
 尚書鄒幹曰奚據聖神廣運堯贊也議遂寢嘉靖改
 元輔臣張璁議正文廟祀典請易以至聖先師孔子

而四配爲復聖顏子宗聖曾子述聖子思子亞聖孟子其從祀或稱先賢或稱先儒罷諸封爵去塑像設木主上皆從之其說蓋宗吳沉丘濬程敏政謝鐸夏寅及宋濂之所論定者豈不皇皇乎鴻議而破千載未決之疑乎其陳設見必以菜昭其潔也故謂之釋菜不用樂重者謂之釋奠用樂無尸不可爲象也祭必備四代禮樂焉自漢章帝始用六代之樂迄唐開元衣孔子以王者袞冕之服樂用宮縣舞用八佾宋真宗二年又加冕服九旒九章桓圭始用玉徽宗

今太常考正制度冕用王者十二旒袞服九章圖揚

天下州縣學使式至今大定中加十二旒袞服十二章用九奏歌陳樂並依開元故事我朝洪武四年更定祭器籩豆簠簋祭鉶悉用磁牲用熟樂六奏六年學士詹同樂韶鳳上釋奠樂章定舞六佾大宗伯牛諒上禮儀制曰可十七年議大成樂二十六年始頒樂器于天下郡學令州縣學式焉正統元年頒釋奠禮圖三年禁祀孔子於釋老宮令祭器非所產者以所產代鹿兔以羊榛棗以土果景泰六年以國

學兩廡祭品儉薄從太常請增豕四棗栗形鹽爲斤者各五十黍稷爲斗者各一成化元年幸學始加牲用樂十三年用祭酒周洪謨議遂增八佾十二籩豆遣學士王猷告闕里嘉靖十年夏欽定文廟樂章著爲令其從祀廟庭者廣州府新會縣陳獻章先是弘治朝言官以文治盛於今日而從祀未有聞不稱遂以薛瑄請或謂薛瑄著述不見於世已之其後隆慶五年韓楫又以請從之嘉靖間議進王守仁陳獻章胡居仁至萬曆十二年始從祀

學官弟子

在周官師氏以三德三行教國子記曰官先事士先志故肄三鼓篋職用章顯漢制有五經博士及博士弟子員晉置郡文學掾上縣中縣下縣弟子唐置郡縣皆等分爲三宋慶曆始詔諸州學及二百人以上許置縣學轉運使及長吏選幕職州縣官爲教授元豐間詔授諸州府學官共五十三員元祐初置教授三舍法而員額始多矣崇寧二年置提舉學事司其後罷之我朝洪武初詔求師儒額設府教授一訓

導四受廩生員四十增廣亦如之附不為額州學正
 一訓導二受廩生員三十增廣亦如之附不為額縣
 教諭一訓導二受廩生員二十增廣亦如之附不為
 額二十年詔選天下府州縣學生其後間一行之不
 著令正統六年行選貢法嘉靖十一年行選貢法隆
 慶元年行恩貢法萬曆元年行增恩貢法三年輔臣
 張居正行汰士法又行限士法府二十人大州縣十
五人小州縣四五人
 復立六一選貢法七年復析瓊州十七學隸海南兵
 備從翰林檢討王弘誨議也其後十一年復廣生員

額二十年以國學空虛復以詔天下府州縣學廩生以
 實之從禮臣劉元震議也歲當大比督學使者先期
 校諸生取一等二等應試其名數視舉額省額七十
 五每舉一人取應試生三十共二千二百五十為率
 多者二千三百有奇其學田宋乾興元年始給交州
 而諸州遂為例其後神宗給田十頃於五路為學糧
 徽宗察絕產田以贍學我朝聽督學及府州縣長
 史增置無定額亦右文之一助也其經籍始於漢武
 表章六經時孔壁始出經書未全也而石渠虎觀盛

於甘露建初之間迄宋咸平詔賜九經於州縣學校
 經籍自此盛矣我朝洪武初以經書取士定為制
 科於是有五經四書之頒永樂間復賜五經四書大
 全于天下學校故非聖經者不在教典邇來禪誦之
 士喜發蘭臺石室之藏而儒道雜亦士風之一變也

孟軻氏曰經正則庶民興庶民興斯無邪慝矣

我朝典

籍附四書集註

四書大全

易經本義

書經

集註

詩經集註

禮記集註

春秋胡傳

春秋

左傳

春秋公羊傳

春秋穀梁傳

五經大全

大學衍義

大學衍義補

性理大全

杜氏通典

文章正宗

前漢書

後漢書

朱子綱目

大明會典

明倫大典

五

社學

先王之制里有序鄉有庠凡以明教行禮而觀化焉
 故童習貴豫知室家長幼之節矣歷代賈遠而廣州
 訓蒙堂猶見於宋元間云我朝洪武八年詔有司
 立社學延師儒以教民間子弟其教讀有經明行脩
 者許推擇署儒學教事十六年詔民間立社學有司
 不得干預正統元年令各處社學提學官及司府州
 縣官嚴督勸課其有俊秀得補生員仍勅提學官歲

一考校責取勤効仍免為師之人差徭成化元年令
 民間願入社學者聽十九年布政使陳選大興社學
 朔望考其誦習作訓蒙文以勗之嘉靖元年提學官
 魏校大毀淫祠改置社學其廣州府社學二百三十
 有奇 韶州府社學三十有五 南雄府社學十九
 惠州府社學四十三 潮州府社學三十四 肇慶
 府社學七十二 高州府社學二十八 廉州府社
 學二十七 雷州府社學二十四 瓊州府社學二
 十有五

書院

書院不列於學宮而精廬學堂講舍夫亦因俗為制
 要在作人非以標異也秦越人之為醫隨地屢遷君
 子取其意故有宋之白鹿鵞湖遂為學士嚆矢其在
 嶺南經畧方大琮治藏書室而番山書院始開若潮
 之韓山為韓愈韶之相江為周惇頤石城之松明為
 蘇軾茂名之茂山為晉高涼守楊方雷州之平湖為
 寇萊公大抵善建不拔其在人矣我 朝絃誦之士
 遍於遐陬踵武於白鹿鵞湖者則白沙陳獻章主盟

東土自是郡邑學署盛於弘正嘉隆間矣萬曆己卯
 輔臣張居正惡士之口非奉詔所建者悉毀之是時
 搢紳先生俱以講學為諱云夫子產不毀鄉校書院
 何罪而以爲戮也今漸復其廣州府書院二十 韶
 州書院九 南雄書院五 惠州書院七 潮州書
 院五 肇慶書院五 高州書院三 蕪州書院四
 雷州書院四 瓊州書院九

論曰學校之興以化民成俗太平之原也歷代受
 命英君共繇斯路當其奮起草昧弓馬力爭之際
 牢祀里誦恐不得當於宣聖豈借此以收拾英雄
 蒐羅學士也其思慮冥契真有若啓焉者毋亦在
 天神聖不忍生民殒絕故特假手于一人定鼎以
 俟守之用能光昭令緒號曰能贖其自今以後世
 與道不交喪者學校維持之力也宋元衰祚而庠
 序經術大半出於兵燼以待 聖人洪武改元天
 下新去湯火明詔甫下四方易觀猶痿人獲起焉
 加以 列聖脩文潤色鴻業故學宮必考勝地鼓
 篋而游者如其家序而學官弟子有增無已猶復

正祀典定位號嚴配享於都盛美真令千載無以
加其時披黃握素吟道咏德若龍鱗鳳翼雜沓參
差瞻曠前代矣故得士於斯爲盛如從祀之儒天
下四人而吾廣居一焉夫劍不必莫耶要之斷割
馬不必騶駟要之致遠士不必鄒魯要之聞道若
曰齊人但知管晏此拘儒守陋我知其無能爲矣
士惟誦法仲尼在則人亡則書矧遠規不如近效
丘陵川澤高下因之可謂之智自古聖哲亦皆相
因而學昔人所論大非虛語故六籍者群聖相因
之書也以爲道鵠决拾赴之吾烏知千載之非曰
暮海濱之非鄒魯也獨怪夫風漓於漸士詭於習
無論六德六行縣矣難存而文藝之科亦視昔何
若識微之士愈思洪永弘正亦何暇慨慕玄古乎
嗟夫興衰補敝有國者率不餘力而圖焉農夫之
楛嘉穀也鹿裘愈力其穫也必豐語曰雖有饑饉
必有豐年士亦愈爲嘉穀以無負上之所樹則
幾矣

禮儀

傳曰無禮無以為國故議自天子有司守之庶民
籍以寡過則周其郵隆也今宗伯所掌施及嶺服
其民間四禮亦本諸儒先所定與時俗相損益秩
為法程豈非 大聖人起滌胡氛首綱常以揉漸
喪土雖海隅亦稱秉禮之國者乎其或侈靡相高
長此安窮而欲求其敝是在人綱人紀者志禮儀
有慶賀之禮 聖誕元日長至 千秋節 國家祥

瑞藩司統之先期知府率屬從藩司習儀光孝寺至

日辰興赴藩司慶賀如制文武官具朝服分東西班

首官進詣香案前致詞祝嘏畢復位又行四拜然後

不舞蹈山呼徑行四拜退其外州縣行於本治如藩司凡儀仗五

十有龍亭 扇四龍燦 椅一盃 傘二香亭一

架路杖各一 戰幣戈斃 劍儀刀 搢杖立瓜 卧瓜骨

鼓十有二 聖誕元日長至表各一通箋各三通惟

先期具 聖誕元日長至表各一通箋各三通惟

聖誕元日長至表各一通箋各三通惟

之行文武官五品以上皆附表箋以進各州附于

藩司各衛及千戶所附于都司總兵刻遣官進縣及

百戶所無有開讀之禮凡奉 聖政使者預日聞於所在官司

設儀仗于本台尊原奉儀式行之

有朝覲之禮三年藩臬帥知府預籍其土地人民之數其言吏能否生民利病為冊詣吏部述職于朝府帥州縣帥縣官各一人吏各一人

有救護之禮日蝕預行所屬官司前期布香案于藩

司露臺金鼓列儀門樂人列臺下拜位列露臺上下

俱嚮日至期陰陽官報日初虧文武官俱朝服贊唱

四拜執事捧鼓詣班首擊鼓三衆鼓齊鳴及報圓贊唱

皆跪贊唱拜禮畢四月蝕就都司如前儀外州縣以為例

有鞭春之禮歲立春先一日府縣官迎于東郊至日

昧定府縣朝服帥僚屬行如制

有涖任之禮先日致齋于城隍廟凌辰祭城隍遂詣

本治具公服謝恩易服受叅諭僚屬乃署公移

有祭禮焉孔子先師春秋二仲上丁日先期演樂于

明倫堂遂宿齋夙興而祭禮器千一百二十二視一

五十有七登五釧二十簠四十有一簋如簠之數邊

百八十有四豆如籩之數尊七篚九几三案十有七

爐香四十五檠燭九十卓四有二盤二百一十有

九俎八瘞盤如其數盞盤三悅棐皆如其數紙盤四

勺五罍如其數豕盤八釜如其數燎架四瘞架一禮

生冠服百五十有三冠五十有二服與帶並如其數

樂器五十有二磨一祝一敵一琴六瑟二鍾十有六

禮儀

禮儀

禮儀

禮儀

五百

鳳簫二笙六笛四搏拊鼓二應鼓如其數舞器百有
三十旌二簋六十有四翟如簋之數舞生冠服百九
十有八冠六十六今以巾代之數
祭品 先師酒三爵帛

和羹二鬪黍稷二簋稻梁二簋鹽棗魚棗栗榛芡菱
鹿脯餅黑白糗餌養十有二籩韭菁芹笋醢鹿醢兔
醢魚醢豚胎脾肝鮓糝
四配 東配酒三爵帛一簋
有二豆羊一俎豕一俎

黍一簋稷一簋鹽棗栗鹿脯菱棗魚六籩菁芹
笋鹿兔魚醢六豆羊一函豕一函西配如其數
十哲
東五人酒一爵帛一篚和羹一鬪黍一鬪稷一鬪鹽
棗栗鹿脯四籩菁芹鹿兔醢四豆羊一函豕一函西

五人如
兩廡 每廡帛一篚每四人酒一爵黍一鬪鹽
其數 一簋鹽棗鹿脯四籩菁芹鹿兔醢四豆
豕四 迎神樂奏咸和之曲 大哉宣聖道德尊崇維持
王化斯民是宗典祀有常

精純並隆神其 奠帛行初獻禮樂奏寧和之曲 自生
誰底其盛惟王神明度越前聖案帛具成禮容斯稱
黍稷非馨惟神之聽○第二章連奏大哉聖王寶天
生德作樂以崇時祀無斁清醑惟

馨嘉牲孔碩薦羞神明庶幾昭格 亞獻樂奏景和之
曲 百王宗師生民物執贍之洋洋神其寧止冬獻亞
酌彼金壘惟清日吉登獻惟三於嘻成禮系獻亞

獻同徹饌樂奏咸和之曲 牲象在前豆籩在列以享
以薦既芬既絜禮成樂備
人和神悅祭則 送神樂奏咸和之曲 有嚴學宮四方
受福率遵無越

威儀雖離歆茲惟馨神馭禮生七十有九人 通贊二
還復明禋斯畢咸膺百福
拂拭六陳設十有一監宰二瘞毛血七奉帛九執爵
如其數盥三司尊一司樂道童三十六麾一祝一啟

一琴六瑟二鐘一磬一壎二篪二
簫四鳳簫二笙六笛搏拊二鼓
歌工六舞生六十
有四 執旌二俗 獻官 一 省布政使外 分獻官 省知府
六十 有四 獻官 一 府州縣正官 教授訓

導州學正訓導 是禮也府用樂州縣則否禮器同

贊禮 樂舞生就位執事者各司其事 陪祭官各

就位 分獻官各就位 獻官就位 瘞毛血 迎

神 鞠躬拜興拜興拜興拜興拜興拜興拜興拜興

禮 詣盥洗所 拈香 拈香 拈香 拈香 拈香 拈香

者 舉爵酌酒 詣至聖孔子先師神位前 跪 拈香

笏 奠帛 獻爵 出笏 俯伏興平身 詣讀祝

位 奠帛 眾官皆跪 讀祝 俯伏興平身 獻爵

聖 顏子神位前 跪 拈香 奠帛 獻爵 出笏

思 子神位前 詣亞聖孟子神位前 復位 詣述聖子

獻 禮 行終獻禮 飲福受胙 詣飲福位 跪

楮 笏 飲福酒 受胙 出笏 俯伏興平身 復

位 鞠躬拜興拜興拜興拜興拜興拜興拜興拜興

興 拜興拜興拜興拜興拜興拜興拜興拜興拜興

各 詣瘞所 詣望瘞所 讀祝者捧祝進帛者捧帛

分 獻禮 行分獻禮 詣盥洗所 禮畢 十哲兩廡

請 酒尊所司尊者舉罍酌酒 詣東哲西哲東廡西

庶 神位前 跪 拈香 奠帛 獻爵 出笏 俯

伏 興平身 復位 拈香 奠帛 獻爵 出笏 俯

儀 式獻官陪祭官贊禮讀祝皆服祭服 冠 笏

帶 珮 綬 蔽膝 方心 曲領 履 袍 裳

中 單 襪 執事人服 介憤 紅衫 角帶 皂

靴 啓聖祠 同時分祭用羊一豕一帛一簋豆各四爵

從 祀 名宦鄉賢 同時分祀羊一豕一帛一簋豆各四

廟 次詣城隍廟行香如廟 廟 廟 廟 廟 廟 廟

新 官到任及離任其禮如廟 廟 廟 廟 廟 廟

其 並載祀典者 社稷春秋用上戊日出主於壇而

几 七筵一豆一盞一爵六銅如爵之數篚二盥

盤 一帨一羊豕丞四祭品社羊一俎豕一俎和羹三

銅 帛一篚黍稷二簋稻粱二簋棗栗塩藿魚四風雲

邊 非菁道醢醢四豆稷如其數縣與府同

禮 儀 禮 儀 禮 儀 禮 儀 禮 儀 禮 儀 禮 儀

雷雨山川城隍

春秋二仲月上戊日合祭洪武初三

山川之神附祭于壇

春秋繼社稷出主及諸城隍之

主于壇合祭之

祭器增社壇二之一籠增五祭器

風雲雷雨如社儀

山川亦如之城隍亦如之禮

生如社稷壇之數而多奉帛六人無陸毛血

南海

神有司每春秋二仲月十日繼山川祀之禮器祭品

如社壇之數禮生如之凡奉使代祀多為文紀焉

常祀郡厲

出主其祭榜無祀鬼神分而祀之祭器

則不爵三籩四豆如籩之數俎六羹器八稻器如羹

器之數祭品酒三爵果四籩蔬四豆羊二俎豕二俎

奠八器飯八器禮生八人祝一通

全節廟新會縣官

贊二奉爵三邑厲之儀亦如之

仲上旬致祭大忠祠祭用全節楊恭惠公

如古帝王儀

月十二日

致祭以毛

忠義祠祀贈敦武校尉兵馬副指揮閔敏

儀靈應祠

在南海佛山祖堂有

禮如各張文獻公祠

春秋二仲丁後一日

祠春秋仲月丁後一

包孝肅公祠春秋二仲肇慶府

識敬夫人廟

春秋二仲日

與山靈山祠神有六

曰靈山曰香山曰瓊崖曰通濟

瓊州府高山廟

春秋二仲瓊州

官祭

軍牙六纛春秋祭用

霜降守禦

武當主之

有鄉飲酒之禮廣帥方大琮始參酌古禮行之國朝洪武五年令中書省詳定條式十六年禮部定到

鄉飲酒圖式儀註令府縣里社一體行每歲正月十日十月初

一日府縣官於儒學行禮前期府長官為主具書速賓凡致事官及民有盛德儒行者咸與至日於學明

倫堂序立行相見禮三揖而後至階三讓而後拜堂府縣官為主位于東南大賓位于西北僕位于東北

介賓次位于東南九十者六豆八十者五豆七十者四豆六十者坐五十者立府佐與縣之令佐學官倉

塲庫塲庫務之屬序爵坐皆西向耆老儒士序齒坐皆東向府縣教官一人為司正揚解致辭恭惟朝廷

率由舊章敦崇禮教舉行鄉飲凡我長幼各相勸勉為臣盡忠為子盡孝長幼有序兄弟友恭內睦宗族

外和鄉黨毋容廢墜以忝所生生員一人講讀御製大誥文第五

鄉飲酒禮朕本不才不過申明古先哲王教令而已所以鄉飲酒禮叙長幼論賢良別奸頑異罪人其座

席間高年有德者居於上高年淳篤者並之以次序極而列其有曾違條犯法之人列於外坐與同類者

成席不許干預善良之席王者若不分別致使貴賤混淆察知或坐中人發覺至者罪以違制奸頑不

由其主紊亂正席全家移出化外的不虛示嗚呼斯禮乃古先哲王之制安良民於宇內亘古至今從者

鄉里安隣里和長幼序無窮之樂又何又講讀大明言哉吾今特申明之從者昌否者亡

律文凡國家律令參酌事情輕重定立罪名頒行天下永為遵守百司官吏務要熟讀講明律意剖

決事務每遇年終在內從察院在外從分巡御史提刑按察司官按治去處考較若有不能解讀不曉律

意者初犯罰俸錢一月再犯答四十附過三犯於本衙門遞降叙用○其百工技藝諸色人等有能熟讀

講解通曉律意者若犯過失及因人連累致罪不分輕重並免一次其事干謀反叛逆者不用此律若官

吏人等挾詐欺公妄生異議擅為更改變亂成法者斬賓主立聽再揖然後坐乃行酒五行至七行不過十行賓主拜揖乃退其里

社以爲差

命有司會同儒學官率士大夫之老者行
之使民知禮知律每歲孟春正月孟冬十
月百家爲一會共備酒殺有糧長者糧長爲主無糧
長者里長爲主席如坐以賓之年最長者居中衆則
序齒居左右主席者居其末坐定選一人讀律及宣
申明戒論既畢行飲酒禮拜則年長一倍之上者坐
受長十歲者立受相若者
抗蓋參酌唐宋之制也

有射之禮洪武三年詔天下儒學就學闢射圃習射

射式

凡官府及學校遇朔望於公廡空閑去處習
射樹射鵠正南北向置射位於三十步自後

射器

狐鵠一其采二六品至九品射之布鵠
二有的無采文武子弟及士民俊秀射

累加至九十步
之兜中一三品至五品用鹿中一六品至九品官學
官及官員子弟士民俊秀皆用之○箕以十耦爲率
用八十籌盛以桶二○容一名乏以木爲匡皮冒之
方廣七尺足以蔽身○旗以帛爲之每容後各六赤

射職

司射副司射二人司射器二人司箭二人
射位主射官位
于中諸生

二人獲者每鵠用二人執旗六人
位於東西學官射於中
狐鵠諸生射於中狐鵠

有賓興鹿鳴燕之禮

歌生鐘磬各一琴瑟各四和笙
三簧者四笛簫各四塤篪各

二樂工二十六人樹曉日巡按御史至布政司賓主
相見揖讓入門金作揖讓升堂樂闋賓主至正堂
金鼓樂作贊唱行相見禮各二拜平身五魁舉人拜
內外簾官四拜禮平身贊唱行勸酌禮布政司官舉
酒奉獻察院次及考官次及諸執事畢察院舉酒
先五魁次舉人十人爲叙布政司官照前行畢贊唱
請就坐金鼓樂闋坐定贊唱歌鹿鳴司正出位居中
揖歌生樂工曰惟茲賓興盛典請歌鹿鳴爾祗承厥
事歌生樂工揖曰敢不虔命司正復位酒行歌生與
樂工合奏歌鹿鳴首章畢樂闋贊唱請飲酒酒再行

歌鹿鳴次章畢樂闋贊唱請飲酒酒三行歌鹿鳴末
 章畢樂闋贊唱請飲酒眾樂合止是為一終贊唱歌
 四牲自首首至五章如前儀是為二終贊唱歌皇皇
 者華自首至五章如前儀是為三終司正出位北面
 告曰正歌備復位贊唱中式舉入行勸酌禮五魁及
 眾舉人先請察院舉勸酒行禮四笙工入堂中吹南
 垓舉酒酌畢笙闋是為一終次詣二司考官舉勸酒
 行禮四笙工入堂中吹白草舉酒酌畢笙闋是為二
 終次詣眾執事官舉勸酒行禮四笙工入堂中吹華
 黍舉酒酌畢笙闋是為三終各復位司正出位居揖
 歌生樂工曰惟茲賓興請問歌魚麗爾祗承厥事歌
 生樂工揖曰敢不虔命司正復位酒十四行五十九
 行歌魚麗畢每一章請飲酒贊唱皆如前儀眾樂合
 止是為一終贊唱主勸賓四笙工入堂中由庚舉酒
 勸畢笙闋復位司正出位揖請歌南有嘉魚揖荅亦
 如之酒二十行至二十三行歌南有嘉魚四章畢每
 一章請飲贊唱皆如前儀眾樂合止是為二終贊唱
 賓酌主四笙工入堂中吹崇丘舉酒酌畢笙闋復位

司正出位揖請歌南山有臺揖荅亦如之酒二十四
 行至二十八行歌南山有臺五章畢每一章請飲贊
 唱皆如前儀眾樂合止是為三終贊唱主酌賓四笙
 工入堂中吹由儀舉酒酌畢笙闋復位司正出位北
 面告曰間歌備復位贊唱合樂司正出位揖歌周南
 關雎葛覃卷耳召南鵲巢采芣采蘋每章酒行請飲
 贊唱皆如前儀眾樂闋司正出位北面
 告曰合樂歌備贊唱禮成賓主始退

有番王來賓燕之禮

成化二十年占城國王古來避

官畢館穀于懷遠驛番王上金葉表文進貢方物驗
 收畢三堂令廣東有司行宴會禮都指揮使司令四
 衛官屬戎衣盛陳兵仗於城門內外前期有司於布
 政司後堂陳王古來及三司官座次賓西主東設酒
 案於司堂正中食案列於酒案之前又設諸蕃官及
 各首領官座次於經歷司賓西主東設酒案於經歷
 司正中食案列於酒案之前兵仗列隊於儀門外陳
 樂於司堂及經歷司之南楹餘皆如賓主宴會常儀

有大征禡祭軍牙六蠹之禮齋戒省牲陳設立牙旗六蠹於壇廟之上近北

南向軍牙在東六蠹在西設神座於牙蠹之前執事者各服其服贊引引讀祝詣獻官齋所僉祝版各具

朝服執事者入實祭福於器置篚幣於酒尊所陳牲俎於神前置祝版於神右獻官以次入就位奠帛行

三獻禮三上香奠帛三祭酒奠爵讀祝詣六蠹神位前其上香奠帛祭酒讀祝皆如軍牙神位前之儀飲

福受胙 凱旋休兵飲至 廣東布政使司等官備辦筵席除蒼梧軍門外巡按御史

等官太平宴設于都司正堂酒行用大樂細樂金奏鼓吹而無歌生雅樂視鹿鳴宴少殺其儀

有士冠禮士昏禮士塋禮俱奉會典及丘文莊家禮大成行之

論曰禮制洋洋豈不大哉節宣人道經緯庶政恒

必繇此余讀禮書及我 朝會典採摭日用施於

有政以勸在位較然備矣夫天地者生之本也君

師者治之本也人民者國之本也二本植之在禮

故始於事天終於勤民神祇以協上下以和二曜

不失明而四氣順布鬼神有常享品庶各得其序

是為有國之本務而其用則自卑而尊也匹夫由

禮則尊况卿大夫乎今天下同倫私議者不敢出

諸曾臆澤國雖波猶得諸野其四禮則民間多有

之矣夫俗之所無猶欲興之我實章軌以示惇庸

猶懼不則假令輕去如旣弁之髦焉何以率無方之民也彼漸漬於失教見上之所爲如此亦欲自辟矣亦欲自恣矣人性豈甚相遠恭儉莊敬與驕奢淫佚二者常相戰而常不勝惟禮可以防之防一決如潰隄焉所傷甚多故曰人無禮不生事無禮不成國家無禮不寧慎斯以往相鼠可無作也

田賦總

自昔長民者何嘗不籍用其財力以支軍國之費哉粵縮山海之阻其氣炎其土卑濕旱潦屢見而蝗蠹繁興地利不給民至輕去其本業以重末利急則很顧而稱貸不能治辦惟是國有經制積逋則非其民腴取則非其上也欲令好義而終事舍節愛無繇矣今總括戶口田糧差役三者而叩列之俾欲圖賦役之均者坐策焉

戶口

秦始定百粵戍以謫徙人五十萬與粵雜處秦亡趙佗治之有文理得無耗敗由是中國人始居粵漢平帝元始中南海鬱林蒼梧合浦四郡戶一萬二

千八百口三十九萬五百有奇東漢幾再倍之

宋元豐六年始以口口丁分主客爲三等廣南東路戶主三十四萬七千四百五十九客二十一萬八千七十五口主八十一萬二千一百四十七客三十二萬三千五百一十二丁主七十三萬五千七百四十七客二十六萬二千五十九高雷瓊隸廣南西路不與焉

紹熙四年東路戶四十四萬三千九百六口七十七萬五千六百三十八大都比元豐時稍約其繁仍以戶口爲率

國朝洪武三年詔戶部籍天下戶口及置戶帖各書戶之鄉貫丁口名歲以字號編爲勘合用半印鈐蓋籍藏於部帖散於民繼乃編排里甲爲黃冊

二十三年分遣監生同各府州縣官拘集里甲人等審知逃戶給文坐差親隣里甲於各處起取其有他鄉流移者許卽送縣官給行糧押赴原籍州縣復業是時諸司職掌開載廣東人戶六十七萬五千五百九十九戶男女丁口三百萬七千九百三十二口

永樂十九年令有司再覆逃戶

弘治十五年會典通省人戶四十六萬七千三百九

十戶丁口一百八十一萬七千三百八十四口比洪武時

戶口殊減

嘉靖十五年據戴志官吏軍民匠役校尉力士竈蛋等

戶共四十九萬一千三百一十二丁口二百二萬一

十九

三十一年據黃志人戶四十九萬七千八百八十六戶

人口二百六萬七千一百七十五口

萬曆六年戶部會計通省人戶五十三萬七百一十

二戶人口二百四萬六百五十五口新會典同

二年據冊人戶五十二萬六千六十九戶男婦丁

口二百六萬五千八百一十一口內男子一百三十二萬

九千五百八十八丁婦女七十三萬九千九百九十三口

往遇攢造審丁有司每多脫富加貧三十年左布政使陳性學議允隨田均丁民甚便之其說詳附于後

田糧

漢武帝元鼎六年平南粵令以其舊俗治毋賦稅

晉武帝平吳後定戶調式令男子一人課田七十畝

或五十畝遠夷不課田者輸義米戶二斛遠者五斗
 極遠者輸筭錢人二十文願輸布者戶實布一疋遠
 或一丈後課田亦廢自蠻鄉俚峒及嶺外酋帥因而
 署之隨輕重收其賸物皆臨期折課無定則若土所
 自有則令州縣畫為徵令歷宋齊梁陳因而不改
 唐初用永業口分之法若田一頃以二十畝為永業餘為口分嶺南惟
 稅米上戶石三斗次戶八斗下戶六斗調亦米代之
 皆計丁為率其後丁田多詭詔覈墾田定兩稅輸錢
 法嶺南以遠歲輸米如故

開元中嶺南有調有貢廣州等調以苧布端州調以
 蕉布康封二州調以絳麻布厥貢連州細布鍾乳崖
 欽二州高良薑廣州竹簾生沈香水馬甲香鼉鼉皮
 藤篋龜殼循振二州五色藤盤細布食單潮州蕉布
 鮫魚皮甲香韶州竹子布岡州甲香詹糖香又廣韶
 高循蚺蛇膽春韶瀧廣石斛雷州絲電雷州班布白
 石英欽州翡翠毛調如今農桑絲絹貢如今京料
 宋開寶七年詔使臣檢嶺南田土從漕臣周渭言定
 其賦稅率難得實

咸平初漕臣又言廉容數州民墾田不出常租上曰
遠方宜省徭稅寢其事景德中會計天下墾田廣南
頃畝不稱第以五等約之而已

熙寧十年重脩方田法以五等定稅尋以民言不便
報罷時廣南東路已爲田三十萬一千一百八十三
頃一十八畝官田二百七十頃見催秋夏二稅錢七
十六萬五千七百一十五貫後轉運巡官王覺又以
墾田幾及萬頃遷一官自是州縣大率言墾田矣

元豐中再酌任上之貢廣州胡椒石髮糖霜檀香內
並寇母子丁香零陵香補骨脂舶上茴香沒藥石子
元豐貢沉香甲香詹糖香石斛龜殼水馬鬣皮藤篔
韶州絹鍾乳循州絹藤盤惠州甲香籠箱潮州蕉布
甲香鮫魚皮梅州銀布連州苧布官桂南雄苧布封
川新州德慶南恩俱以銀肇慶銀石硯高州廉州萬
安軍俱銀化州銀高良薑雷州良薑元豐貢班竹欵
州吉陽軍高良薑瓊州銀檳榔南寧軍良薑元豐貢
銀

高宗紹興中行經界法始籍定蛋丁俄放還自便

國朝洪武二年嶺海旣歸詔定天下版籍凡田地山林池塘浦港皆令民以所業自實不實者沒之其繫官田地若職若學若書院若廢寺之類予民佃業而書其稅分官田民田重租田輕重起科有差繼從興寧知縣夏惟中奏減官田之稅自是廣東州縣科糧等則不一

二十年以天下墾田多不實遣監生沿坵履畝丈量編次四至爲魚鱗圖冊是時諸司職掌開載廣東

官民田土共二十三萬七千三百四十頃五十六畝○夏稅米五千三百二十石○秋糧米一百四萬四千七十八石

弘治十五年會典通省田土官民共七萬二千三百二十四頃四十六畝一分六釐○夏稅米五千九百七十八石三斗四升三合零 農桑絲折絹一百一十一疋六尺二寸五分零絲一十三斤六兩一錢一分四釐改科絹二十五疋○秋糧米一百一萬七千八百八十六石一斗七升七合六勺零改科絲折米一十二石五斗四升五合五勺

正德間潮州知府談倫布政使羅榮相繼言虛糧部
下勘議以潮州府之廣濟橋稅補南嶼以南雄府之
太平橋稅補保昌皆從之數具二府

嘉靖十五年

據戴志

十府田土共二十五萬六千七百

四頃七十五畝三分○夏稅麥正耗共四千三百九
十六石四斗一升六合九勺七抄荳正耗八斗一合
二勺米正耗共一千六百五十一石二斗四合二勺
五抄九撮八圭六粟五粒○秋糧正耗米共一百一
萬一千七百九十八石一斗四升四合五勺九抄八
撮六圭一粟四粒

三十一年

黃志無田土總

秋糧米共一百二萬二千八百二

十四石一斗九升七合內肇高雷廉四府屬無徵拋
荒米三萬九千六百六十八石五斗六升二合實米
九十八萬三千一百五十五石六斗三升五合額分
官民官米二十萬四千六百九十九石一斗九升三
合八勺民米七十七萬八千四百五十六石四斗四
升一合二勺內虛糧三萬六千四百七十八石三斗
八升四合三勺輕齎米一萬二千七百三十九石七

仲式

斗一升二合八勺五抄

此項止派德慶州存留內截填通關

停徵米二

千九百四十四石九斗九升五合有徵米七十二萬

六千二百九十三石三斗四升九合五抄○夏稅米

六千一百零八石四升八合三勺農桑米二百八十

五石九斗九升五合三勺茶課米三石二斗一升四

合五勺牛租米一石一斗五升

萬曆六年戶部會計通省田土官民共二十五萬六

千八百六十五頃一十三畝六分六釐

新會典同

○夏秋

稅糧除高肇雷廉虛米外共一百萬二千五百八十八石

五斗四升七勺零

內夏稅麥米六千一百二十二

石八斗九升九合七勺零農桑米三百九石八斗九

升九合二勺零又零絲折米九斗三升○秋糧米九

十九萬三千八百二十四石八斗一升一合九勺零

內停徵米一萬二千九百四十三石七斗二升四合

八勺零改科絲折米九斗四升七合九勺零

新會典同

萬曆九年詔丈量時民間皆言官田稅重議與民田

並均之兼以羅定開設州縣併行清丈定徵額糧入

冊詳見下條

二十七年據布政司糧儲道冊丈量後田地塘共三十三萬四千一百七十頃七十一畝八分八釐五毫

○夏秋稅糧共一百六萬六千一百六十六石一斗五升四合六勺二抄二撮零○夏稅麥米六千二百

六十一石六斗四升八合九勺零內保昌縣已成河

歲以猪牙草農桑米三百一十三石四斗六升七

合八勺一抄零 又新政農桑米五十四石三斗七

升七勺四抄羅定州新於○秋糧官米二十一萬四

千七百八十二石五斗七升三合四勺一抄二撮零

內保昌縣失額米一千五百二十五石八升八合二勺六抄於縣民米通融派補又成河填米一十一石九斗八升八合五勺於官課米六十四石八斗八

升六勺 官學院米二百七十五石八斗三升七合

一勺二抄八撮 新收官米一石九斗二升六合羅定

州於陽春縣○秋糧民米僧尼道鹹場黎竈等米共

七十八萬四千五百五十石八斗二升六合八勺二

抄九撮有零內廉州府合浦縣議永不派荒米七千九百九十七石五斗四升二合一勺六

抄五撮零保昌縣已成河填米一百一十三石六斗三升八合三勺將牙蓆稅銀代納實米七

十七萬六千四百三十九石六斗四升六合三勺六

抄三撮零

潮州府十縣南雄府保昌縣合虛米共

一萬二千一百三十石五斗二升八合一勺二抄四

撮零

輕齋民米六百四十一石四斗六升一合四

勺七抄四圭

輕齋僧米五石六斗七升八合一勺

五抄九撮六圭

久廢乾明八寺改入民米九十四

石三斗七升九勺

民課米三十八石九斗五升七

合五勺

稅糧米七斗六升八合四勺五抄二撮零

茶課米三石二斗一升四合五勺

水利米七石五

斗 渡海水稅米一石四斗二升八合四勺五抄

額租并新陞渡米八石一斗五升九合一勺九抄

徭人山米

十二石六斗三升三合四勺

狼米一

百四十八石八斗三升一合二抄

此項羅定州新徵

羅定

州所屬起徵民米及輕齋鐘米改為民米共一萬一

千六百九十八石一斗七升五合八勺五抄二撮零

州屬收回陽春縣民米一百四十二石三斗二升

四合一勺四抄二撮

州屬三路兵餉米一千二百

六十二石九斗六升七勺四抄九撮零○魚課比附

等米二萬九千五百七十石六斗六合九勺七抄八

撮另比附鈔錢七十二文 魚油翎鰓等料米四千

六十一石二升四合三勺八撮零 陵水縣帶徵新

安場課米四十石 已上田糧因丈量後未可遽言開除據冊皆作實額內保昌縣已有

議補惟廉州合浦縣七千九百九十 博頓蘭馨鹽

七石五斗四升二合有奇待後再覈

場米 共一千三百五十九石一斗二升五合每石折

倉備支旗軍 一田二稅民屯米 英德長寧二縣徵

月糧之用 稅米共一千五百三石七斗二合五勺五撮四粒每

石折銀三錢共銀四百五十一兩一錢一分七釐零

原議解 司備餉 歲派首京庫若均一若續派四司若貢葛若鋪墊京

估若增派紫竹翠毛等皆戶工二部京料也與上京

庫及下魚油翎鰓料銀皆起運有脚費副之內均一

者先年題定貢葛亦已有額餘視部文派則徵部議

停則止其廣備倉糧亦戶部坐派與精兵月糧皆起

運梧州餘皆存留為通省官吏師生俸糧及軍餉軍

器之用原議有脚費者並徵如遇閏年該補支者仍

派加閏○京庫銀一十萬兩水脚銀三千三十九兩

五錢四分三釐派米三十一萬二千四百七十二石

六斗九升五勺○額派均一料銀三萬一千零二十

八兩六錢五分一釐一毫水脚銀一十八兩零四分
 七釐八毫共銀三萬一千零四十六兩六錢九分八
 釐九毫零○續派四司料銀一萬九千三百八十五
 兩零五分八釐三毫水脚銀一十三兩三錢二分二
 釐三毫共銀一萬九千三百九十八兩三錢八分零
 七毫○增編貢葛銀四十三兩○鋪墊并京估料銀
 五千五百二十二兩八錢四分七釐四毫水脚銀三
 兩五錢二分三釐八毫共銀五千五百二十六兩三
 錢七分一釐三毫○增派紫竹梨木翠毛等料銀一
 千一百三十五兩二錢八分九釐七毫水脚銀一分
 八釐九毫共銀一千一百三十五兩三錢零八釐六
 毫已上皆起運○廣西梧州府廣備倉米銀三萬二千五
 百兩派米五萬零二十石二斗一升四合有零○梧
 州精兵月糧銀一萬三千七百七十二兩一錢派米
 二萬五千五百零三石八斗八升八合八勺○解司
 并留府軍餉米銀一十二萬二千九百六十一兩一
 錢九分四釐五毫水脚銀五十八兩一錢三分八釐
 二毫共銀一十二萬三千零一十九兩三錢三分二

釐七毫派米二十六萬二千八百五石七斗一升零
 七勺○軍器料銀一千四百二十八兩八錢九分一
 釐三毫水脚銀一兩一錢四分零三毫共銀一千四
 百三十兩零三分一釐六毫軍三民七○各府倉米銀六
 萬三千二百二十三兩零一分八釐三毫有零派米
 一十萬八千六百六十四石六斗五升六合六勺又
 本色米一萬一千一十五石三斗三升七合二勺○
 各府儒學倉并廉州府屬州縣儒學倉米銀三千九
 百五十五兩九錢二分五釐派米七千七百一十一
 石三斗九升二合四勺○各州縣儒學倉銀一萬三
 千七百四十九兩八錢五分七釐二毫派米二萬五
 千七百一十八石四斗一升零四勺○各州縣倉折
 色米銀七萬四千九百九十七兩七錢零五釐七毫
欠派米數又本色米二萬七千零八石七斗九升八合九
 勺○各州縣庫備支間月折色米銀一萬二千六百
 零三兩九錢九分七釐派米二萬二千九百零一石
 六斗零四合八勺○雷州府徐聞縣撥補魚課虛米
 銀六十二兩一錢派米一百四十五石七斗七升四

合六勺○韶州府水利米銀二兩三錢六分二釐五毫卽以水利米七石五斗搭在乳源縣帶派○總兵廩糧并掾史衣資共銀三百九十二兩八錢七分九釐五毫水脚銀二錢三分三釐四毫共銀三百九十三兩一錢一分三釐有零內除韶州府曲江樂昌二縣銀七兩零四分九釐三毫有零在該縣徭差均平銀內支解外尚銀三百八十六兩零六分三釐六毫○廉州府叅將廩給銀四十七兩四錢四分六釐五毫○高州府達官稻穀銅錢折銀一百二十兩○高州府軍務藥材銀并水脚共銀一十六兩八錢○廣州府番禺縣編復京庫水脚銀湊給分水頭海心岡二處募兵工食銀一百兩○廣州府新寧縣分循坑營兵工食銀一十九兩二錢○龍門縣舉人生員會試科舉盤纏共銀二百四十四兩四錢八分五釐○羅定州近議改充羅定中路兵餉銀五百兩○羅定州近議改充夫馬銀一百兩○高州府北津寨兵餉銀一千六百零四兩八錢九分五釐一毫○瓊州府併徵萬州新安場鹽課一十二兩以鹽課米四十石派○魚課

課程等項米九千一百二十八兩七錢零三釐六毫
 坐派米二萬九千三百六十三石八十六升四合一
 勺○魚油料銀一千二百五十三兩三錢一分一釐
 四毫○廣潮二府起運解司水腳銀共五百八十八
 兩五錢九分六釐七毫○廉州府合浦縣潮田稻穀
 充餉米銀二百一十四兩七錢五分一釐二毫以實
 徵米派四百五十五石二斗九升六合八勺○惠州
 府徭人山米銀三兩一錢五分八釐三毫即以徭人
 山米一十二石六斗三升三合四勺○以上三下四
 項共銀五十二萬零六百六十四兩九錢一分五釐
 七毫有零比附鈔錢七十二文本色民黎米三萬七
 千八百七十四石九斗七升六合有零內除高州府
 信宜縣奉文詳允將懷德鄉本色米五百六十二石
 折銀二百五十二兩九錢尚實本色民黎米三萬七
 千三百一十二石九斗七升六合有零本色夏農米
 一百四十九石一斗六升零二勺上有照派糧米亦有單派銀不坐米
 若干者俱
 照冊載

徭役

周世力征具於鄉大夫之職古今莫能易焉漢有口賦錢與科謫踐更並用唐以身庸繼乃酌貧富去籍帳以防踵弊已復置科差簿刺史覈署下縣官據以輪差宋用差役再變而用雇用義不久復為差馬端臨謂雇便於差差便於義其大較也

國朝洪武初差役用里甲里長一人筦徵輸餘品第其貧富點差阜隸兼用囚人惟役二丁事薪水買馬用官錢令城中民養之以資出入後定十年一次為均平人一丁科錢三百三十田一頃科錢千文京料

祭祀鄉飲與夫馬船足公私燕會俱出其中後又以

五年編徭累朝益以水夫民壯皆酌用丁糧後又分

為銀差力差近始皆徵銀為一條編法

萬曆七年清理四差均平均徭時通省額銀用五十

一萬六千六百三十七兩一錢一分九釐有奇御史

羅應鶴集議裁定減銀一萬八千六百五十五兩六

錢六分二釐有奇九年疏報令再議御史梅淳再酌

請減銀五萬九千九十五兩五錢有奇與戶口鹽鈔

為五款行之內戶口鹽鈔額銀一萬八千五百三十八兩六錢四分八釐二毫七絲遇閏加

銀一千四百八十六兩五錢七分四釐二毫九絲零
是時急於裁減將正銀止派一萬七千四百三十三兩九錢一分三釐尚少一千一百四兩七錢三分五釐二毫七絲未經議入至十一年布政司查出係潮州一府漏報議於該府太平橋商稅銀補遇閏通補如額

二十七年據冊載十三款○徭差銀一十六萬九千

八百六十二兩二錢三分八釐○民壯銀一十五萬

八千八百八十四兩九錢零七釐○驛傳銀五萬八

千八百五十三兩六錢七分五釐○均平銀五萬五

千一百五十二兩一錢五分○鹽鈔銀一萬七千四

百三十三兩九錢一分三釐見瓊州府萬州驛傳充餉銀

銀九百四十六兩八錢○瓊州府萬州驛傳充餉銀

二百兩○雷州府徐聞縣折色鈔俸銀一十九兩五

錢四分三釐○羅定州東安縣夫馬銀二百兩○羅

定州東安縣備支俸糧銀一百七十六兩三錢二分

八釐○羅定州東安西寧二縣備支南鄉等四所官

軍俸月糧銀四千四百五十六兩二錢六分六釐○

東安養濟孤老衣米銀二十兩○羅定州東安縣備

支南鄉所屯軍糧食銀七百二十四兩已尚遇閏加派以補閏月

屯糧附

舊額屯田

七千一百二十四頃三十二畝八分零細糧一十八萬九千六百二十三石一合零

萬曆三年督撫殷正茂清理屯政冊報實田

六千四百二十二

三頃五十七畝七分八釐計糧一十五萬九千三百七十九石九升四合二勺零內荒瘠高燥比照宣德十年減徵事例減糧五千一百五十五石二斗三升三合實徵一十五萬四千一百二十三石八斗六升四勺
○今額樣米屯糧 共一十五萬五千八百六十三萬八千零三十九石五斗四升折色銀四千八百九十九兩一錢九分三釐錢二十八萬二千二百四十一文又一田二稅銀四百五十一兩一錢一分民糧亦載

論曰政之大經在賦役而口以戶計糧以田計役

以差計三者纖細若牛毛而事均鼎足能劑量而

平其政即米鹽凌雜孰非精神而周澤由是渥焉

豈徒法哉粵處南徼席累世休養雖間有山海之

訐而民安土重遷故戶口不大衰減惟是賦役不

均與中土無異邇時履畝與條編相繼衆咸便之

久而皆有遺議業以度田不實猶為期會太逼使

然若條編議行則總括十年之通計戶丁糧使民

周知令不為漁獵者地今且以弊歸之何說也大

都立法者必待守法者然後見功假令有輕悍若

視故牘若弁髦故名曰歸農而里甲疲於奔命如

故其利巧太甚則又入于法之內而鑽穴焉故嘗
 沾沾自喜曰吾聽自封識投櫃其何染之與有而
 陰取羨耗倍其常由票與覈籍不相副則從涓成
 滴從滴成潤敢以錙銖前較量者誰歟夫積總者
 難亟覈故易混積繁而主計者不得摘發故易私
 當其時慮偶遺此斯弊備至今隄潰蟻孔自昔歎
 之世有執法之臣蒿目而求其後信良工獨苦哉

廣東巡按御史李時華革弊五禁

附

一申飭條鞭以甦里甲

夫里甲悉放歸農近奉明
列至森嚴也乃有司事

責辦里長里長亦因以爲利權一科十不但其
一節即細而米鹽無非科派所及也試言其巨者
如上司經臨或查盤官到每次科派百餘兩府官
新任各縣該應脩理衙門每次科派百餘兩知縣
典史吏房朝覲每次科派二百兩會試舉人每
名科派水手三十兩兩員科舉每名科派盤費十
餘兩貢生赴京每名科派盤費三十兩各衙門送
節及解糧盤費鄉飲丁祭皆派之里甲本院巡歷
地方官司非不極意彌縫而實不掩虛無不敗露
即徃歲經過陽江陽春科派里甲動以數百計所
至隨即查究民間尚未至大擾雖官之賢否不同
固有不用之別然而所不用皆十厘二三耳物
極則反勢窮則變且今何時曠稅歲加二十餘萬
下民膏脂已竭奈何獨聽其踵承乎除即特疏
題明申飭外仍與諸司約即有均平毋煩里
甲但有不足據實申詳如或故違三尺具在
一嚴禁加耗以清貪贖

夫錢糧加耗亦各省通弊
然未有如粵東滋甚者本

院視事以來耳目聞見又有出于縉紳所譚之外
 如銀至滿兩或不及兩俱憑庫置釐等發與直櫃
 里長視額取盈每兩視司頒法馬加二焉又明除
 火耗三分以故民間上納每兩有耗至四錢者嗟
 嗟暗加明除吮盡骨髓疇非民脂而忍至是矧官
 司以此責之里排里排必以此過索花戶百姓幾
 何胥以生也本院嚴與諸司約務在盡絲宿蠹只
 令小民自納羨耗悉與蠲除夫小民自納則侵弊
 自清不但指派無以售其奸欺抑且逋負可損減
 於曩日有不然者本院以三尺從事又此中徵派
 舊無規則書筭易欺長吏里排易漁小民本院曾
 官司理署印查盤親見派糧易知單甚為便益因
 行糧儲道議詳條分縷析使小民入目便知先縣
 總次里總次排總次戶總以戶合排排合里里合
 縣刻為書冊仍另刻易知單先列錢糧起存額數
 後列徵派規則又另置此單俱大字深刻頒布通
 知一時士民傳播歡忻鼓舞舞僉謂二百
 年來僅見此舉庶幾垂永久之利云

一申禁派夫以蘇疲困

凡衙門興作自有均平
 役不知起自何年保甲鄉

夫常行派撥而雷廉瓊尤甚官差一至徑付保長
 有一夫貼銀至三五兩者在民百態愁勞官司毫
 無痛惜本院聞之髮為上指刻示明禁至於省城
 脩造一監及廣州府儒學悉官銀雇募從此派夫
 悉行放免而民始知有所謂均平而派用夫甲為
 之一洗矣如或仍前訪出或告發先提吏書重治
 官另議佐領以下
 下等開驅逐

一立法和買以寬舖行

蓋舖行之苦在且有之粵
 東尤甚凡各衙門正官及

佐領以下白頭小票紅筆亂標或取柴米布帛紵
 絲或取木料藤貨磁器或取菜果海蜡或取魚皮
 獸皮或取奇南或取翡翠他如象牙犀角玳瑁鶴
 頂之類積至經年毫不給價一有稟領箠楚加之
 即稍飭篋篋者亦未免借名官價或以曆折或以
 低銀至于承票之人有因一而取十者有因此而

取彼者有先時發票橫索既周遷延數日取應他
 行者有常經見買私自減尅抵授者商皆虧本民
 苦剥膚蓋敢怨而不敢言匪朝夕矣本院設為平
 買之令榜示細如米鹽俱要見價平買仍刊封發
 行令各行置簿送院印發但大小官員買物俱照
 原發封數登註于簿本院或巡歷所至吊查或過
 掣查或委官間查必有虧
 損及用票賒取定行究治

一嚴禁白艚以防接濟

粵東濱海在在通津漳泉
 之白艚販糴舳舻相望富

宰利其易售牙行利其得財奸徒通番接濟引誘
 為寇釀禍非淺本院廉得其實牌行守巡各道轉
 行所屬府州縣并守把澳港關津嚴加禁遏如有
 前艚悉令驅逐去秋歲入小歉米價不至翔貴者
 禁白艚之力也行此不惟粵東
 粒食無艱而海上寇釁亦杜矣

廣東布政使司左布政使陳性學革弊二款

附

一議編丁口以均貧富

有粟米之征有力役之征

故產以出租而丁以出庸所從來久矣惟是田連
 阡陌即丁浮於人而力猶易辦若家無立錫雖人
 浮於丁而勢亦難支顧各有司往往於編丁之時
 徇情畏勢而低昂其手彼豪有財者任其脫漏貧
 無力者捏報抵填甚且于優免之外實在冊丁私
 為豁差此非洒派於人何以能足一歲之額所為
 若此謂均徭何而凋敝小民寧不轉之溝壑耶今
 次攢造如民丁雖絕田糧尚存與軍戶匠竈雖已
 逃亡仍各存戶眼以備查考此外民戶果係盡絕
 田產俱無而老死虛名尚懸在冊者悉與除豁其
 實編丁口須隨田轉移如田多而丁少者增之田
 少而丁多者減之總之抵足原額而止至於在冊
 壯丁除應優免外輒復私註豁差其弊不在編審
 之時而在派糧之日相應併為申飭備移督冊糧
 儲二道知會及檄各府轉行各州縣一體遵照俟
 解草冊至日如田少丁多田多丁少與老死虛名

猶然不除者聽督冊道覈實徑將印官參呈若歲
派錢糧丁不應免而免者聽糧儲道查參則弊規
清楚而閭閻貧戶其有瘳矣

一較鑄法馬以定平準看得徵收錢糧合用部頒

法馬而用釐子詢之則曰法馬有輕有重難以悉
憑當吊到一副計三十七顆係萬曆二十二年鑄

而較其餘中間有輕一分二分或三分四分八分
又或輕一錢至一錢六分者又有重一分或八分

者夫馬以示準法以示信乃輕重偶失其平彼不
才司執其盈而詆其歉必且以賠補為詞難禁

其不加耗矣合請兩院將原留備較部馬發下本
司以一兩十兩百兩定衡餘馬照此類推俾由一

至十由十至百析之毫忽不爽合之與總相符每
衙門鑄給二副一置收銀之所許令百姓自對自

校一置二門之外押各商民知輕知重一切私用
釐子蓋行革去馬以對準為率不許分外加耗兩

盤從便較銀不得偏針作弊原馬輕重不等者悉
行吊回仍諭士民使知上無可藉之端下免賠耗

之苦至于本司或收或支悉憑府佐縣正輪流監
究成錠而入原封而出一切禁戢

官攢事宜已頗且悉無容贅矣

官辦
家如前
之善至
台昂田
鹽發與
鹽稅總

鹽稅總

書稱青州貢鹽與周官之鹽人皆以共膳蓋無權
政至海王篇作寧獨霸齊其利幾與古今終始良
以一養人一資國世恒以兩相權而莫能廢也漢
時番禺高要始置鹽官迨于今為場二十有九科
條井然歲有常業而官操奇贏亦足以當田租百
分有一之份惟竈課商引兩厝意而調緩急使無
偏累斯惠均而利流端在茲矣它若權務關梁山
澤之入以佐軍興總之皆課也其興廢盈縮有時

第據籍而紀其數以近事附之

鹽課

漢地理志南海郡番禺蒼梧郡高要皆有鹽官

吳置司鹽都尉於東官郡

唐志自東莞至義倫縣六並有鹽

乾元元年籍游民業鹽者爲亭戶始置鹽鐵使權鹽
元和二年詔以鹽鐵使歲煮鹽利繫度支

宋開寶四年詔權嶺南鹽

仁宗天而後東西海場十三并領於廣州歲鬻南五十
一萬三千六百八十六石以給東西二路慶曆間轉

運使李敷王繇請運廣州鹽於南雄州以給虔吉繼

三司判官周湛復請運入虔州嘉祐末令廣南鹽入
虔汀所過州縣收筭

元豐三年詔東莞靖康等十三場歲煮二萬四千餘
石以給本州及封康英韶端潮連賀恩新惠梅循南
雄州白石石康二場歲煮一百五十萬斤給廉州及
欽州等處高竇春雷融瓊崖儋萬安軍各煮以給本
州無定額

紹興八年以前樞密院編脩胡銓鹽廣州都鹽倉筦
二廣官鹽時廣東鹽以九分行鈔法一分付產鹽州

縣自賣尋以不便而罷廣西八分鈔二分鹽

紹興三十二年廣東鹽額廣州九潮州二惠州三南

恩州二賓州三廉州一高欽雷化各二時又議收鹽行錢尋免

淳熙十六年復二廣官船官賣鹽法時屢議屢罷始復行

元至元五年以廣海正額鹽歲有積欠議將鹽一萬
五千引內減五千引以舒民力從之

國朝洪武二年設廣東海北二提舉司額發大引鹽
七萬三千八百九十五引三百斤繼定日課鹽法每

竈戶日辦鹽三斤夜辦四兩計一年三百六十五日

得鹽一千一百八十六斤四兩每二百斤折一小引

計五引零一百八十五斤每引加耗鹽五斤共三十

斤得六引零十五斤謂之全課給工本鈔每引鈔二

貫其鹽上官倉聽民以口給納鈔在官戶口鹽鈔始此每歲

兩提舉照場分徵課將小引鹽七萬七千三百一十

六引折大引鹽三萬八千六百五十八引課足引額

餘聽乃商中買惟收商引目之稅而已其鹽不分生

熟課皆同至天順五年廣東提舉司冊報又定熟鹽
 場分每丁止辦二引為用柴之故生鹽場分每丁辦
 或三引四引有之為日晒省用之故正德五年御史
 鮮冕始奏定折課以寬恤竈丁將熟鹽場分有徵一
 引折銀二錢七分無徵者亦一錢十一年刑部莊王
 事又奏將前折課銀五分存留五分解部嘉靖八年
 僉事林希元又奏豁無徵查新生續長僉補重造冊
 籍自是課皆實徵近年戶部議將課銀七分解部該
 太倉庫銀一萬一千一百七十八兩正三分存留該
 銀四千七百九十兩九錢四分其水客商人等銀亦
 以三七為例

廣東鹽課提舉司領十四場曰靖康曰歸德曰東莞
 曰黃田曰香山曰銓峒曰海宴曰雙恩曰鹹水曰淡
 水曰招收曰小江歲辦小引生鹽三萬二百二十九
 引每引一錢七分共銀五千一百三十八兩九錢三
 分小引熟鹽三萬四千六百一引每引銀二錢三分
 共銀七千九百五十八兩二錢三分二起共銀一萬
 三千九十六兩九錢六分

今黃田并入東莞鹹水
 并入淡水共十二場

鹽額

水客餉銀 凡赴場買鹽回省兌商者爲水客先年止收商引之稅水客無餉成化八年巡撫韓雍始奏議熟鹽萬斤定抽官價一兩生鹽減十之一爲軍餉嘉靖二十八年議分爲四仍以萬斤爲率青生鹽餉銀八錢白生鹽九錢東路熟鹽一兩西路熟鹽一兩二錢近年鹽法道劉一瀾爲內監議稅揭報止有三項青生八錢東生一兩西熟一兩二錢隨其報買鹽數預納餉銀完足給票定限往場收買依期回銷歲約銀八千兩

商引餉銀 凡與水客兌買告往他所發賣者爲商人其引有周年有散拆二種先正德十四年巡撫陳金奏行每買正鹽一引許帶餘鹽六引每引二包重二百五十斤共十四包計正餘鹽一千七百五十斤正鹽赴提舉司納引價一錢紙價三釐餉銀玖錢餘鹽六引赴告往所在官司納堂每引納銀一錢五分共銀九錢若包有大小及潮州鹽無包者以斤數折算今鹽法道揭報商人若告承廣南韶惠肇慶五府大小埠頭共五十一所定周年引二萬八十四道每

引餉銀八錢引紙價銀一錢三釐照秤正餘鹽十四包南番等縣埠頭賣者每包重一百二十五斤南雄韶連埠頭賣者每引重一百三十八斤例納餉銀九錢引紙價亦一錢三釐中若順德九埠徑自赴場買鹽每引加一錢韶連二埠路通湖廣每引加銀三錢歲約引紙餉銀共二萬二千九百六十兩有奇若南雄往江西梧州入廣西商人告承散拆鹽引歲約三萬四千道每引亦赴提舉司納引紙價銀一錢三釐約銀三千五百兩其軍餉赴廠方納謂之納堂南雄

太平橋廠約一萬餘兩廣西梧州廠約二萬兩

盤秤餘鹽

凡水客赴場買鹽回銷每一萬斤首出

餘鹽一百斤割除餘鹽三十斤外又或仍有盤出餘鹽俱照時值折收價銀仍照往場則例抽納軍餉其鹽免割入官准令立限河下發賣若商人正餘鹽七引例割餘鹽五斤如七引之外盤出餘鹽亦照時值折銀仍計以一千七百五十斤爲一引抽納引紙價一錢三釐軍餉九錢亦免割入官明於引票內填寫割鹽及委官盤出鹽斤若干納過價銀引紙軍餉數

目若干照往告指府縣若又盤出餘鹽亦照此例折收價銀引紙軍餉銀兩亦免割入仍於票內如前填寫明白將票給還商人照就彼處貨賣今鹽道揭報客商有首割有自報及盤出多餘折納價餉約銀一萬四千兩又有違限違例罰餉究贖罪銀約一千兩若韶連州縣鄉下商人自願投引納稅者歲可百十兩

外連山縣鹽稅銀二兩十四兩見下稅監

牙用包銀 提舉司舊用經紀三十名番南居民願克者赴道自具狀報限日齊集拈闈數足而止周年

一換其商人告買引鹽狀後亦開經紀姓名備查每

鹽價一兩牙用銀二分五釐內一分五釐商人同引價赴納提舉司收貯克餉一分歸經紀牙用季終提舉司收過牙銀解布政司造冊報道具數報軍門查考今據揭報牙稅銀歲約二千兩又收掣各商鹽包

銀約一千兩

外歸善縣牙稅銀三十兩五錢見下稅監

路上抽盤 南雄韶連鹽船經清遠等廠盤割鹽斤銀約一千六百兩羅定封川梧州鹽船經肇慶廠抽包銀約一千兩

潮州府鹽餉 去省路遠徑赴本府太平橋下盤驗事例如前委官季終送府解布政司餉銀約二萬二千餘兩又菜鹽銀一千兩

行鹽地方 先年南贛用兵奏通引稅益餉廣商鹽通至臨袁吉贛南安五府後與淮鹽爭時或三府四府不常嘉靖四十三年始定吉贛南安三府萬曆十三年巡鹽御史力請改吉入淮慶臺疏爭之戶部從中持不決下兩藩議屯鹽僉事陳性學議謂吉餉歲可萬二千緡淮餉不踰二千其售價比廣鹽昂三倍豈惟吉人坐苦鹽貴不便將使廣之南雄嶺路蕭條海濱商艚或緣而生變非兩藩之利也於是戶部復以吉還廣會有事珠池集四道兵之積六月未捷性學白督府吳文華此皆鹽徒以失業故爲梗爾予招便尋使人往諭曰江之西鹽已䟽通矣何不歸自爲生計而坐取屠戮也船各予照身令有司勿問尋縛其酋陳鏡葉宗權等七人抵法餘黨解散論功賜白金文綺考宋慶曆時漕臣請廣鹽給慶吉往事然矣其西路行梧州平樂桂林西北路行湖廣衡永二府

榔桂二州世有定界

廣西官運 始隆慶五年廣西巡撫殷正茂以古田

之役出官帑萬金市蒼梧廣商鹽上桂林鬻其息資

戍兵餉萬曆二年始題請遣官買運廣鹽置鹽運提

舉於梧州使相漕輸謂之官運八年題定歲運鹽五

萬四千四百五十四包每包工價銀四錢一分九釐

顧自二年後運官往往圖賤市還報以為功遇鹽價

踴貴又欲取盈與往時賤售價等及期復苛求之故

四年議有成色鹽謂官銀成色高五年議有消滷鹽

謂包有消滷易消每包補四斤八兩六年梧州炭舉謝伯澄又分鹽色

為三等上色加銀二分中色一分下色減一分再議

洗砂船包內掣鹽一兩淨洗扣去時水客牟利者

偶一為之至以通扣各商珠窟十三年屯鹽僉事陳

性學始條六議行之自是運官入廣市鹽皆酌時價

其消滷洗砂三等鹽皆罷包重原一百二十五斤益

以成色共一百三十斤為定則官商兩便之

海北鹽課提舉司領十五場曰白沙曰白石曰西鹽

白皮曰官寨丹堯曰蠶村調樓曰武即曰東海曰博

茂曰茂暉九場在海北曰大小英感恩曰三村馬鼻
 曰陳村樂會曰博項蘭馨曰新安曰臨川六場在海
 南司遙領之正統七年瓊州知府程瑩奏將海南六
 場每一大引鹽折米一石弘治三年副使李士實又
 奏以折米鹽課每石折銀三錢留瓊州府廣盈庫為
 官軍俸糧之用共銀一千八百七十六兩一錢三分
 四釐三毫零今額一千四百五十兩一分八釐八毫
 舊梧鎮志云一千八百
 一十四兩三分四釐

海北九場嘉靖二十五年廉州知府胡士鰲亦議照

瓊州事例詳允存留今據萬曆六年戶部會計錄載

云九場共小引正耗鹽一萬二千四百八十六引每

引銀二錢三分共銀二千八百七十一兩七錢八分

梧鎮餉志云徵銀二千七百五十九兩九錢二分五釐

廉州商餉 水客往白沙白石皮丹兜四場買鹽

每萬斤餉銀一錢七分五釐盤出餘鹽照時值折價

仍每斤抽納餉銀一釐其投銷過限俱照廣東提舉

司例水客即為商人照往原告埠頭發賣每引一道

照官鹽一千七百五十斤餘鹽八千二百五十斤例

納引目及紙價銀一錢三釐

據鹽法道
撤數載

化州水客商餉

鹽法道歲發引目號票到海北提

舉司收貯內將高州府屬一州五縣引目一百道號

票一百張轉化州貯庫遇有水客告往茂暉博茂丹

堦三場買鹽同經紀赴州告票如例預納軍餉訖州

即填票立限買回赴州銷盤明白准令兌賣商人每

官引納紙價銀一錢三釐軍餉銀九錢該州照數填

票將引截角定限照往告指地方官司告秤盤驗聽

賣依限將引目號票回州銷繳每季通申年終將軍

餉銀解布政司引紙價銀轉解海北鹽課提舉司收

候

石城商餉

官寨丹堦水路通廣西陸川博白二縣

食鹽俱石城縣商人管賣亦隨本商願買多寡赴海

北鹽司告納軍餉給票照往該場買回石城縣告銷

委官盤驗仍照往該司照納引紙價銀拆引另給引

票立限領回赴縣照例每萬斤割鹽三十斤每官引

一引割鹽五斤折納鹽價并引紙價銀貯庫免其收

鹽入官聽在本縣地方發賣依限銷繳將引價軍餉

轉解海北該司與化州解來引紙價類解布政司收

據嘉靖二十四年鹽法道議行及梧鎮志今司官裁革二起餉銀實數待覈載入

已上廣東海北二鹽課司鹽銀除戶部原議存三解

七齊邊事例不載二十七等年節次議撥稅監者附錄

二十七年十月內撥清遠縣餘鹽餉銀一千五百兩

鋪墊即在此項羨餘支取又肇慶府餘鹽引紙價并

四釐鹽稅餉銀一千兩鋪墊銀一百兩是月撥凡三項共銀七千

五百兩鋪墊銀六百兩尚一項南雄橋稅五千兩鋪墊五百兩共足前數見下稅課

二十八年六月內加增廣東提舉司鹽稅銀三萬兩

又撥提舉司貯鹽稅鹽利牙稅納堂預納餉銀共三

萬五百二十一兩又滄光廠鹽利銀二百兩又瓊州

大小英等場存留鹽課銀一千二百一兩四錢又連

山縣鹽稅銀二十四兩又歸善縣鹽牙稅銀三十二

兩五錢又靖康白沙等二十場存留鹽課銀三千二

十一兩一錢又割首盤鹽賊罰引價賠納等項存三

銀四千九百八十九兩又鹽包銀一千五百兩又潮

州府廣濟橋鹽利內撥銀一萬一百八十九兩又潮

州府菜鹽餉銀一千兩又發遇仙橋鹽利銀四千三

百二十兩

商稅四千八十兩見下稅課

又廣濟橋鹽利再撥銀一

千一百兩

凡有裨於鹽政者附載于左

巡撫都御史陳金奏議

切照兩廣古百自地民徭雜處寇盜縱橫連歲征剿錢糧

支用不貲加以水旱相仍人民饑饉處置賑恤調兵
防守歲無虛月倉儲有限供費無窮其兩省布政司
雖貯有銀兩各有頭項難以別項支用迺年征剿賞
犒并各處哨守官兵及脩城船打造銀牌買辦紅料
硝磺置造軍器收買馬匹鞍轡等項凡軍中合用之
物無不賴此捨此再無出辦之略論者但知鹽利甚
多欲要減免其關係之大遇急無辦之患臨時缺乏
之憂皆彼之所不顧自正德二年查盤起解之後倉
庫遂無餘積此一舉動輒告缺乏况商人許令自首
乃有不盡之數今不令自首則私鹽盛行無忌是

商人以網厚利虧軍餉以慢大事其為靖安地方之
計或屬未宜但鹽丁所辦之課已給與客商此等之
徵則出自商人與鹽丁所辦無干以此而恤鹽丁非臣所
敢知也况鹽商獲利頗多盤獲私鹽又免入官准以
此數而責令出辦法為甚輕而破納亦甚易俱欣然
樂從今益商而縱私販鬻官而慢大事以此措軍餉
又非臣敢知也非糧無以聚兵非賞無以勵功今惟
欲布寬恤之美名而不顧地方之大患此豈經久可
行之道哉即今儲蓄已少不急復舊規則軍餉日虧
錢糧日減每遇地方多事聚兵無糧賞功無費臣等
束手無措未免奏請內帑縱蒙俯允而往返稽延悞
事非細况前項事情行之年久上下皆便商人絕無
怨言決難輕易伏望 皇上念邊方多事軍餉關係
甚重乞勅戶部查議合無仍復舊規盡革新議今後
遇有裝載鹽斤前往廣西湖廣江西等處行鹽地方
發賣經過梧州南雄韶州等處聽臣行令各該盤鹽
委官仍照遠年行定舊規每官鹽一引許帶餘鹽六
引正鹽一引免其納銀餘鹽每引納銀一錢五分外

夾帶多鹽之數許令自首每引納銀二錢五分專備
 用兵糧賞自首數外仍有夾帶隱瞞者盤出沒官人
 犯照例問發充軍各該盤鹽委官通同受囑容隱不
 舉事發俱問擬枉法賊罪一體照例充軍仍著為例
 永遠遵守司其事者毋因一言而輒變更行其事者
 毋執私見而擅改亂如此私鹽之禁猶存奸貪之罰
 有在倉庫自克軍餉自足可無缺乏之憂矣

兪事吳廷舉奏議一曰停解銀

臣查得廣東海北二
 鹽課提舉司所轄二

十九場原額大引正耗鹽七萬二千七百六十二引
 三百九十斤有零除海北提舉司臨川等六場額辦
 先因隔沙海洋正統七年知府程坐奏奉勘合准令
 每鹽一大引折納米一石送瓊州府所屬州縣附近
 倉上納尚餘靖康博茂等二十三場生熟鹽場分引
 鹽自景泰天順成化年間或因流賊劫害或因竈戶
 逃亡或因豪商害人或因鹽倉倒塌近年止是驗引
 收銀類解廣東布政司庫內支與中鹽客商及備軍
 門用兵之費熟鹽場分每小引有徵者納銀二錢五
 分無徵者納銀一錢七分五釐生鹽場分每小引有
 徵者納銀一錢二分無徵者一錢中間遠近逃亡死
 絕無人辦而見在竈戶饑寒困苦無銀代贖者其數
 亦不少也近年縱使追徵得鹽每年所取鹽課銀不
 過二萬四千餘兩自天順以來巡撫重臣或奏請施
 行或隨宜處置其立法講求每歲所入除正額外鹽
 利銀兩約有三四萬兩其為法於行鹽地方各立鹽
 廠廣西則立於梧州廣東則立於肇慶南雄清遠商
 人到彼投稅者每正引鹽收銀五分餘鹽每引收銀
 一錢餘鹽之外更有多餘鹽引許令自首每引銀二
 錢每引重二百斤每鹽一百斤分為二包每鹽一包
 除耗鹽五斤准除蒲席藤線斤兩此各廠盤鹽之法
 之大槩也其他鹽船經過潮州者有河度門廣濟橋
 委官盤之經過惠州地方有府河委官盤之經過東
 莞地方有西湖埠委官盤之若鹽之散入廣州河下
 井番禺南海新會順德增城從化等縣海洋港汊八
 達四通而巡檢司各市鎮各墟市散賣者又該臣受

時新

詞給票發廣東提舉司書填此號以發賣之於商人
 水客所納有公櫃銀有餘銀牙稅等銀其名雖異其
 實則同總謂之軍餉也此法相沿行之三十年矣商
 賈通融府庫充實以備西北三邊急缺糧餉自天順
 成化弘治年間未嘗有起解赴部也兩廣自立總府
 以來征剿蠻賊討滅土官每次用銀輒費十萬餘兩
 臣固未嘗見其科派州縣求助於隣封請乞於內帑
 以有前項餉銀也即今盜賊不時出沒打破關廂或
 攻圍韶驛或借稱王號父老延頸以望王師總兵設
 法圍剿急於求救只以府庫空虛故歛手不敢舉事
 且如惠州近日申稱官軍折俸銀該一萬四百兩使
 司庫內無備兩年不曾放支又如近日叅議羅榮魚
 事胡恩在惠潮截捕會呈二萬餘兩雇倩打手府庫
 無銀累行不報今日兩廣地方盜賊隨處生發者正
 由任事官員誘以軍餉缺供而無志於討賊徒取充
 位使有意外之變乞行原差內外查盤官員欽照原
 奉勅書止將迺年存積鹽課并私鹽船隻囚徒二日
 銀兩解部此他軍餉銀兩留備地方用兵可也

定鹽斤

臣查得天順五年戶部中書後據御史葉
 盛題稱江西南安贛州二府相去兩淮窻遠
 溪灘險峻鹽商少到軍民鹽食全仰給於廣東客商
 有願贛州南安二府發賣者每於南雄府每引納米
 二斗折銀二錢以充軍餉而後出境成化年間巡撫
 都御史韓雍將往南贛衡永所屬有引官鹽納銀五
 分則秤出餘鹽每引納銀一錢行至弘治初年每引
 一道許限正塩一引餘塩四引納軍餉銀四錢五分
 則是每正引一道照塩一引餘塩四引納軍餉銀六錢五分則
 道許照正塩一引餘塩四引納軍餉銀六錢五分則
 是每引一道照塩一引餘塩四引納軍餉銀六錢五分則
 餘塩斤謂之一道照塩一引餘塩四引納軍餉銀六錢五分則
 餉銀二錢以故二三十年軍餉不缺一引抽分軍
 是圖中鹽商人經年守候使官引積至四十二萬餘
 鹽至今無人願買堆積年久豈無地氣氾爛之虞乎
 恐他日減價與人亦不償其勢必至民引長價而
 利歸商人於國計所繫非細故也臣又查得見今賣
 引則例引一道原擬賣銀三錢而商引一道民間時

廣東通志
 卷之七
 七
 七

價多不過二錢所以水客懼折本寧向商而背官乞
 將見存商人存積鹽引盡令開報到官每引止與官
 價一錢五分願賣官者其銀於軍餉內借給將地方
 原中鹽商人省發回鄉生理不許久住廣東投托勢
 要坐準行鹽致累鹽法不致告領官銀自願守候賣
 引聽從其便仍與官鹽引相兼行仍將官引稍減其
 值每引止領收銀二錢或一錢五分如此數年亦有
 賣引銀八萬餘兩起解戶部預備三邊糴買糧草其
 借過官銀買下商引發提舉司賣與水客每道折銀
 二錢蓋容其所入贏餘補官引減賣之值非欲以為
 利也前銀解赴梧州軍門以備行軍賞功之用如此
 立見府庫克實鹽商無守候之難亦官民兩利者乎
 三曰差憲臣 臣伏觀大明律令一款凡監臨官吏詭
 名權勢之人中納錢糧販買鹽引勘合
 侵奪民利者杖一百徒三年鹽貨入官又查得問刑
 條例一以各邊召商上納糧草若內外勢要官豪家
 人開立號名占窩轉賣者俱永遠克軍干碍勢豪家
 究問罪一在問故老言國初法令嚴明但有犯者必刑

此八必淡其化見監臨勢要不敢中鹽近年以來法廢
 漸弛人心轉貪人以欺壓監司者憑憑助威權肆然不
 憚分在平等鹽司者囑托造請而冥然妄行別處地
 方臣所未悉只以兩廣所見言之鎮守市舶內外官
 員明使家下舍人或令軍軍伴當靖江王府長史托
 以關支戶口食鹽為名起關馳驛使令內史儀賓等
 官校尉軍軍等後坐支廩餼買引行鹽利已甚圖言
 市買則挾制水客少與價錢又其賣鹽又不依次序
 高擡時價巡撫非不知此念與同僚難為禁察屬司
 非不知此分在治下豈敢抗違兩廣鹽法極弊大壞
 未有甚於此者也臣又體得兩准浙河東長蘆俱有
 御史一員巡鹽况廣東鹽與各省不同正課之外別
 有軍餉內供西北之求外濟東南之急乞行兵部查
 照舊規奏差御史一員前來清理軍伍就令兼管鹽
 法既可以革勢要行鹽之弊又可使邊方軍伍之清
 一舉而足食足兵軍民大利地方大福無踰於此矣
 僉事林希元奏議 為豁無徵以登國課臣按廣東海
 北二鹽課提舉司鹽課共七萬二

千四百七十六引零該銀三萬三千六十五兩有原
額有徵者有原額無徵者洪武正統年間兩經強寇
蘇有興黃蕭養之亂竈丁消耗遺下鹽課無人辦納
是謂無徵其見在竈戶迨年煎鹽辦納鹽課是謂有
徵無徵竈丁二萬八千四百三十三丁共該鹽課二萬八
十四百三引該銀一萬三千六百五十五兩有徵竈丁四
萬四千二百五十八丁共該鹽課四萬四千三百五
十八引二百六十一斤該銀二萬四千四百四兩弘治二
年兩廣都御史閔珪因竈丁陳球之訴差官查勘有
間籍可考無徵鹽課貽累見在竈丁加之差役繁重
而竈丁因之逃亡課累見在竈戶是謂續逃無徵正
德四年廣東巡鹽御史鮮冕奏將見在有徵鹽課寬
減二分其先續逃亡無徵鹽課節行停徵嘉靖元年
又蒙 皇上登極恩詔蠲免五分竈戶獲蘇嘉靖三
年廣東鹽課提舉司因兩廣都御史督責遂將正德
十六年以來停徵逃亡鹽課通徵竈戶家富丁多者
可以支持家貧丁少者窘於陪納而因之逃竈竈丁
又十去二三臣惟存丁則辦鹽丁既逃亡而鹽課盡
在竈下因之逃亡國課益虧是未見其益而反有損
也且國家之財賦無限得窮民萬銀之入譬猶太倉
之加一票卸林之多一葉不見其增益貧民之窮徹
骨復嚴責代償非分之賦實見艱窘 陛下子育群
生明詔拳拳以損上益下為念必不忍為此也又往
時民戶蛋戶見竈戶免差皆求投入鹽司今既差役
不免仍舊逃歸本籍累及見在竈戶前項鹽課追徵
不完以致提舉場官因之住俸經年不得開支而邊
海無知鹽民因追徵嚴急驚惶而起打奪問死罪徒
罪者紛紜不絕見有鹽丁文宣奏行分豁未結臣自
到任節據廣東鹽課提舉司副提舉屠佳呈及歸德
靖康等場竈老陳維經林毅等訴欲為奏豁而未及
茲承明詔見 陛下大沛蠲恩凡不便於民又令各
衙門陳奏廣東鹽民似此不便想 陛下所軫念
者也臣今仰體 聖心俯順民情欲將廣東海比二
鹽課提舉司原額竈丁再行清查如果先續逃亡遺
下鹽課無人辦納即與除豁免得貽累見在竈戶其

見在竈戶若有新生續長蓋丁通行查出僉補原額
 廣東鹽丁雖兩經兵亂而有逃亡臣訪得見在竈戶
 人丁新生續長蓋亦不少若盡查出想亦足補原額
 縱或不敷亦無甚相遠矣其先年投入鹽司民戶蛋
 戶後來逃歸本籍者亦宜清查除豁毋致遺累竈戶
 又按廣東鹽課雖因竈丁消耗原豁已損於舊邇來
 生齒漸繁食鹽漸廣近年所入軍餉銀兩已十陪於
 初彼消此長蓋互相補也雖陛下子育窮民有不
 此計臣為國策計則如此耳臣又查得廣東二提舉
 司蓋冊自天順六年編造至今六十餘年不行改造
 竈丁在冊已故年久者未與開豁新生續長者未及
 收入竈丁按冊辦課竈戶或人丁百餘田業數項其
 蓋祇納三四引或丁只一二者家無宿菽鹽課及納四
 五引苦樂不均皆坐於冊籍不造而按冊徵鹽也臣
 愚欲將先年鹽冊重新改造竈丁已故年久者通行
 開除新收續長者逐一清查收入及竈田舊管新收
 開除與民間黃冊一般編造向後務要照依黃冊十
 年一次更造永為定規如此則官衙按冊徵課竈
 於苦樂不均矣

屯鹽僉事陳性學吉安鹽議

有得廣東去天萬里所屬地方薄近海夷近表

斥鹵之地通省居民大都鬻鹽為生而烏白船船轉
 相運濟內而鹽司外而關津皆推以充餉先年南贛
 二府兵興糧乏曾經南贛兩廣軍門題請以江西表
 臨吉贛南安五府復行廣鹽著為令甲引稅以十分
 為率二分備餉八分濟邊省於加派是誠裕國惠商
 計安兩省之上策也其後旋裁旋復至嘉靖四十三
 年始定以南贛吉三府計廣之鹽引每歲一十二萬
 有奇其行於江西五府者強半自表臨之路不通鹽
 多壅滯只困漸滋殺商方紛紛求復表臨舊額乃今
 忽有改言入淮之議不益重商民之困乎夫江廣地
 方控帶郡蠻襟會百粵桴鼓之警歲常有之兵饋多
 取給於商稅以南贛吉三府之民歲且消鹽二十餘
 萬計稅餉之所入大約吉安十之八南贛十之二若
 以吉安復食淮鹽是十去其八矣餉將焉賴哉兄保

昌縣虛糧數多先經兩院具奏以鹽稅抵補五千五百餘石數十年來民獲蘇息此行鹽之利也又南雄原有黃田江南大坊等處撫民強者驢載弱者肩挑咸籍通鹽以資衣食東海之良民新民撐駕轉船以供日用若改吉入淮之議成閉塞西關貨積而稅減不惟兩省兵需無出保昌浮糧何以抵補新撫負販之徒何以倚賴二十七場之竈丁家口必束手坐困而百萬船夫生理無依柰之何不窮且盜也夫鹽法之行固以利國亦以便民南雄地方界連南贛二府而南贛又接壤於袁臨吉安其鹽順流而下計日可至勢易而費省故其價也賤若淮鹽數千里逆水而上江湖浩蕩灘石峻險舟行累月不能至而又有覆溺之患勢難而費倍故其價也貴以民情度之未有不苦其貴且難而樂賤且易者禁其所樂而授之以所苦其誰與之今天下一家或淮或廣孰非王民矧廣鹽久行何必過為更張瘠廣而益淮哉吉安之人聞此議而准商又黃鼓其間以故賈販不敢承買廣鹽

此非特兩廣之憂亦南贛諸郡之憂也倘軫念兵餉重務會同江西撫按酌覆將廣鹽照舊行南贛吉三府庶國計民生兩得之矣

廣西官運六議

俱陳性學議

一曰酌時價

照得原議運法運官與水客互

市耳今何以不樂于輸也蓋鹽有盈縮價有低昂有一金而市千餘斤者如十三運是也有一金而市五百斤者如六運是也其後運官執十三運以為額按數取盈而水客始困矣合無請照河下時價如向年梧州收買故事當其盈則溢乎常數不為多當其縮則損乎常數不為少庶幾官民兩無病乎

二曰均派納

照得水客辦買官鹽舊章也其遇官運則為巧避之計或伺運後告買或影官票遠販運官急于竣事執見在水客而派之甚有百引而派七

百包者或一人而派二千包者彼未至者毫弗及也是以奸徒鹽即已至且泊外港待湧價是以運官候之經年水客嗟其偏累合無乞行提舉司派定水客

姓名每名照承引票多寡以官鹽均派按月買辦如遇價貴則以所買鹽數酌量而增損之是以一年所辦之鹽供一年之運

事易集而民忘勞矣

三曰預鹽本照得官運鹽銀歲

每年運官之來大都四五月間一時鹽難卒辦重以

官司征求之亟價必騰貴非小民之利也今以水客

分派按月辦納則均矣而官銀未至欲水客應賤則

捐貲難欲西省先發則齊解難合無於梧州公帑預

支銀五千發提舉司逐月分給水客往場收買先給

其半餘俟回銷之日即於盤出餘鹽銀內扣之如名

下不足或於庫收餘鹽及鹽包銀內補給候運銀到

日以五千留梧州以五千發提舉司補額則程不稽

而價無騰

四曰免加秤照得先年原議每鹽一包重

湧之患矣

加鹽五斤通計一百三十斤此成數也續因消滷又

加四斤八兩謂之加秤鹽此則取之於正數之外者

也夫水客膏本幾何既賤於官必將取償於下官

照以其輪諸官若而取償於商與民也今無官鹽除

革之則蠲水客

五曰革洗砂照得洗砂之法原非舊

是即蠲商民矣

中下三等上鹽每包加銀二分中鹽加一分下鹽則

減一分茲洗砂所由起也嗣後遞加遞減歲有重輕

至十六運來因奸頑水客侵以砂泥于是每包洗鹽

一兩隨砂多寡扣價有差自此上鹽中鹽遂無加銀

之例矣且鹽難遍洗酌其中數一槩科扣則無砂與

有砂者均減東民安得不稱病哉合無水客納鹽責

令提舉司官親驗鹽色務求潔白封識一二為式夫

洗砂原為青黑色鹽而設也既收潔白即為上鹽何

必以洗砂之法

六曰抵官辦照得廣西官鹽雖議與

槩加折扣折哉

意惟在鹽數足額不必盡出水客也查批驗所每年

收貯獲過私鹽多則萬計少則千計堆積既久不無

消耗往往召商人賤售之合無捕獲私鹽乞令提舉

司驗其潔白者即留抵辦官運亦足以量減水客辦

買之數所謂寬一分則受一分之賜也

鹽政遺思記

御史曾象乾撰○連城子家居十年不

今晨有客踵門來告者曰某皆粵商也世業鹽萬曆
 乙酉前僉事陳公專理廣之鹽法有大造於商我商
 人不能忘相與祠而貌之有年矣乃石尚未鐫若有
 待也敬徵惠於吾子連城子曰異哉祠為鹽法立也
 粵處海濱其財賦所供惟鹽為利府而狡獪所伏亦
 惟鹽為弊叢朝廷重其事權專昇憲臣它官無以
 法名獨是稱鹽法意有在矣往陳公以臺御史出按
 宣大兢兢持三尺法所至肅清其僉憲吾廣以忤執
 政來也公不能脂韋執政何能向沫諸商誠當其時
 棘如束濕若輩將重足矧目且夕惟觀公代去尚能
 從去後尸祝之耶公之德若與若輩之德公是遵何
 術願言其詳客曰某等為國通海涵之利資其貿易
 以佐軍需食其贏餘自給俯仰用力甚勞取息甚細
 獲利什一食苦什九餉有餘羨分納而羨多鹽有常
 額虛割而額減罪有例罰重科而罰濫豪強承埠則
 散析不通水客為商則兌商失利留難於西運則守
 支曠期候掣於海中則風濤作祟種種皆商病上之
 人目曾不一瞬也陳公獨能為商調劑六議條行三
 河受賜無一切增羨虛賠重罰之苦無土豪水客留
 難覆沒之虞我商人如出烈焰沃以清冷如出重淵
 再見皎日公德在世世我商人德公亦將世世連城
 子曰公為粵鹽法而用法如是宜而祀哉法有然有
 未必然有必執有不必執載在令甲奉若著蔡此國
 法也昔言便今言不便何可無執壹意裁抑與商爭
 利此文法也官言便商言大不便何可膠執公不抑
 法為人嘆咻不苛法令人繫縛去泰去甚去商之病
 而商悅矣孟子論王政待商曰法而不廛是何嘗廢
 法曰廛而不征又何嘗廢情法之體方情之用圓勢
 若不相入情以仁疾苦法以禁奸萌義各有攸當也
 藉人之財以輸公不恤其私因人之力以為利不顧
 其害亡論非人情亦豈朝廷立法通商意哉邇來
 兵興多費調度不支始議權商再議加稅商病極矣

人情悲今則思昔食苦則思甘商在今日又安得不
愈思陳公公名性學號還冲浙紹興諸暨人由萬曆
丁丑進士連城子居粵于公為編氓粵商人不能言
粵人當代之言誼不得以久不染翰為辭於是乎記

德政遺愛記

光祿丞王學曾撰○昔歲癸巳慎餘黃
大夫簡命為吾粵臬司憲副所部

惟屯田鹽法越三載丙申以最擢江藩參政行之日
無論諸鹽商屯卒相率板留即遮道群父老依依郭
門外不翅以萬計車不得行于時觀者咸謂從前監
司遷秩未有遮留若斯之眾者也去且兩載諸商卒
父老復建祠于分署之側相與尸而祝之觀者又謂
從前監司去後思未有若斯之深者也無幾何祠既
落成商民梁萬庄李元魁吳相輩特請余山中丐言
為記余與大夫同年籍且知深誼不敢以不文辭
進梁萬庄輩前而叩之曰黃大夫之貳觀察也所居
民治所去見思誠邇來監司中所稀觀矣碩大夫治
狀所可紀者當不勝書余方屏處田間無所聽觀願
公等為余言之諸鹽商乃進而言曰鹽法蓋難言矣

向若盤鹽官優若逾限重罰若遭風被劫若小夥快
贖至於哨守勒索巡役科騙類忍受不敢聞問有預
餉承埠被奸寅壓各埠土豪私販輒賤價攬奪逞逞
見告不可禁公至廉知其弊毋恣搜詰毋縱濫割寬
引限之條憫意外之遭豁貧困之罪且索勒有禁科
擾有懲既杜勢壓之門更嚴私販之緝諸凡規條擘
劃咸以濬餉蘇商為兢兢一時江廣諸商鱗次雲集
公之鹽政類如此蓋人人德之矣諸屯卒又進而言
曰先是創議者欲以屯田改操軍闔省屯卒幾動搖
矣公曰屯戍操軍各令甲具在奚紛更為乃為之稽
故事析利害文移再三上即拂上意忤察宋弗恤也
至若收子粒以給軍歲率十萬石外有軍民互爭以
虧屯額有將領置莊多占軍田有沙壓水衝糧數日
減有豪強允佃稅額日逋有舊額新增相仍滋亂諸
弊竇如蠅毛不可窮詰公洞燭而清釐之不踰時而
群情安堵公之屯政類如此行伍中蓋迄今賴之矣
諸父老又進而言曰嶺海頻年大侵群盜蜂起吾民
死且徙者十家而五矣幸借公視海道事公首下令

曰政先賑民乃可治奸今百姓纍纍為溝中瘠寧忍坐視頽倉使告匱安所得粟因檄鹽司榜之衢每鹽引一百賑金五兩隨輸納先後多寡為次第以杜爭端令甫下從義者如雲計得金數千兩遂計口均給饑民賴以更生數萬計于時盜賊日熾諸將以兵寡請公增哨船百餘艘令晝夜巡緝無少懈失事者罰不貸于是東哨則擒巨盜於古埧西哨則擒積酋於大良具置之法四境悉平乃有司猶欲窮治厥黨公曰民窮盜起所從來矣姑寬之餘黨遂感且化焉公救荒弭盜又彰彰如此吾儕蓋世世賴之矣言未卒諸父老復噫歎感歎若愴然深有概於中者自謂從兒時則親夫乘傳而入粵者大較視鹽法海道兩分署為利藪自非酌泉賦詩鮮不易操矣甚且不難溝壑其身而秦越吾民乃吾民亦鯁鯁然鼓其去而惟恐其不速者誰則思之惟我黃公自入粵以來誓以廉介自持膏脂不染視鹽政之利病軍民之休戚靡不殫精圖之如向所稱述者固更僕未易數吾儕何知嚮其利者為有德惟是疇昔之行不能留則思之思之不已則相率而福事之雖公固畏難乎我或有所未釋乃吾民能一日忘公乎哉願一言紀之為後事者告不佞因揖諸父老而告之曰而父老休矣審如父老言不幾於有所概于中乎余適處田間樂閑曠不復聞戶外事第如父老言姑次第書之石若大夫之後先政績要有良史氏執管以俟之者矣何為堂三楹中奉大夫像前為門二周翼以廊廡始事於丁酉年六月十六日落成於己亥年仲秋大夫名曰謹字元祇別號慎餘閩之鎮海衛人以名進士起家

稅課

宋元豐間商稅三萬貫以下廣十四務潮十務萬貫以下康十六務南雄州六務至八務國朝洪武十三年定商稅課程凡酒醋門攤等皆酌

物價折納鈔錠有差二十四年令各稅課司局商稅率三十分稅一不得多取永樂四年稍增七年始著則例本省稅課皆存留備餉額設司官隸各府者近多裁革稅銀無考止據布政使王泮近與內監議稅揭報廣州府稅課銀一千餘兩河下紙船稅銀二十兩順德縣龍山龍江二堡土絲每擔稅銀六錢歲約銀二十五兩

市舶提舉司舶稅據司揭歲約餉銀四萬餘兩

南雄太平橋商稅

起自正德四年巡撫周南具奏於橋下設廠抽稅胡椒百斤稅銀五錢蘇木百斤稅銀二錢五分雜課每擔百斤稅銀五釐土木百斤稅銀五分後又增抽鐵稅其銀類解梧州府備餉隆慶二年御史王同道具奏議將橋稅自南而北者歲約三萬餘兩仍解廣西嗣將自北而南者併抽增銀一萬二千兩留廣東充餉

潮州廣濟橋

先年商稅僅六十一兩六錢二分有零萬曆十年增

五千二百二十兩十九年增至六千兩
潮州府穀稅銀四千兩先革今復

韶州府遇仙橋據司揭約銀四千八十兩

連州滄光廠據司揭約銀六千兩

三水西南埠據司揭約銀四百三十八兩

南海官窰埠約銀二百兩

肇慶黃岡廠據司揭約銀七千三百五十兩

高州梅祿墟據司揭約銀九百七十二兩

礦冶 洪武七年開廣州府陽山冶十八年令悉罷

之二十八年復令民得採煉出賣歲課三十分取二
時廣東鐵課一百八十九萬六千二百四十一斤後
陽山等冶皆竭封閉弘治十四年開潮州程鄉等山
場課七萬斤解南京工部餘聽商載賣正德十四年
巡撫周南始奏於省下城外置廠先告票入山鐵出
到省驗票秤稅每生鐵一萬斤稅銀二兩稅訖票銷
另給票照自行轉賣或赴佛山鑄冶皆許所至官司
照票盤驗報稅每生鐵一萬斤納銀八錢熟鐵一萬
斤納銀一兩二錢若下海載往雷瓊等處照票盤詰

廣東通志 卷之七 三十四
報稅俱同後又定在內地者不分生熟每萬斤皆稅銀一兩惟下海禁例如前今批驗所鐵稅無考其出山礦稅潮州府約銀一千餘兩佛山鐵鍋據司揭稅約銀二百兩

陽山礪甘石稅 先年屢開屢閉近爲稅監復開據司揭每季約銀四百兩每石一船稅銀六錢

牛判 國初止納觔角皮張後漸告判納銀嘉靖三十年嶺南叅政項喬始議開廣韶二府免告判徑納稅銀行之三十二年海北叅議尹祖懋又議通行納

判稅銀載入梧鎮軍餉志內萬曆十八年言官奏行通革二十七年爲稅監議復稅銀約七千九百一兩九錢二分

火夾腦營牛馬稅 嘉靖八年議行內除乳牛小馬駒不稅外每水牛一隻銀八分黃牛一隻銀五分馬一疋銀一錢三分羊一隻銀二分歲收銀一千兩有閏加銀八十三兩三錢三分三釐零貯恩平縣爲募兵工食

立將巡司牛馬稅 嘉靖二十六年議行水牛一隻

銀八分沙牛一隻銀四分馬一疋銀一錢歲共銀六十兩閏加五兩按季解新興縣貯備軍餉

西江魚苗 弘治十四年巡撫劉大夏奏定九江民春撈魚苗起封川文德鄉至高明都含海口上簿納銀五錢下簿納銀二錢五分赴肇慶府納銀四百餘兩以補德慶高要封川三河泊所虛米餘充軍餉

魚稅 起自嘉靖三十一年八月東莞民告納餉銀七十兩完貯縣庫聽民抽收後增至二百兩萬曆五十六年增至五百五十兩幫助會試盤纏不入章程

附載三項

稅契銀 原無定額內除一半充創尚一半每年又除六千兩貯備科舉之用餘解部先是遇攢造年每畝止稅銀三分萬曆二十六年軍興煩費戶部題議凡契載業價每一兩稅銀三分時掌印右布政使梅淳稔知廣俗凡買業必寫虛價議以一畝爲率內將三兩照部文全稅三分共銀九分餘價折半計徵總督戴耀巡按馬文卿從之嗣而巡按顧龍禎欲盡括解且不准折左布政使王泮慮科舉充餉兩無所資

因力請留龍禎遂銜之至御史李時華按粵署藩事
參政盛萬年首以為言迺復留二項後左布政使陳
性學極言東南民力竭矣從折徵便於是仍原議

贓罰 督撫一千二百兩 巡按六千兩俱解部濟

邊布按二司并守巡等道共一千六百兩俱解助大工

積穀 通省府州縣積穀起自弘治三年至嘉靖二

十四年給事中胡叔廉再有題議隆慶二年御史王

君賞題行萬曆二年巡撫邵光先再題戶部尚書王

國光始議定例通行於秋冬二季紙贖折納稻穀今

通省每年共二萬六千六百六十石貯倉備賑

近年撥解稅監銀數附載

二十七年閏四月撥市舶等稅銀四萬零八兩內市

舶司稅銀二萬六千兩廣州府稅課司稅銀一千兩

省下紙船稅銀二十兩東莞縣下關魚稅銀五百五

十兩三水縣西南埠商稅銀四百三十八兩韶州府

浚光廠商稅銀六千兩潮州府廣濟橋商稅銀六千

兩另撥官窯埠商稅銀一百兩

二十七年八月內再撥陽山縣吊水桶山礮研石秋

冬二季稅銀八百兩每石一船另抽稅銀六錢本年
 十月內再撥順德縣龍山龍江二堡土絲稅銀每年
 二十五兩 同月又撥三項稅銀七千五百兩鋪墊
 銀六百兩內太平橋稅銀五千兩鋪墊銀伍百兩

肇慶府黃岡廠餘鹽一項
 清遠縣餘鹽數見上鹽課

二十七年十二月撥通省牛判額銀七千九百九十
 一兩九錢二分內原議撥鐵鍋稅銀五百兩止有新
 徵實銀二百兩今於牛判內抽三百兩補足鐵鍋五
 百兩之數又將五十兩作鐵鍋鋪墊尚銀七千六百
 四十一兩九錢二分內將六千兩作判銀正額六百
 兩作鋪墊尚銀一千零四十一兩九錢二分每年俱
 解稅監聽補船稅缺額之數

二十八年六月廣洋衛鎮撫戴君恩奏行歲徵廣東
 鹽利稅課方物本月再撥正課銀十萬方物銀三萬
 鋪墊銀一萬三千加重銀一千八百二十兩內南雄
 太平橋稅銀三萬五千兩高州府梅祿墟額稅銀四
 百七十二兩今又加增銀五百兩肇慶黃岡廠稅額
 銀四千三百五十兩今又加增三千兩潮州經革稻

穀稅今抽復銀四千兩韶州遇僊橋商稅銀四千八十兩布政司庫料價鋪墊銀內支四千三百二十兩

其鹽利等銀八萬九千零九十八兩見上鹽課

按內官監太監李鳳筦榷稅務前後撥過稅銀二十萬有奇內除新復新增銀四萬六千餘兩餘皆章程額餉若司庫料價則係田糧歲編之數是役也督撫戴耀監司王泮李同芳等軫念艱難方欲調停節約而巡按顧龍禎始猶持之論者恨其不能力持云未幾商民俱困輦蹙相屬左布政使陳性學條議請減

其詞曰廣東軍務章程原額歲入餉銀三十九萬七千餘兩其中派諸丁糧者十之六取諸課稅者十之四諸凡山澤魚鹽之利關市橋廠之徵已盡於此項自權監入粵稅無可增業於前項額餉之內議割四萬兩不足益以牛判砮石鐵鍋土絲四稅不下萬兩不足復割太平清遠肇慶三項稅銀七千五百兩併歸之至戴君恩之奏每年另增課稅方物銀一十三萬兩鋪墊銀一萬三千兩加重銀一千八百二十兩內惟鹽鐵二項及黃江廣濟梅祿三處加徵三萬餘

兩并於司庫歲撥銀四千餘兩其餘皆係平日養兵之資移以上供至行各屬派補餉銀十萬三千兩已及雞豚瓜果之微而糧差每丁每石加至一錢餘矣就中尚有二萬五千兩係解廣西梧州之用實補東粵餉銀止七萬八千兩通前所存歲入之額不過三十四萬餘兩藉令徵及九分之上必且拖欠三萬有餘歲約可得銀三十一萬而已查水陸官兵除瓊南善後未計外見在四萬二千五百餘員名每年糧食小賞等項用銀四十一萬有奇而歲造戰船約費銀二萬五千兩與軍器火藥閏月扣添糧餉未與焉以歲入歲支相提而論尚欠銀十餘萬邇者倭奴作孽深入高雷今廣潮嶺西等道議增官兵二千六百餘員名而總兵造船募卒之文繹且至也此項錢糧除高州又議加派外約尚需銀二萬兩是共缺至十四五萬矣今商賈告免加徵鹽鐵里排告免加派丁糧一字一血刺骨刺心其窮鄉僻邑之下與肩挑背負之流所欲控愬而無門者且不知其幾也然不加鹽鐵則監稅之額何以取盈不加丁糧則餉兵之需安

廣東通志 卷之七 八十五 三百七
所從出事勢至此難之難哉竊以爲閩粵接壤然閩
之貧不如粵甚若三楚幅幘廣闊兩浙財賦重地江
右東南通衢尤非粵所敢望者茲查各省稅銀閩浙
各不過五萬楚不過六萬江西并同處稅亦僅七萬
五千粵乃數逾二十萬較諸各省實三倍焉 國初
任土作貢粵之解太倉者止于十萬今課稅若此且
半浮於正賦上矣此中原無富商大賈止有夷稅一
項稍充近歸稅監自抽亦稱缺額其他可知奈何執
虛數以求盈而令閭閻蒼赤莫必旦夕之命乎夫

國用詘則當供昔固不難加多以佐一時之急民力
窮則當恤今又不得不減以拯一方之困請乞酌議
將前 國課較以閩楚江浙之中會題 請減以甦
垂斃之商民以培 國家之命脉尚不失爲救時之
權不然餉缺則兵變財盡則民離粵事且不可知安
復問稅有無也總督戴耀巡按李時華具以 上聞
不報時稅監委官分權甚橫又有求監太平橋者兩
院下其事於所司陳性學復條議曰太平橋稅二次
撥與內監共計歲額正銀四萬兩原議徵收責之有

司以春秋二季爲期解與該監類 進一切叅隨員
役皆不與焉批詳具在可覆也卽該監原疏亦謂悉
聽有司徵解并不差人催擾題奉 欽依通行遵守

幾二年所矣歲收但有缺額兩院卽行本司那移借
解已爲委曲調停乃該監尚欲差官監管數目夫粵
在五嶺之外所以通於中原者僅有梅關一線耳頃
自權稅議起而南去北來之商遂爾寥寥今若再加
委官則蠢爾之衆必且見影生疑相戒裹足不惟悞
此四萬之稅卽提舉司之鹽利所由南雄以達江右
者歲且不貲皆係 上供之額寧不因而阻絕乎况

明旨在前炳若日星自非窒礙難行誰敢輒爲變易
自以其身冒不韙之名耶竊以爲仍照近詳悉聽有
司徵解便議呈撫按交章力爭事乃寢於是各處稅
務悉還有司徵解稅監轉 進惟市舶夷餉與廣州
稅課該監仍委權云後因派稅充餉盈縮不定上下
輒緣爲奸陳性學復申飭之其略曰粵中章程軍餉
中多移充監稅檢查往牒前官奉文議將十府一州
派補兵食銀十萬三千兩內廣州府派銀三萬六千

南雄府二千五百韶州府四千惠州府八千潮州府一萬八千肇慶府一萬六千高州府四千五百雷州府三千廉州府一千瓊州府八千羅定州二千聽於所屬城市墟場關津山澤之中便宜抽派如襍稅不足許於四差項下加編行之二三年矣惟是襍稅之名千頭萬緒或朝增而暮減或彼縮而此盈豪民實易包侵奸胥不難乾沒甚且無良有司乘藉多徵以閏私橐今何時也民困已極忍令更番吸其脂血乎通行各屬悉將某州縣應補餉銀若干丁糧加派若干襍稅銀若干內某行銀若干某處徵若干或某行始有今無或某項此增彼減不妨從實開註只以足額爲率如慮歲有拖欠預加若干俱要盡數臚列送司覈實發回照款布告及刊刻書冊聽各舖行散賣使民通曉以後若有截長補短亦須具報本司以憑通報查考此外若復妄稅一錢定將市棍坐贓問遣官吏縱容一併參究由是稅額始定

近年議定礦監稅銀附載

萬曆二十七年御馬監太監李敬奉 命採礦續經

該監題 准每年礦銀一萬二千兩外該鋪墊銀一千二百兩加重銀一百六十八兩每年礦金五百兩外該鋪墊金五十兩加重金七兩後又再加方物等銀三千兩時該監差官差商分投挖掘民甚苦之左布政使陳性學議允行令有司督採如歲額不足卽留軍興稅契等銀補解其略曰採礦之役業垂四年內外官員講求備至卒無可措之策實時勢之俱難非人力之未盡也然事不可已則不得不爲權宜之計茲查礦銀一項每年正額一萬二千兩加重一百六十八兩鋪墊一千二百兩又增方物等銀三千兩礦金一項每年正額五百兩加重七兩鋪墊五十兩俱奉兩院明文覆詳批允無容議矣惟是銀至一萬六千餘兩而各屬所認不滿二千金至五百五十餘兩而計採四年僅逾八百粵之小民苦乎供億疲乎奔命廢乎生業而傷乎田園者不知凡幾矣矧地中寶藏無形一旦脉窮砂盡又安能望常繼乎夫歲之所供如彼其多礦之所出如此其少謂欲措之自官耶則帑藏奉 旨清查在在如洗將欲取之於民耶

而徵稅採珠所派處處告難前此三四年間陸續借過司庫兵食銀二萬六千餘兩抵礦解 進今計章程軍餉歲少一十餘萬而環甲待哺之衆日嗷嗷焉方虞脫巾起也乃該監取解之文接踵且至司計之吏不能神輸鬼運奈何無米責炊乎頃不得已謹援陝西題 准事例請將軍興錢糧留以抵之蓋軍興款內曾許倭平停止而各省年例亦多移以別應况粵中課稅甲于天下粵人困苦甚於倒懸所爲那緩濟急固其權也而况總歸公家之用乎今萬曆三十年所缺額銀七千六百八十四兩請將前銀支送以後備移守巡各道通行所屬有礦州縣悉力開採不必限以多寡之額惟檄印官力肩其責選委佐貳身親其勞或招商分砂或雇夫開鑿與夫因時裁制之術防範譏察之方悉照原詳便宜從事或金或銀某日採得若干務遵憲約五日一報該州縣半月解貯該州縣庫印官不時往來調度每一月將收過金銀實數徑報兩院及本司與該道查考每府仍委府佐一員經營總理每年春秋二季將終該道卽行有礦

州縣盡將金銀徑解本司轉送該監銀以實計金錢弄
七找如有不足統於軍興各款及稅契項下通融支
補具數報查莊誦 綸音必有停止之日方行蠲豁
其餘開採未盡事宜竝從該道酌量詳奪如各有司
因循苟且科派擾民俯聽司道據實查叅請得白簡
繩其後也

近年議定兩監採珠錢糧附載

萬曆二十六年御馬監太監李敬奉 命開採廉州

等池經藩司議允每年協助人夫工食銀六千兩內

派廣州府二千兩惠州府一千兩肇慶府一千三百

兩高州府一千二百兩廉州府五百兩又鋪墊銀四

千兩於藩帑料價鋪墊項下支送船隻另行派取又

內官監太監李鳳開採雷池續因無珠該監題 准

停止每年折解銀三千三百四十二兩內派韶州府

一千一百兩潮州府一千三百兩雷州府九百四十

二兩後廉池珠亦稀少採使欲窺交南之界撫按

下其議於藩司左布政使陳性學力陳不可乃罷之其

略曰內監之採珠也竭府庫之財疲兵民之命以驅

邊海樓船出沒於浩洋巨浸之中甚且身冒風濤幾
陷不測勞費極矣頃以珠少解遲致奉 嚴旨督責
乃欲採至交南之界豈非不得已而故思爲僥倖萬
一之計乎夫內外皆王臣也孰無急公之念苟可稱
旨而不關於地方之安危亦何憚而不爲哉惟是審
時度勢及叅以道府所陳斷不可常試漫爲以啓無
窮之禍蓋廉古珠官也扼塞海北遠鎮交南視嶺外
諸郡最爲筦樞欽州則居廉之極西而與交夷爲隣
者分茅標柱自昔記之顧邇年以來四崗叛服靡常
沿海屢遭荼毒且爲西方一隱憂也矧今黎莫構難
常欲餌兵於邊海之豪我若揚帆鼓柁以臨其境不
曰爲莫則曰爲黎犬羊何知勢必操戈相向無故而
發大難之端者誰歟以採珠而挑夷釁將來不可收
拾將誰任其咎也况廉之產珠不過烏坭平江等五
池已耳未聞珠出於欽使欽而有珠也從無官兵防
守夷人海寇曾不一窺足焉何以故乎總之欽本無
珠卽有珠而亦必不可採一恒人皆知之無俟本司
贅詞矣抑常攷之秦漢拓地海嶠而珠池始入版圖

彼漢唐之却獻宋元之罷貢邈乎遠矣若我朝採
用不過間歲一行天順以前無論查弘治十二年費
銀一萬七千餘兩獲珠二萬八千有奇正德九年費
銀一萬二百兩獲珠一萬四千嘉靖五年費銀九千
三百兩獲珠八千九百兩零九年費銀六千七百餘
兩獲珠五千三百九十至二十二年費銀七千餘兩
止獲珠四千夫以數年生息而後一取宜無多寡之
殊乃正之採不及弘嘉之採不及正則物固有時而
盡理勢然也夫牛山雖稱多材然萌蘖不長立見濯
濯今連採五年罟梲如織肉糜腥聞殼堆山立蚌澤
珠宮將無遺類自非神輸鬼運又安能使常繼乎卽
雷州二池曾經稅監開採尋以螺小珠微得不償失
具題報罷廉亦雷等耳胡爲五載不休也該監誠
能思患預防謂宜今年採後剗切會題早求罷息
不則本求稱旨反以貽聖主南顧之憂非計之
得矣

論曰東廣地濱海物力瘠薄國初計慮深遠諸
征權皆留爲軍儲備緩急邇者邊境告困大司農

始議濟邊十裁其四今試觀籍中所載鹽爲重番
舶關梁鐵冶次之餘董董充數然亦並收其算者
何不欲獨令南畝農夫勤苦資以相灌輸少寬其
力爾今西北諸重鎮餉費不訾舉全粵之力未足
當一二頃幸山海無大警齊民稍能給伏臘其兵
食皆汰浮節冗積之若累黍惟恐弗盈祈不若異
時請發內帑之爲懍懍也藉令心計若研桑以處
粵中亦豈能復析秋毫言利哉迺有啣 上供之
命獨筦利權百孔蠲出賴諸當事者爲民憂勞寧
借取籍中額數以資貢篚其不出神運鬼輸而得
至明也其擬歲輸加二十萬視江浙大省數倍徒
焉民何能堪近蒙左藩諸暨陳公孜孜民瘼先年
司鹽政劑調六議以通商惠民粵民感而畏 聖祀
之近於開採畫有定衡申詳 兩院利洽百姓又
議隨田以均丁定法馬以輕歛皆經世之宏猷仁
民之善政也次而書之庶政行於百世則公仁及
於百世矣

於百世

月六等

至明由其景天倫口二十

計双蘇中醴樓以資貢館其不出

廣東通志卷之八

藩省志八

兵防總上

兵職 軍餉

軍制 屯田

軍器

今之畫東事者宜莫如兵制粵故山海之輳而用
 武之國也嶺峒波濤于霄浮漢厥窟虎豹厥宅鼉
 鼉相土而生民性慄疾而水陸之產奉其驕心稍
 不釋憾輕去耨鉏走死如鶩其形利勢便也 國
 初物力猶饒媮衣甘食易與為善故文網濶兵設
 畧而盜不興後漸陵遲樂業寡而機詭萌生故世

弁相望斥堠基置曾不足以勝之在且見告豈備
 猶虞百一與其未可賴也夫兵譬則火弗戢自焚
 我實弗靖生其戎心于以祛多暴乎雖備何為善
 師者勝於尊俎弗勝於原野原野則已踈矣禮義
 以先之賞罰以信之而後利其器用時其簡教恤
 其饑寒鼓其銳氣武之善經也作兵防

兵職

秦命南海尉任囂始築城瀧口西岸此設兵尉之始
 漢建安十五年徙交州刺史治南海立州牧持節給

鼓吹

晉設都督交廣諸州軍事南朝隋皆因之

唐初置嶺南道五府

廣桂邕容交

經略招討使

貞觀十五年置嶺南

各府折衝都尉一人左右果毅都尉各一人長史兵曹別將各一人校尉五人

至德元載改

為嶺南節度使領廣韶循康瀧端新封春勤潘高恩

雷崖瓊振儋萬安藤二十二州兵而韶連郴三州都

團使屬焉 上元二年廢韶連郴都團練使復隸嶺

南節度使 元和三年令嶺南節度復領羅潘辦三

州 咸通三年分嶺南為東西道東道治廣州西道

治邕州以鄭愚為嶺南東道節度使 乾寧二年賜

嶺南東道節度使號清海軍節度

宋初令京官知廣州軍事充廣東路經略安撫使馬

步軍都總管統領諸路兵馬鈐轄

元初設廣東道宣慰使司都元帥尉同知副使各一

員又設海北海南道宣慰使同知副使各一員於廣

州諸路置翼有千百戶鎮守等官設萬戶府總領之

國朝設鎮守總兵官一員 正統末以黃蕭養亂設副總兵賊平裁革後以廣東

介在江閩多警言議於南贛汀漳惠潮地方復設總兵

奏移駐劄潮州四十五年福建巡撫具題三省牽制不便部議廣東復設總兵仍駐劄潮州是年裁革勳

臣專設總兵鎮守廣東省城防汛南頭部下坐營中

軍官一員陸兵四營每營把總一員哨官五員旗隊

兵五百九十一名共二千三百八十八員名中推等

船二十隻把總二員哨官四員抽舵兵八百四十九

名共八百五十五員名 協守潮漳副總兵一員 萬曆三年提督尚書殷正茂奉

部咨會同福建巡撫劉堯誨題議開設駐劄南澳其

信地止於潮漳二府沿海衛所廣東柘林水寨船兵

福建銅山水寨遊兵專屬統調以為聯守兩省門戶

建立城池居守部下兩營廣東設把總一員陸兵三

百五十六員名兼同福 巡視海道副使一員 原議革

營三百七員名守之 巡視海道副使一員 至嘉靖

十五年督撫侍郎錢如京議題復設萬曆八年總督

侍郎劉堯誨奉部咨題兼管廣州兵巡駐劄省城

監軍道副使一員 隆慶二年巡按御史王同道題設

萬曆八年總督侍郎劉堯誨奉

旨議題廣州兵備兼分巡僉事一員廣州道原設分

裁革廣州道原設分廣州兵備兼分巡僉事一員廣州道原設分

劄省城專理刑名又設嶺南兵備僉事一員駐劄清

遠嘉靖十四年巡按御史戴璟議以嶺南兵備兼分

巡專轄南韶二府而以分巡嶺南兼兵備專轄廣州

後設復海道萬曆八年總督侍郎劉堯誨奉部咨議

題以巡海道副使兼南韶兵備兼分巡僉事一員弘

管兵備至今因之治南韶兵備兼分巡僉事一員弘

十八年巡按御史聶賢等題設嶺南兵備一員駐劄

清遠嘉靖十四年巡按御史戴璟議題以兵備兼分

巡專轄南韶二府及廣屬連陽惠潮兵備兼分巡副

等州縣衛所駐劄韶州府城惠潮兵備兼分巡副

使一員弘治十八年巡按御史王士昭因惠潮多盜

增設伸威道副使一員駐劄惠州就年提督侍郎張

臬題分惠潮二府地方各令守巡專管四十二年張

臬議題分守止理錢糧以原管地方屬伸威道分巡

員後因一道三官復將分巡議裁題併海防兼管萬

曆五年總督侍郎凌雲翼議題將伸威道裁革惠潮

二府分巡俱海防兵領西兵備兼分巡副使一員

備兼之駐劄潮州領西兵備兼分巡副使一員

四年巡撫都御史揭稽題設整飭高肇二十一年議

裁弘治九年復設兼雷廉十六年御史華璉題分設

部議以官多冗妨乃以高肇兵備僉事兼分巡嶺西

道萬曆五年總督侍郎凌雲翼善後羅旁議題該改

嶺西兵巡僉事為羅定兵備而以舊伸羅定兵備僉

威道副使改為嶺西兵巡駐劄肇慶羅定兵備僉

事一員見海北兵備兼分巡僉事一員成化四年巡

稽題設整飭雷廉二十一年議裁弘治九年復設兼

高肇十六年巡按御史華璉題四府分設部議題以

雷廉兵備於海北僉海南兵備兼分巡提學副使一

事兼之駐劄廉州府海南兵備兼分巡提學副使一

員成化八年設副使一員兼理兵備後裁革弘治元

年給事中李孟暘題設兼理分巡駐劄瓊州府萬

廣東通志

卷之八

兵總

考机

曆七年奉部議兼督學校南頭海防叅將一員嘉靖四十五年設

朝萬曆四年題議止防守廣州其信地東自鹿角洲

起西至三洲山止額設并新添分總四員哨官八員

大小兵船共八十隻官兵二千三百三十四員名又

陸兵一營把總一員哨官五員共官兵五百二十九

員分守惠州兼海防叅將一員隆慶六年提督侍郎

豐其信地止於海豐歸善博羅惠來河源長寧六縣

萬曆四年總督侍郎凌雲翼議題兼管碣石一寨海

防部下陸兵五營內前左右後四營每營把總一員

哨官五員共官兵五百五十二員名岑岡一營把總

一員哨官二員共官兵二百二十七員分守潮州叅

將一員部下陸兵六營內四營每營把總一員哨官

名通共官兵二千四百三十五員名

倭警新添韶興營兵以為衝鋒官兵三百八十四員

東山叅將一員萬曆五年總督侍郎凌雲翼善後

方部兵四營每營把總一員哨官五員共官兵

四百八十五員名通共一千九百四十員名西山

叅將一員萬曆五年總督侍郎凌雲翼善後羅旁題

把總一員哨官五員兵多寡分守雷廉兼海防叅將

不等共二千零一十員名

一員成化八年雷廉高肇共設左叅將一員嘉靖三

兼管雷廉隆慶六年提督侍郎殷正茂議題專設雷

廉叅將駐劄雷州所管信地止雷廉二府萬曆四年

總督侍郎凌雲翼議題兼理白鶴門一寨海防欽總

一員哨官四員兵船三十五隻官兵雜役九百二十

三員名山防部下雷州營把總一員哨官五員共官

兵五百五十二員名廉州營把總一員哨官五員共

官兵五百五十二員名

分守陽電叅將一員萬曆四年始設水

寨防守以欽總領

之尋裁設參將兼管水寨八年裁參將又設復欽總
 二十五年倭報方殷恐權輕不足恃又裁欽總設復
 陽電參將北津寨分總三員哨官六員兵船六十一
 隻共官兵雜役一千五百零八員名陸兵三營一屯
 內恩平陽電二營每營把總一員哨官五員共官兵
 五百五十二員名高州營把總一員哨官五員共官
 兵五百四十二員名開平屯哨官一員共官
 兵九十員名通共一千七百三十六員名

崖兼海防參將一員

嘉靖十九年總督侍郎蔡經討
 平崖陵黎賊題設參將一員控

制崖州二十八年改兼瓊州三十五年改兼雷廉後
 因參將專駐雷廉不至瓊崖隆慶二年提督侍郎李
 遷題革萬曆元年提督尚書殷正茂議題專設瓊崖
 陸路參將三年又題兼海防四年總督侍郎凌雲翼
 題議本參並領白沙水寨防守瓊屬信地白沙寨欽
 總一員分總共三員哨官十員共官兵雜役一千六
 百七十員名船六十一隻前左右後舖前五營把總
 五員哨官一員共官兵一千五百

議設防黎把總七員哨官十五員共官兵一千五百
 員名太平營把總一員萬州長沙把總一員哨官一

練兵遊擊一員

嘉靖四十三年都御史
 吳桂芳題設駐劄肇慶

陸兵二營每營把總一員哨官五員旗隊兵五百四
 十六名左右二營哨各哨官一員旗隊兵一百零五

名旗軍哨官一員軍兵一百三十八名發守嶺西
 江道把總二員哨船六隻官隊兵共二百二十六員

分守濶洲遊擊一員

先年設斷洲龍門等哨防守
 乃連年奸徒窺犯萬曆十三

四等年新順東莞等縣奸徒聚至三四百艘皆視濶
 洲為窟幾成大變尋議廣海遊哨往來汛守後覺不
 便十八年始議設遊擊出汛專劄濶洲而斷洲等哨
 隸焉部下水兵把總三員哨官四員通共水陸官兵
 一千四百一十七員名

廣東都指揮使司都指揮掌印一員

隆慶六年提
 督都御史李

守備廣海指揮一員

隆慶六年提
 督都御史李

遷題設駐劄廣海本寨分總三員哨官五員船三十

八隻共官兵雜役一千三百四十員名又守城官二

員共官兵二百一十員名

守備南韶指揮一員嘉靖四十二年提督侍郎張臬題設

駐劄連州往來韶州清遠等處韶州營把總一員哨

官五員共官兵四百九十二員名清遠營把總一員

哨官五員共官兵五百二十三員名連州營把總一

員哨官二員共官兵三百二十二員名連山營把總

一員哨官二員共官兵三百六十二員名陽山營把

總一員哨官二員共官兵三百六十員名南雄營哨

官一員共官兵一百五十二名南雄江道哨官一員韶

州江道哨官一員英德江道哨官一員英清江道哨

官一員清遠江道哨官一員

守備柘林水寨指揮一員嘉靖四十五年提督

侍郎吳桂芳題設哨官四員額設大小兵船四十五

隻捕兵一千一百七十五員名十九年聞報倭警添

設兵船十四隻哨官二員捕兵六百九十六員名二

員名選派通融分派出洋又守備羅定中路官一

員即德慶守備萬曆五年總督侍郎凌雲翼善後羅

總一員哨官五員共官兵五百五十二員名通共一千一百四員名

廣州左衛在都司左洪武八年設舊額官四右衛在

司右洪武八年設官四十二員前衛在左衛南洪武二

員旗軍一千六百九十三名後衛在右衛南洪武二十三年設官三十

員旗軍一千七百七十三名連州東莞

清遠南海廣海三衛原設官共七十二員

大鵬香山海朗新會新寧增城從化各守禦千戶所

九處原設官六十五員旗軍三千零二十名

廣東通志

兵總

韶州守禦千戶所原設官一十四員旗軍三百四十九名

南雄守禦千戶所原設官九員旗軍三百五十六名

惠州碣石二衛原設官六十四員旗軍二千一百四十七名河源龍川長

樂甲子捷勝海豐平海各守禦千戶所七處原設官四十六員旗軍一千九百五十六名

潮州衛原設官四十四員旗軍一千三百二十八名大城蓬州靖海海門

程鄉各守禦千戶所五處原設官三十四員旗軍一千四百二十二名

肇慶衛原設官二十九員旗軍八百六十七名四會陽江新興德慶各

守禦千戶所四處原設官二十八員旗軍一千零五十八名

神電衛原設官二十六員旗軍一千零八十八名雙魚寧川高州信宜陽

春各守禦千戶所五處原設官一十九員旗軍一千八百四十二名

雷州衛原設官三十三員旗軍一千三百八十八名錦囊海安海康樂民石

城各守禦千戶所五處原設官二十七員旗軍一千三百一十八名

廉州衛原設官二十五員旗軍九百五十二名永安欽州靈山各守禦

千戶所三處原設官一十五員旗軍八百六十一名

海南衛原設官二十三員旗軍一千三百七十八名清瀾萬州南山儋州

昌化崖州各守禦千戶所六處原設官二十五員旗軍二千四百二十五名

龍水南鄉函口封門富霖各守禦千戶所五處

萬曆四年

改屬羅定東安西寧原設官共一十八員旗軍一千二百七十七名

軍制

百粵之兵在春秋時屬楚楚循周制五人為伍二十

五人為兩伍五一百人為卒兩四五百人為旅卒五五旅為

師二千五百人也五師為軍萬二千五百人也三軍以為正軍合三萬七

千五百人也二廣以為親軍謂左廣右廣也於戰則分

左右二拒左拒當敵上軍右拒當敵下軍游關以為

游兵游謂往來關謂兵陣此奇兵也

秦始皇帝每郡置材官南戍五嶺五十餘萬

漢武帝發中尉之卒遠擊南粵增置八校募知粵人

事及粵人內附者為越騎校尉

和帝時南蠻叛置象林兵吳孫權遣呂岱取荊州先

令交州刺史步騭將交州義士萬人出長沙

晉武帝太康元年既平吳詔悉去州郡兵交州牧陶

璜僕射山濤俱言不便帝不聽及永寧以後盜賊群

起州郡無備不能擒制天下遂大亂

唐貞觀十年作府兵之制凡發府兵皆下符契州刺

史與折衝勘契乃攷

天寶元年置十節以經略使以備邊嶺南五府經略
綏靖夷獠統經略清海二軍兵萬五千四百人

宋初詔諸州長吏選所部兵如式教練精熟送隸三
衙謂之禁兵月奉五百者皆日閱習武伎其三百以

下戍廣者不習其留者為廂兵

景德五年詔遣使往廣南諸路會諸臣僚簡隸軍慶
曆中詔收廣南巡海水軍忠敢澄海皆予旗鼓訓練

以備戰守

嘉祐七年定廣南土丁籍五丁點一為之凡得三萬
九千八百人分隊伍行陣習鎗罇牌

景祐三年詔廣州置雄略一營與歸遠軍更戍嶺外
熙寧更制後詔團結東南諸軍如京畿之法共九十

二將廣南路為第一將副皆選內殿崇班以下嘗歷
戰陣親民者充之熙寧中廣南路騎步二軍額並改

號曰清化

國朝洪武二年命平章廖永忠叅政朱亮祖取廣東
遂命亮祖鎮守建置諸衛所分布要害 十七年又

以島夷之患設沿海諸衛所築墩臺每百戶所正軍百人總旗二人小旗一十人十百戶所爲千戶所統以諸衛衛必五所而又有都衛以總制之後改爲都指揮使司隸前軍都督府其尺籍初選於投降歸附不足則籍民三丁之一及犯罪編配以充之其教閱征調戍守候望皆具令甲云 大明令凡軍民以籍爲定軍官頭目無得巧立名色徑行勾捉百姓充軍民戶亦不得詐稱各官軍人貼戶躲避差役果有在逃軍人在外申奉明文方許勾取 二十一年令各

衛所將逃故軍編成圖冊送本部照名勾取不許差人各府縣類造軍戶文冊遇有勾丁按籍起解 二十三年令生員應補軍役者除豁遣歸卒業 三十五年定聚集軍正軍戶貼戶造冊輪流更代貼戶止一丁者免役當軍之家免丁差役 諸司職掌凡內外衛所軍士俱有定數大率以五千六百名爲一衛一千一百二十名爲一千戶所一百一十二名爲一百戶所其衛分軍士數多千百戶所統則一百戶內設總旗二名小旗二名官領鈐束大小相維以成隊

廣東通志 卷之八
伍 槩集民兵凡民戶三丁者槩集一兵其
二丁一丁者轉爲正貼二戶共槩一兵
通省原額旗軍一十三萬零七百五十名

軍器

司馬法兵不雜則不利長兵以衛短兵以守太長則
犯太短則不及太輕則銳銳則易亂太犯則不齊又
曰弓矢圍戈矛守戈戟助凡五兵當長以衛短短以
救長迭戰則久皆戰則疆又令安廣之人佩石碣之
矢張盧生之弩百粵軍器猶有司馬法之遺焉

勾粵之幹鏃以精金爲準爲之羽以之搭箒則其與
稿考也無擇及夫盪寇爭衡耀武決勝加之疆弩之
上則三百步之外不立敵矣

交州山夷名曰狸子弓長數尺箭長尺餘以燧銅爲
鏑塗毒藥於鋒鏑中人卽死

漢制立武庫以藏兵器郡國不得私作兵器其禁鐵
毋與南越關市

晉太康二年禁廣州鐵毋與夷俚市設西江督護巡
察之

隋置廣州兵別置折衝果毅分八將以幡旂爲號令

唐初置軍器監後領弓甲二坊廢併不常後開元中
 邊防以嶺南道為中府置折衝都尉及左右果毅都
 尉長史兵曹別將各一人校尉六人士以三百人為
 團團有校尉五十人為隊隊有正十人為火火有長
 皆自備介冑戎具藏於庫有所征行則視其入而出
 給之

天寶末廢武備挾軍器者有辟習弓矢者有罪惟嶺

南道清海軍得造器甲

劉龔以方鎮據百粵稱南漢兵仗器械置坊局造之弓箭刀劍飾以象犀

宋開寶八年令諸州歲造兜鍪鐵甲弓弩鎗箭什物
 以備軍需惟廣南東路視淮浙減三分之一

景祐三年詔廣南民家毋得置博刀犯者并鍛人並

以私有禁兵律論

先嶺南為盜者多持博刀杖罪輕不能禁轉運使以為言故著是令

元符二年增造神臂弓令廣南鎗手習之

熙寧元年詔廣州鎗手十之三教弓弩手

國朝洪武初廣東各府俱設軍器局大使一員副使

一員其後革去惟令各衛所指揮千百戶等帶管造
 作軍器咸有定制其出境及下海私賣與夷人者治

以重罪及後因時損益其料銀徵七于民徵三千軍
舊制軍器減半成造料銀亦減半歲徵嘉靖十三年
始間歲一徵軍器亦間歲一造十五年例減半歲徵
軍器亦間歲一造十八年以後徵解兵備道發縣收
候成造支用二十五年以後俱解布政司收貯遇成
造之年衛所具數報兵備道通詳委官支領自十五
年定例後至今遵行

大明會典每衛二季成造盔甲鎗刀弓各四十件圓
牌二十面弦八十條箭一千二百枝撒袋四十副銳
箭四百枝每千戶所一季成造盔甲鎗刀弓各十件
圓牌五面弦二十條箭三百枝撒袋十副銳箭一百
枝正德九年七月奉 欽降減半式樣每衛該造六
瓣明盔二十頂襯盔二十頂齊腰甲二十副黑漆線
紫角弓五十張正副白絲弓弦一百條破甲鐵箭三
千九百七十六枝明油真皮撒袋五十副黑漆靶鞋
腰刀五十把黑漆鞘斬馬刀二十把勒甲脂皮帶二
十條彩畫虎頭長挨牌四十面通計四千三百六十
六件約用料銀一百五十八兩三錢五分三釐零每

所該造六瓣明盔五頂觀盔五頂齊腰甲五副黑漆
 線紫角弓十五張正副白絲弓弦三十條破甲鐵箭
 八百八十二枝明油真皮撒袋十副黑漆靶鞞腰刀
 十把黑漆勒斬馬刀五把勒甲脂皮帶五條彩畫虎
 頭長挨十面通計九百八十二件約用料銀三十八
 兩一錢一分五釐零

嘉靖十年奏准添造軍器佛朗機及神機銃螺螄箭

鈎刀眉刀短鎗強弩

旗畫金鼓以一視聽旗有五等曰高招曰角旗曰門

等曰大鼓曰小鼓金有四等曰金曰銀曰銅曰鐵

觀甲有五等曰兕甲曰金甲曰柳葉甲牌有四等曰揆

圓牌曰藤斧有四等曰鐵斧曰鑿斧此外則有布幔

懸之以竿用禦矢石柔勝剛也刀鎗槌棍以接戰交

鋒刀有五等曰腰刀曰斬馬刀曰鉤刀鎗有十等曰長鎗

神鎗曰飛鎗曰火鎗曰拒馬鎗曰雙頭曰棍賊中有善禁

日蒜頭棍有五等曰雙頭曰棍賊中有善禁

况者則多作勁木白楮無刃之棍以擊之弓弩砲石

廣東通志

以射疏及遠弓有二等曰馬弓箭皆用鐵撒袋用皮

鐵箭之外復有五等曰銃箭曰神機箭曰螺獅弩有

三等曰斗子弩曰諸葛弩曰俚弩砲有十一等曰震天雷曰大將

將軍曰磁砲曰鳥銃曰瓜哇銃曰九龍信砲曰神砲曰蒺藜錫砲曰霹子砲石有二等曰

石曰凡石與砲車相為用至於攻蠻寇破營寨則有

火攻水攻二法焉火攻者火兵又有火獸火盜火弩

攻者以水水國朝軍政官役隨操器械凡指揮千百戶馬軍馬一

匹鐵盔一頂腰刀一把鐵甲一副角弓一張正副弦

二條鐵箭三十枝操箭九枝內隨官牌手加牌鎗手

加鎗刀手加滾刀各一弓箭手加弓箭銃手加銃總

小旗鎗旗一副軍士鐵盔一頂腰刀一把皮甲一副

絨綿襖一番其在海道三路備倭軍器每戰船鐵鑊

五十把竹篙鎗一百把犁鬚鏢一百把雙鬚鏢一百

竿單鏢鎗六十把鐵箭三百枝撈鈎十把鐵手銃十

二把毒藥毬十包烟火紙毬十包火傘筒十把燕尾

牌十面九龍盒十副每副用飛鎗九枝器械左以機

銃火箭為重用則海寇畏之副使胡澧極精火箭之製尚書霍韶嘗疏薦之

軍餉

古者寓兵於民民既出常賦有事復褻糧爲兵漢高帝之世南北二軍不出而民兵散在郡國有事以羽檄召材官騎士以備軍旅事已則罷無養兵之費也武帝伐南粵以中尉材官出征恐京師無重兵生變於是分北軍爲八校越騎以習知越人克之則募兵始此自是有養兵之病矣

光武建武七年罷天下材官樓船及軍假吏悉還民伍其後天下往往復置都尉而兵農分常賦之外山澤關市之利悉以養兵然有警則以素所養者捍之民晏然無預征役也

唐之時兵分藩鎮得專征稅天子禁衛之兵不過十餘萬人

宋收天下甲卒數十萬悉萃京師歲漕江淮粟六百萬石而縑帛貨錢齒革百物之委不可勝紀是以軍儲饒羨嘗餘數年之食至於諸州禁廂兵亦皆戍更隸州者曰屯駐隸總管者駐泊後今廣南路撥軍餉二萬二千石提鹽司鹽一千五百萬斤韶州岑水場

廣東通志 卷之八
銅五十二萬斤付本路鑄錢一十五萬貫總計一百一十餘萬貫並克廣西支遣建炎兵興諸路不復撥到所籍者官賣鹽爾

國朝洪武初軍法定律指揮千百戶管軍官吏酷害軍人剋減月糧將無作有以有爲無者許旗首軍人奏聞卽將害人官吏抄沒家財就與告人再加重賞若旗首通同官吏害軍者許軍人自告

永樂九年令廣東都司各衛所支七分米三分鈔
正統三年令廣東所屬衛所旗軍月糧全支凡遇行軍馬匹日支糧草

嘉靖三年令廣東布政司收貯軍餉歲發二萬兩至肇慶府聽兵備道支給各營堡打手日兵支畫造冊繳報如有不敷呈請查發有餘後通支

嘉靖三十二年提督兩廣軍務都御史應檀纂蒼梧軍門志兩廣軍餉出廣東者十分之九其在廣西者惟平樂府鹽稅潯州府船稅梧州廠木貨等稅三項而已餘並出廣東

詳列于後

○輕齎米九千四百四十四石一斗八升二合五勺四抄七撮每石折銀三錢三

分共銀三千一百一十六兩五錢八分二毫四絲一
 忽○徭徇開耕民米七百八十石七斗一升八合四
 勺每石折銀三錢五分共銀二百七十二兩二錢五
 分一釐四毫四絲龍水縣納今羅定州○夏稅米四百五十四
 石五斗九升九合五勺四抄每石折銀五錢四分共
 銀二百四十五兩四錢八分三釐七毫五絲二忽○
 魚課米七千一百零七石五升七合七勺每石折銀
 三錢一分五釐共銀二千二百三十八兩七錢二分
 三釐一毫七絲六忽○民米除解神電廉州廣儲求

安二倉外尚該二十萬零一千三百九十二石五斗
 二升三合九勺二抄六撮九圭九粟六粒每石折銀
 五錢四分共該銀一十萬八千七百五十一兩九錢
 六分二釐五毫六絲八忽已上銀一十一萬四千六
 百二十六兩零俱解布政司以備折支各衙門官吏
 旗軍達官舍月糧併軍門征剿地方解發折作官軍
 兵夫行糧工食賞犒等用○精兵月糧二萬五千五
 百三石八斗八升八合八勺有奇俱於有徵民米每
 石折銀五錢四分共銀一萬三千七百七十二兩一

錢歲解梧州府收候軍門雇募之用○梧州府廣備倉米五萬石專支廣東上班官軍行糧於廣韶肇三府有徵民米內每石派米一斗五升五合有奇若本倉積米數多每中半或全折徵每米一石銀六錢○

鹽課廣東鹽課提舉司一十四場舊額人丁三萬二千九百零一丁額辦有徵無徵小引生熟鹽八萬九千二百八十七引九十八斤六兩三錢二分每小引該鹽二百斤俱解廣州鹽倉收賣除竈戶逃絕無徵鹽課免令見存人戶代徵外嘉靖二十一年

分撥造實在人丁二萬三千六百零八丁并竈田四千七百二十九頃一十二畝一分四釐有奇鹽埕池

漏七千五百四十三口共辦有徵小引生熟鹽六萬七千一百四十九引一百六十二斤十一兩有奇每

熟鹽一引折徵銀二錢三分生鹽一引折徵銀一錢七分正德十一年御史解冕奏定後同共徵銀一萬三千四百三十

五兩零六分九釐零其鹽聽竈戶自賣弘治四年先奏行後同年俱係提舉司徑自催徵因與各場隔遠中多拖欠

自嘉靖三十年為始行各附近縣分掌印官將各轄地方場分課銀督徵務在年終完足俱解提舉司按

季解布政司一半解部一半留備軍餉○海北鹽課

提舉司一十五場舊額人丁一萬六千五百八十九

丁額辦有徵無徵大引鹽二萬八千一百一十九引

零九十二斤九兩每大引該鹽四百斤折小引二引俱解白石倉收賣除竈戶絕逃無

徵鹽課免令見存人戶代徵外見在人丁一萬一百零六丁共辦有

徵大引鹽一萬二千七百八十二引一百零九斤八

兩其鹽聽竈戶自賣內海南大小英感恩等六場每

大引一引折米一石每石折銀三錢各場實徵米六

千零四十六石七斗八升一合實該銀一千八百一

十四兩零三分四釐零逐年俱係各附近州縣掌印

官徵解瓊州府廣豐庫收貯支作海南衛并本府合

屬官吏俸鈔及大征支用海北白沙等九場每熟鹽

一引折銀二錢三分生鹽一引折銀一錢七分實徵

鹽課銀二千七百五十九兩九錢二分五釐零嘉靖二

十五年以前俱解布政司一半解京一半留備軍餉

嘉靖二十五年以後解廉州府准作該府衛縣所并

本提舉司官吏旗軍正七九十一月折俸支用通計

廣東產鹽共有二十九場每歲額徵竈戶丁田課銀

共一萬六千五百餘兩至於商人販鹽埠頭除潮高雷廉瓊五府民皆附場買食原無埠頭惟廣南韶惠肇五府共有大小埠頭五十一處週年定引二萬零五百八十四道每引例納紙價銀一錢零三釐軍餉銀九錢內順德等九埠商人徑自下場買鹽每引加納銀一錢連州韶州二埠路通湖廣每引加納銀三錢每歲通共引紙軍餉銀二萬二千九百六十兩零其次有南雄梧州二處路通江楚引無定數商無定名每年散折引大約三萬四千道每引在提舉司納引紙銀一錢零三釐共銀三千五百兩其軍餉銀俱

至南雄梧州各府投納名曰納堂及水客往場買鹽

回省兌商分別青生東熟西熟三樣納餉青生每萬斤納餉八

錢東熟每萬斤納餉一兩西熟每萬斤納餉一兩二錢每年納銀八千兩又例

有首割自報并盤出餘鹽折納價每年納銀一萬四

千兩又每年抽商人買鹽牙稅銀約二千兩抽客商

鹽包銀約一千兩又客商違限違例究贖罰餉銀亦

約一千兩以上除丁田鹽課一項係各場官吏徵解

外其商客引餉鹽利首割餘鹽牙稅鹽包罰贖各項

俱經鹽法道批行提舉司追收者歲計通省一應解部及克餉銀不過五萬餘兩俱逐月隨收多寡盡解布政司內引紙價并首割餘鹽罰贖三項七分解部三分存留與準餉鹽牙稅鹽包四項俱克兵餉皆原無定額各商有利則聚無利則去以致多寡難齊盈縮不一今查較節年所收約為成數耳此外又清遠廠每年收南雄韶州連陽各處經過盤割鹽斤銀約一千六百兩肇慶廠收梧州封川羅定各處鹽經過抽包銀約一千兩前此俱各解布政司并存留肇慶克餉今已經議允撥歸內監收解矣其餘韶州連陽各府州縣商人投引納稅多不過百十兩與南雄府商人納堂銀歲約一萬餘兩梧州府納堂銀約二萬兩潮州府收廣濟橋商額餉銀二萬二千餘兩俱克各府兵餉○南雄太平橋廠正德二年總督都御史周南奏設胡椒一百斤抽銀五錢蘇木一百斤抽銀二錢五分雜貨每担重一百斤抽銀三厘土木每發南雄府收候類解梧州軍餉支用○肇慶府遇南海高要等民在封門文德鄉起至高明縣都含海口止一帶水埠裝撈魚苗船戶各報立灣埠每年三月

初旬起赴府納銀每船給牌一張照往原報灣埠裝

撈六月中止歲該銀四百餘兩轉給德慶瀧水等處

哨堡打手工食弘治十四年總督右都御史劉大夏題行○火夾腦管稅

銀凡商人至高雷廉瓊四府販賣牛馬羊俱經陽江

恩正二縣交界地名黃竹橋逕火夾腦地方往多遇

賊於火夾腦立營防守除小馬兒乳羊免稅外每水牛一

隻稅銀八分黃牛一隻銀五分馬一匹銀一錢三分羊一隻銀二分每年選委義官歲

稅銀一千兩閏月加銀八十三兩三錢三分零送恩

平縣俱備打手工食等用嘉靖十一年行○立將巡檢司稅

銀凡商人從高雷販牛馬至樂安驛分路經綿山河

頭抵新興等處貨賣本司每水牛一隻稅銀六分沙牛一隻銀四分馬一匹銀

錢一週年六十兩閏月加銀五兩按季送新興縣年終

解府以備軍餉嘉靖二十六年行○東莞縣官魚行稅銀歲

共七十兩納貯縣庫解作軍餉嘉靖三十一年行

通省水陸官兵除添設征黎善後不計外見在四萬

二千五百餘員名歲支餉銀四十一萬一千七百八

十餘兩又每年脩理戰船銀二萬四千五百兩而軍

器火藥加閏月者不與焉及查全粵稅餉章程遞年

通共三十九萬七千九百餘兩商稅鹽餉皆在其中其餘則派之丁糧取之租利者也頃者稅監入粵已於前項稅餉額內將市舶司稅課司滄涯廠廣濟太平二橋及東莞魚稅紙船稅與西南官窰各商稅并盤割餘鹽等銀四萬七千一百餘兩撥與抽收又復益以額外牛稅等項歲亦不下萬餘止存歲入餉銀三十五萬八百兩零藉令歲豐完及九分之上已不能足歲額之數况加之歲歉重之拖欠乎以歲入歲支相提而論尚欠餉銀數萬以此不可不為處補者也近聞扣原額以解京加派以克餉一時追徵不敷則軍無月糧兵多枵腹能保其不生變乎

屯田

唐百官志屯田郎中掌天下屯田司農有諸屯監一人丞一人掌管種屯內課屯主勸率管農督斂地課每屯主一人副一人諸治監今掌鑄兵農之器給軍士屯田

開元二十五年詔屯田叙功以豐凶為上下

宋高祖紹興二十九年臣僚言二廣村疇之間人戶

凋踈彌望皆黃茅白蒿民間膏腴之田耕布猶且不徧豈有餘力可置官產况江廣米穀既平錢貨難得畝直不過貫百縱根括無遺其能應勘限乎若謂命令既行難於寢罷乞寬之一年聽民情願無或抑勒違者坐之詔可

元世祖至元三十年召募民戶并發新州士卒於海南海比等處置立屯田

成宗元貞元年以其地多瘴癘縱屯田軍二千人還各翼留二千人與召募民兵屯種

國初兵荒之後民無定居耕稼盡廢糧餉匱乏初命諸將分軍於龍江等處屯田自是立法漸稀徧于天下大率衛所軍士以三分守城七分屯田又有二八一九四六中等例皆隨地而異云

洪武二十年令屯軍種田五百畝者歲納糧五十石三十年令凡屯軍內少壯者守城老弱者屯種若有餘丁多亦許屯種

永樂二年令各處衛所凡屯軍一百名以上委百戶一員三百名以上委千百一員五百名以上委指揮

廣東通志 卷之八 十六 彥體
一員提督若屯軍不及一百名亦委百戶一員提督
若官員軍餘家人自願耕種者不拘頃畝任其開墾
子粒自收官府不得比較 三年更定屯田則例令
各屯置紅牌一面寫刊於上每百戶所管旗軍一百
一十二名或一百名七八十名千戶所管十百戶或
七百戶五百戶三四百戶指揮所管五千戶或三千
戶二千戶提調屯田都指揮所收子粒多寡不等除
下年種子外俱照每軍歲用十二石正糧爲法比較
將剩餘并不敷子粒數目通行計筭定爲賞罰

永樂五年廣東按察司增置僉事一員盤量屯田
正統元年令每下屯旗軍一名給屯田二十畝總小
旗各給牛一隻軍人二名共牛一隻不分旗軍每名
種子一石每田一畝起科三斗六升每納糧六石
八年令屯田有自開墾荒田每畝納糧五升三合五
勺 十一年令各處衛所類造屯田坐落地方四至
頃畝子粒數目文冊一本繳合于上司一本發該管
州縣以備查考

弘治十三年令凡用強占種屯田者問罪

廣東都司屯田原額七千二頃三十三畝七分六厘
糧一十五萬六千三百八十二石八斗四升見額六
千三百三十八頃七十九畝八分八厘零糧一十五
萬一百二十九石四斗七升八合四勺零○廣州左
衛屯田一百四十頃六十四畝八厘零糧三千八百
九十六石四斗五升五勺零○廣州右衛屯田二百
八十頃六十六畝八分三厘零糧八千四百一十六
石九升一合五勺零○廣州前衛屯田二百八十五
頃四十一畝三分三厘零糧八千四百八十一石九
斗一合七勺零○廣州後衛屯田二百四十七頃九
十六畝七分零糧七千四百三十一石一升三勺零
○清遠衛屯田五百九十四頃七十五畝八分四厘
糧八千三百七十五石八斗四升七合七勺零○廣
海衛屯田一百九十一頃五十八畝六分六厘糧五
千三百八十八石二斗三升六合○南海衛屯田二
百二十六頃二十一畝五分一厘零糧六千八百四
十三石三斗四升七合○東莞守禦千戶所屯田四
十四頃八十畝糧一千三百四十四石○大鵬守禦

千戶所屯田四十四頃八十畝糧一千三百四十石
七斗○增城守禦千戶所屯田八十七頃二十九畝
糧二千四百三十一石二斗○從化守禦千戶所屯
田一百九十一頃八十七畝五分二厘零糧三千三
百一十二石五斗七升五合四勺零○新寧守禦千
戶所屯田六十七頃七十三畝八分二厘零糧二千
一十八石一斗六升六合七勺○新會守禦千戶所
屯田八十四頃糧二千一十六石○連州守禦千戶
所屯田一百四頃五畝六分五厘零糧二千一百五
十三石三斗七升七合二勺零○香山守禦千戶所
屯田四十六頃七十五畝四分四厘零糧一千四百
二石六斗三升四合四勺○韶州守禦千戶所屯田
八十頃八十五畝二分一厘糧二千四百二十二石
九斗六升三合九勺○南雄守禦千戶所屯田九十
九頃一十畝八分六厘零糧三千一十三石四斗一
合四勺零○惠州衛屯田三百八十三頃一十三畝
八分五厘零糧九千二百九十七石一斗九升○河
源守禦千戶所屯田一百一十三頃五十四畝五分

糧三千八十九石一斗○龍川守禦千戶所屯田一
百六十頃三十六畝六分糧三千三百六十七石五
斗○長樂守禦千戶所屯田一百六頃二十七畝七
分一厘零糧二千九百二十二石七斗四升三勺零
○碣石衛屯田一百八十頃六十三畝二分九厘零
糧五千四百二十一石五斗四升○甲子門守禦千
戶所屯田二十六頃六十四畝糧五百石○海豐守
禦千戶所屯田五十七頃一十畝糧一千四百二十
二石○平海守禦千戶所屯田四十四頃四十六畝
九分六厘糧九百三十一石二斗○捷勝守禦千戶
所屯田四十二頃二十畝糧一千一百三十九石七
斗○潮州衛屯田二百一十頃四十四畝一厘零糧
三千五百八石八斗九升五合三勺○澄海守禦千
戶所屯田四十七頃三十七畝三分八厘糧五百九
十四石二斗六升五合八勺○蓬州守禦千戶所屯
田四十一頃五十一畝糧一千一百四十一石六斗五
合○海門守禦千戶所屯田四十三頃六十畝糧九
百八十八石八斗九升○靖海守禦千戶所屯田三

十二頃二十四畝糧九百六十七石四斗九升五合
○大城守禦千戶所屯田一十二頃三十六畝三分
五厘糧二百六十七石二斗六升五合○程鄉守禦
千戶所屯田六十七頃二十畝糧一千九百七十一
石五升七合四勺○肇慶衛屯田四百四十五頃六
十三畝三分糧七千五百四十四石六斗五升六合
四勺零○德慶守禦千戶所屯田六十七頃三畝二
分九厘零糧一千六百七十五石八斗二升四合三
勺○新興守禦千戶所屯田八十二頃六十九畝七
分九厘零糧一千九百四十四石六斗九升五合○
廣寧守禦千戶所屯田一百一十九頃四十四畝四
分四厘零糧一千八百六十二石七斗○陽江守禦
千戶所屯田九十二頃六十畝一厘零糧一千四百
六十六石二十五升九合二勺○雙魚守禦千戶所
屯田三十三頃九畝四分四厘零糧七百九十三石
六斗八升八合一勺○海朗守禦千戶所屯田二十
二頃八十一畝一分五厘零糧三百八十五石七斗
三升五合○陽春守禦千戶所屯田四十三頃二十

畝糧一千二百九十六石○神電衛屯田七十三頃
 四十五畝九分七厘零糧二千六十一石○高州守
 禦千戶所屯田一十八頃二十畝糧五百四十六石
 ○寧川守禦千戶所屯田三十六頃四十畝糧一千
 九十二石○雷州衛屯田二百五十頃九十九畝二
 分糧四千一百三十六石九斗九升○錦囊守禦千
 戶所屯田三十六頃六十畝糧五百零一石○樂民
 守禦千戶所屯田四十四頃三十畝七分糧八百一
 十一石七升○海康守禦千戶所屯田四十一頃八
 十畝糧五百五十八石○海安守禦千戶所屯田四
 十頃五十六畝糧五百九十四石六斗○海南衛屯
 田二百二十八頃一十七畝二分八厘零糧六千八
 百四十五石一斗八升五合七勺○清瀾守禦千戶
 所屯田四十五頃八十五畝五分九厘糧一千三百
 四十七石三斗八升九合六勺零○萬州守禦千戶
 所屯田四十八頃四畝糧一千四百五十二石○
 南山守禦千戶所屯田四十四頃八十畝糧一千三
 百四十四石○儋州守禦千戶所屯田四十五頃四

十畝糧一千三百六十二石○昌化守禦千戶所屯田四十四頃八十畝糧一千三百四十四石○崖州守禦千戶所屯田四十四頃八十七畝七分九厘糧一千三百四十六石三斗三升七合

廣東通志卷之九

藩省志九

兵防總下

弓兵 民壯 打手 優給 達舍 上班 官馬 戰船

弓兵

秦漢之世當山海阨塞姦宄出沒處立亭設長掌兵夫以譏察詭異即今制巡檢司之始

吳據交廣步兵皆習弓矢迄唐京師彊騎選弩手兼習弓射守險遏衝後令兼巡警緝盜此弓兵之始

宋熙寧八年十二月令廣南東路縣尉司弓級督領

弓弩手教習七十步箭中者賞之其弓弩手隨戶丁多寡選充別設巡檢惟掌遊軍

元世祖中統五年驗郡邑民衆寡置馬步弓手夜遊邏禁人出違者罪之至元十七年令廣南東路錄事司及縣各置弓手山海要害處各置巡檢

國朝諸司職掌凡天下要衝去處設立巡檢司專一盤詰奸細及販賣私鹽犯人逃軍逃囚無引面生可疑之人須要常加提督有司照例於丁糧相應人戶內僉點弓兵應役一年更替廣東關津巡檢司提督

盤詰之事有三其一曰凡軍民人等往來但出百里者卽驗文引其二曰巡檢司縱容境內隱藏逃軍一歲中被人盤獲十名以上者提問如律其三曰凡軍民無文引及內使來歷不明有藏匿寺觀者必須擒拿送官仍許諸人首告得實者賞縱容同罪

廣州府巡檢司四十二設巡檢各一人額編弓兵凡二千三百五十五役

韶州府巡檢司一十五設巡檢各一人額編弓兵凡五百八十役

南雄府巡檢司五設巡檢各一人額編弓兵凡二百五十役

惠州府巡檢司一十八設巡檢各一人額編弓兵凡八百五十役

潮州府巡檢司一十七設巡檢各一人額編弓兵凡八百四十役

肇慶府巡檢司二十設巡檢各一人額編弓兵凡一千四十五役

高州府巡檢司六設巡檢各一人額編弓兵凡一百九十役

廉州府巡檢司九設巡檢各一人額編弓兵凡一百七十役

雷州府巡檢司六設巡檢各一人額編弓兵凡二百後

瓊州府巡檢司六設巡檢各一人額編弓兵凡四百五十役

民壯

洪武初立民兵萬戶府簡民間武勇之人編成隊伍以時操練有事用以征戰事平復還為民有功者一

體陸賞

正統十四年令各處招募民壯就令本地官司率領操練遇警言調用事完仍復爲民

天順元年令招募民壯鞍馬器械悉從官給本戶有糧與免五石仍免戶下二丁以資供給如有事故不許勾丁

弘治二年令選取民壯須年二十以上五十以下精壯之人州縣七八百里者每里僉二名五百里者每里三名三百里者每里四名一百里以上者每里五名春夏秋每月操二次至冬操三歇五遇警言調集官給行糧其餘照天順元年例 六年令官司私役民壯者照依私役軍餘例問罪 原編立民壯初意本以征守今則在官惟供迎送程勾攝及遞文移而已甚或派諸私衙以爲薪水之役其在營堡諸路官司多受賄賣閒至有一人而包當數役者矣軍戶隨田附籍亦復編及旣當軍役又見民壯軍民以籍爲定果當爾乎向來復設民壯頭名色例以丁出居上者總其事而自行徵收有不能斂者則賠贖克焉老吏

黠胥每緣爲奸法久稱弊後隆慶四年議隨糧帶徵若水夫然民以爲便不易之良法也

廣州府所屬額編民壯四千八百四十四名

南雄府所屬額編民壯四百六十六名

韶州府所屬額編民壯一千七百五十名

惠州府所屬額編民壯二千六十五名

潮州府所屬額編民壯一千八百九十三名

肇慶府所屬額編民壯二千九百四十九名

高州府所屬額編民壯六百五十九名

雷州府所屬額編民壯七百五十四名

廉州府所屬額編民壯一千零五十名

瓊州府所屬額編民壯一千六百八十三名

打手

打手始自成化初巡撫都御史韓雍短雇敢勇以征寇盜事平罷之不爲定例正德中蒼梧軍門本有鎮夷營中軍士守梧州城忽聽生事之人建議籍廣東衛所餘丁老幼每户取一人號爲精兵以代之嘉靖初右都御史張嶺會三司議定用輪班精兵月糧另

雇精壯打手以備戰守每遇征戰改行廣州等府別行雇募編立千長甲總以統領之而守城仍用鎮夷營中軍士自此遂爲常規又令南雄府始興等縣雇募所謂殺手者送梧州坐營聽用往往支領工食不時則爲盜賊人皆歸咎於嶺肇啓禍釁云其後令府縣雇募打手各自支給工食而軍門所支月糧遂爲虛名矣嗟乎民壯不能禦敵而易打手以代之每遇調發千百爲群恃羽檄文移公行剽掠所過無不殘滅衆目所矚莫敢誰何事已手慣輒爲寇盜官司撫之則聽招遇變則攘臂而起如昔年外海白帶甲總陳文伯之寇是也嗚呼流患可勝言哉今稽府縣支給大畧開具于後

廣州府所屬香山清遠陽山連山四縣共雇募打手八百六十四名

韶州府所屬英德縣雇募打手三百九十名

惠州府所屬海豐縣雇募打手二百五十名

肇慶府所屬高要四會恩平德慶瀧水開建六縣共雇募打手三千二百二十九名

瓊州府所屬萬州雇募打手三百零一名

優給

漢高祖四年下令軍士不幸死者吏為衣衾棺殮送其家 八年又令士卒從軍死者為槨歸其縣給衣衾棺槨葬具祀以少牢長吏視葬

武帝取從軍死事之子孫養羽林教以五兵曰羽林孤兒

漢布金令從事死者給以衣棺

宋太祖建隆元年給攻城役夫死者絹叁疋復三年

國朝諸司職掌凡軍官亡故遺下嫡長子女年未出幼或母年老或無嫡子嫡孫次及庶子或弟或姪合得優給養贍者須憑各衛保結起送到部審取故官從軍脚色一體委官齎赴 內府比對貼黃相同具奏如是奉 旨欽與優給隨即於 御前附寫欽與優給文簿扣筭出幼年分明白開寫歲數至某年住支或奉 特旨陞等優給及流官特與世襲亦須隨即明白註寫通行抄出緣由立案行移錦衣衛作數放支其征進陣亡傷故病故總小旗兒男一體引奏

定奪

洪武三年令世襲武臣沒後子孫應繼襲而年幼者紀其姓名給與半俸沒於王事者給與全俸候長襲職四年定優給例凡軍職陣亡無子弟而有父母若妻者給全俸三年後給半俸有子弟而年幼者亦同候襲職給本俸有特旨令其子孫參隨歷練及未授職者給半俸其病故無子弟而有父母若妻者給半俸終身有子弟年幼者初年給半俸次年又半之俟襲職給本俸特旨參隨及未授職者亦給半

俸軍士陣亡有妻者月糧全給三年後守節無依者月給米陸斗終身病故有妻者初年全給次年總小旗月給米六斗軍士給月糧一半守節者給終身將士守禦城池戰沒病故妻子無依者守禦官計其家屬有司給行糧送至京優給願還鄉者亦給糧送回願留見處者依例優給五年奏准凡優給從征死事者全給從征病故者給半守禦病故及從征病回而故者不在此例六年令武官殘疾者月給米二石優養十年有子佳承襲無子爲民十九年令故

官子女幼者給全俸女出嫁住支父母老者給全俸
終身 二十七年重定優給例凡武臣在任亡故及
征傷失陷者自指揮至所鎮撫妻並給米五石終身
無子孫者亦如之爲事亡故無承襲者不給

永樂元年令奉 天征討陣亡官員幼男送錦衣衛
優給總小旗幼男錦衣衛食糧出幼原衛補役其雜
犯爲事亡故并典刑之子俱照相職與全俸優給在
外優給官舍婦女有親可依不願赴京者俸糧照例
於所在支給

正統七年令武職子弟優給但在父兄沒後十年內
曾告衛者行勘雖出十年亦准十年外告者不准
十四年令優給優養官願回原籍或南京者俸糧隨
所在官司關支願在京者俱折銀布

天順元年令達官病故無應襲而有正妻者月支米
一石優給終身

成化五年令世襲官陣亡其子合陞流官者依該陞
俸優給流官病故其子止給世襲俸 七年令戶絕
官優養不分新舊母女俱月支米五石妻二石毋妻

終身女係新官者出嫁住支係舊官者十四歲任支犯姦及改節並不許給

弘治七年令武職亡故無子孫承襲有親叔年老不堪承襲者仍月支米三石優養待十年無子照例為民九年令應襲舍人犯強盜者其弟姪依父原職降一級優給凡武職年老戶無承襲者支全俸優養入大選應襲人殘疾者舊官依洪武六年例新官給全俸入大選妻不准繼母與孀優養視妻例月支米二石若武職故其子優給亦故戶無次丁者其母止作故官妻月支米二石優養舊官為失機等事間發未復職者子孫優給與半俸

達舍

漢百官表越騎校尉掌越騎又有胡騎校尉不常置

如淳曰越人內附以為騎也胡騎謂虜人

唐顯慶三年以四夷君長來朝置懷德歸化軍以處之仍隸諸衛

宋仁宗朝廣源蠻儂智高叛仁宗遣狄青為安撫使率眾擊之及戰於歸仁舖青先已縱番落馬二千出

賊後至是前後合擊賊之鏢牌軍爲馬軍所衝突皆不能騎軍士又縱馬上鐵連加擊之遂皆披靡相枕籍死賊遂大敗

神宗史志羗戎附屬分隸邊將爲蕃兵

國朝洪武二十年秋九月故元降將納哈出及謂王哥列沙國公觀童及故官帖木兒不花等至京師哈出入見上撫慰至賜一品服封爲海西侯食祿二千石所部官屬悉賜衣服冠帶有差第其高下授以指揮千百戶食祿而不任事分隸雲南兩廣福建各都司以處之

景泰間海寧侯董興征廣東賊苗蕭養事平奏留達官於廣城安插成化元年韓雍奏留南京達官都指揮徐里哈答等四百餘員名存留廣城安插居住遇兩廣賊情緊急聽調殺賊

凡達官俸給俱同內地惟本色多支一石就於折色內減支一石例加並無加級指揮使按月支給俸糧本色八石折色二十七石同知本色六石二斗折色一十九石八斗僉事五石八斗折色一十八石二斗

廣東通志
各柴薪銀四錢衣服靴帽銀一錢二分五厘通年伴
當三名田租銀四兩正千戶本色四石二斗折色一
十一石八斗副千戶本色三石八斗折色十石二斗
百戶本色三石折色七石試百戶本色二石折色三
石所鎮撫本色二石九斗折色五石五斗試所鎮撫
本色二石折色三石總旗月糧二石小旗月糧一石
八斗各柴薪銀四錢衣服靴帽銀一錢二分五厘通
年伴當一名田租銀二兩四錢達舍日月糧一石柴
薪銀二錢遇殺賊有功增添糧米六斗柴薪銀四錢
衣服靴帽銀一錢二分五厘通年伴當一名田租銀
二兩四錢

見在食糧差調達官旗目舍二百八十五員名

廣州四衛達官舍初至官起大東小東小新西營禮
拜寺五營房屋居住俱許五年各達官領銀一人止
一間者二兩二間者三兩五錢餘外多者每間一兩
自行買料脩完委官查驗若有領銀妄費不脩者從

重追問

嘉靖十
二年行

凡初解到各衛投降夷人布政司每名給賞米三石

柴五百斤撥給與房屋床榻器皿等物并犒賞牛二隻每隻折錢一千文羊五隻每隻折錢二百文無妻室者給財禮銀五兩娶妻上班梧州聽調告奉軍門批行坐營官或總府委官給與鐵盔一頂甲一副腰刀一把弓一張絃二條撒袋一副鐵箭三十枝

達官祭葬對敵陣亡及被刀箭中傷扶回而死者不拘輩數有功無功有妻無妻指揮千百戶給葬銀七兩祭銀三兩旗目舍給葬銀五兩祭銀二兩從征病故及赴調死於異鄉者未及三輩并三輩以後曾有戰功有妻小指揮千百戶葬銀五兩祭銀二兩旗目舍葬銀四兩祭銀一兩無妻小指揮千百戶葬銀三兩祭銀一兩旗目舍葬銀二兩祭銀一兩三輩以前產業未殷雖未歷有成功或死於班操營舍止給葬銀指揮千百戶有妻者三兩無妻者二兩旗目舍有妻者二兩無妻者一兩曾立戰功之人或在班操或在營舍身故指揮千百戶有妻小者葬銀四兩祭銀一兩無妻小者葬銀三兩祭銀一兩旗目舍有妻小者葬銀三兩祭銀五錢無妻小者葬銀二兩祭銀五

錢三輩以後無功之人不拘有妻無妻但在班操及營舍身故者俱給銀一兩

肇慶神電雷州德慶等衛所達官旗日舍柴薪衣靴伴當并雷州神電二衛俸鈔銀兩俱差人赴布政司領回給散各田租祭葬并肇慶德慶俸鈔俱於附近府縣支給廉州衛屬各項銀俱廉州府支

達官旗舍若有親生弟男願出力報効報名選堪用者分爲兩班征調照達軍一體關支月糧調哨之日支與行糧盔甲弓箭若義男家人俱不准收用

論曰中國之兵與蕃夷並用自古然矣我朝蒙古色目散處州郡與降夷皆處之內地奠居室厚廩祿授官秩而統于武臣每有征勦用爲先鋒所向輒收奇功自韓襄毅公蠻峒斷藤之後奏留調發廩餼衣帽之類視漢官有加程勞進給荐至右職者有焉寵待旣腆儲積日廣驕侈桀驁蓋不能無而又棋布封域之內或以爲江統徙戎之憂先正丘文莊公亦經慮之甚悉矣然聞之曰下情必達則無猜貳之嫌微勞盡甄則無舛望之釁矧其

美衣甘食日變華風能無懷居之心哉我之所以
控制之者信賞必罰不姑息以驕其氣不侵牟以
賈其怨則威懷有道天下之徂詐咸作使矣夫弗
戢自焚兵之烟戒也豈惟馭戎狄然哉

上班

漢更有三品有卒更有踐更有過更古者正卒無常
人皆迭爲之一月一更爲更卒也貧者欲得雇更踐
以直者出錢雇之月二千是爲踐更也天下人皆直
戍邊三日亦名爲更律所謂徭戍也

凡民當戍者不過三日若不願行則聽出錢縣以給
戍者

唐太宗貞觀十年更號統軍爲折衝都尉別將爲果
毅都尉諸府總曰折衝府凡天下拾道置府六百三
十四皆有名號而關內二百六十一皆以隸諸衛凡
府三等兵千二百人爲上千人爲中八百人爲下府
置折衝都尉一人左右果毅都尉各一人長史兵曹
別將各一人校尉六人士以三百人爲團團有校尉
五十人爲隊隊有正十人爲火火有長火備六馱馬

凡民年二十為兵六十而免

凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬者予其直市之每疋予錢二萬五千刺史折衝果毅歲閱不任戰事者鬻之以其錢更市不足則一府共兵之凡當宿衛者番上兵部以遠近給番五百里為五番千里七番一千五百里八番二千里十番外為十二番皆以月上若簡留直衛者五百里為七番千里八番二千里十番外為十二番亦用

上章氏曰唐以遠近分番皆以一月恐太紛擾漢以二歲更代為善又唐在二千里外者亦不免此法所以壞也

宋制川廣代還者別給裝銀川廣之補卒或給時服錢凡出外率有口糧

國朝弘治十三年奏准事例凡各處備禦官軍失班不到者拏獲問罪免其納鈔的決解送各邊鎮巡官查審軍一班不到者在原備邊處罰班五箇月軍三班官一班不到者改撥本處城堡罰班八箇月軍三班官兩班以上不到者極邊城堡罰班一年其補班

月日各自扣筭若來遲不曾失班者止補來遲月日
 此各邊關堡墩臺等項守備去處若官軍用財買閒
 者官員問罪調極邊衛分守禦旗軍人等發沿邊枷
 號一個月常川哨守若原在關營官軍逃回原籍潛
 住及架砲夜不收守墩軍人寅夜回家輪班不去者
 俱照前項調衛枷號守哨發落

提督府二哨廣州前衛一哨官領軍四百八十三員
 名廣州右衛一哨官領軍五百二十八員

總兵府二哨廣州前衛一哨官領軍四百八十八員
 名廣州右衛一哨官領軍五百八十六員

名員

已上四哨逐年舊規輪流上班三箇月下班三箇
 月遇有警急俱各遵聽軍門調遣期限不拘年月

久近

總鎮府二哨近年以裁革官軍俱與聽調哨一同差

遣廣州左衛一哨官領軍三百五十一員名
 廣州前衛一哨官領軍五百五十三員名

軍門聽調六哨廣州右衛一哨官領軍二百九十員
 名廣州右衛一哨官領軍二百九十員

十二員名廣州左衛一哨官領軍一百五十七員
 名廣州右衛一哨官領軍一百五十七員名

廣州左衛一哨官領軍二百六十五員名
 廣州後衛一哨官領軍一百四十七員名

已上八哨舊規輪流上班六箇月下班六箇月遇
 有警急俱係遵聽軍門調遣不拘期限年月久近
 前項領哨哨守官員遇有事故更替無常旗軍間
 有逃亡每月增減名數不同

舊有南海廣海惠州碣石四衛長樂甲子門東莞新
 會香山平海捷勝海豐龍川九所餘丁四千七百五
 十一名分爲三班每班該一千五百八十三名曰精
 兵輪流赴軍門聽撥哨守半年上班之時在衛所關
 支月糧一石在班又支行糧四斗五升一年兩班常

不失一千五百八十三名之數以一年計之每名該
 米一十七石四斗歲用米二萬七千五百四十四石
 二斗每石折銀五錢共該銀一萬三千七百七十二
 兩一錢於廣州南韶三府所屬州縣額糧歲折銀一
 萬三千七百七十二兩一錢解梧州府收候雇募打

手嘉靖二年題

上班官軍行糧漢官達官每員九斗漢舍達舍每名
 六斗漢達旗軍餘丁與總兵府寫字軍人及跟都指
 揮軍伴每名四斗五升達舍達旗先曾有功告准幫

添月糧者旗支六斗舍支九斗於梧州廣備倉支給
若出差應付脚力廩給口糧者在差之日不支

上班達官月支銅錢把總指揮三百文隨伍指揮千
百戶旗舍達目每員名一百五十文每錢七百文折
銀一兩於梧州府關支

上班漢達官軍病故者給棺銀指揮五兩千戶三兩
百戶二兩漢達舍目一兩俱梧州府支軍餉五錢賞
功所給指揮千百戶舍目起關應付紅船裝送回原
衛所漢達舍目從班遠方病故給棺銀三兩起關應

付陸路擡樞夫十二名水路紅船若有同班親屬扶
送回還陸路應付馬一疋挑夫一名水路就於裝樞
紅船附歇

凡上班達官舍發往府江昭平等處征進截捕并迎
接護送等項江灘水淺每五員名共撥板艇小艇一
隻每隻每站給船脚價銀玖分仍起關照例應付上
水縣夫三名下水二名往左右兩江并廣東等處水
深江濶每十員名共四倉河船一隻每隻每站給船
脚價銀一錢二分及行應付上水縣夫四名水手二

名下水縣夫二名水手二名如達官指揮官管領小船定與本官兼搭隨伍達舍二名河船定與兼搭六名脚價人夫俱照前應付但在梧州下班回衛照舊每十員名共船一隻不給船價止照例應付下水縣夫二名若登陸路應付指揮挑擔人夫三名千百戶二名旗舍一名永爲遵守

嘉靖三十二年議行

官馬

漢武帝令天下諸亭掌馬毋郡民歛馬口錢不及南海

唐府兵之制當給馬者官與其直市之每匹錢二萬五千文

宋高宗紹興三年始置買馬司以帥領其事用廉州鹽三百斤克市馬價嶺南自產小駟匹直十餘千與淮湖所出無異

洪武十五年令廣東廣州等衛馬草不許科收馬料不許支給

洪武以來馬政不行於廣東慮軍衛之煩有司也故有此令其後征進惟令軍衛自備草料

廣東都司合屬二十四衛所原額馬七百六十一匹

○廣州左衛原額馬十一匹○右衛原額馬十九匹

○前衛原額馬二十一匹○後衛原額馬十五匹○

廣海衛原額馬三十九匹○惠州衛原額馬三十匹

○碣石衛原額馬四十三匹○潮州衛原額馬三十

九匹○南海衛原額馬三十三匹○神電衛原額馬

八十八匹○雷州衛原額馬一百二十五匹○廉州

衛原額馬六十六匹○海南衛原額馬一百六十四

○清遠衛原額馬三十三匹○肇慶衛原額馬十四

○陽江所原額馬三匹○新會所原額馬二匹○韶

州所原額馬八匹○增城所原額馬十一匹○南雄

所原額馬三匹

嘉靖十五年春二月初市戰馬于惠潮時南贛督府

以所轄四省道途脩阻有兵無馬難於調發乃於民

兵額設每百名除二十名買馬十匹分給牧之鞍轡

藁料俱令自備同步兵赴鎮班操以便征調 二十

一年巡按御史姚虞始稽查官馬之數

都司合屬官馬見在六百五十四匹○廣州左衛馬

八匹○右衛馬八匹○前衛馬十九匹○後衛馬八匹○南海衛馬十七匹○東莞大鵬二所馬十四匹○廣海衛馬十四匹○清遠衛馬三十三匹○新寧香山海朗三所馬無○增城所馬十一匹○從化所馬無

直隸都司○新會所馬二匹直隸都司○韶州所馬無直隸都司○南雄所馬二匹直隸都司○惠州衛馬五匹○河源龍川長樂三所馬七匹○碣石衛馬四十三匹○潮州衛馬七十八匹○甲子門海豐捷勝平海四所馬三十一匹○蓬州海門靖海大城程鄉五所馬六十一匹

○肇慶衛馬十四匹○四會所馬無○新興所馬無直隸都司○陽江所馬三匹直隸都司○德慶所馬無直隸都司○瀧水所馬無直隸都司○神電衛馬二十一匹○高州雙魚信宜陽春寧川五所馬三十四匹○廉州衛馬二十八匹○欽州原額馬十四匹今變銀貯庫○合浦無○靈山所馬十四匹○雷州衛馬十五匹○石城錦囊海康海安樂民五所馬三十八匹○海南衛并合屬馬三十四匹○清瀾萬州儋州昌化崖州五所馬一百三十七匹

萬曆二十八年正月內查得廣州四衛原額官馬八
十匹見在四十八匹

戰船

漢武帝時有樓船有戈船有下瀨有橫海江淮青齊
皆有樓船軍擊南粵救東甌則用江淮會稽樓船
晉嶺南賊盧循自廣州南下戎卒十萬船艦千艘寇
建業率數萬方艦而下劉裕率兵拒之出輕利鬪艦
躬提幡鼓命衆軍齊力擊之衆軍騰踊爭先軍中多
萬鈞神弩所至莫不摧陷裕自於中流麾之盧循太
懼乃投火焚之烟焰翳天賊衆大敗

陳歐陽紇據嶺南反遣將章昭達督衆軍討之紇乃
出頓滙口多聚沙石竹籠置于柵外用遏舟艦昭達
居其上流裝艦造舟以臨賊柵又令人啣刀潛行水
中斫竹籠筏皆解因從大艦隨流突之賊衆大敗因
擒紇

唐嶺南節度使杜佑造水戰船濶狹長短隨用大小
勝人多少皆以米爲率一人重米二石其檝棹篙櫓
帆席絙索沉石調度與常船不殊又分爲六等一口

樓船二曰蒙衝三曰闔艦四曰走舸五曰遊艇六曰海鵲

宋孝宗隆興四年樞密院言潮州守臣傅自脩欲於本軍禁軍闕額人數內撥三指揮二百人專防海道以識水勢人克奏可

國朝洪武三十一年兵部官於 奉天門 欽奉

聖旨先爲軍衛官旗作弊將官用戰船私賣與客商改作民船駕使已出令禁約至今尚有犯者恁兵部再出榜去申明今後敢有將官船私下賣者及買者正犯人俱各處以極刑籍沒其家人口遣發邊遠若同賣之人能自首與免本罪更賞銀五百兩仍給犯人一半財產若旁知者首告賞銀二百兩全給犯人財產

戰船造作皆起於成化中總督兩廣都御史韓雍初開督府於蒼梧立秋調發先預備糧餉買料於南海縣雇匠造船五百艘所費不過二萬每十艘外有一小哨船以便探邏駐劄蒼梧及番禺江上每歲六月行令土官各定年分輪班領土兵大約四千七月初

廣東通志 卷之九
齊集船中每船十人聽令鵬剿其餉給薪米之數登岸交易之法約束周密凡山海寇盜倏忽掩其不備無不斂手就擒此兩廣所以安也所得財物各令入已論功仍醜賞莫不踊躍效命軍士惟令城守民船免於刷擄軍民悉皆稱便可謂良法矣其後繼之者多受土官賂遺威令不行此法遂廢粵盜日滋

備倭分三路中路在廣州府東莞縣南頭屯門等澳額設并新添大小兵船共八十隻廣海衛望峒澳額設新添兵船三十八隻東路在潮州府柘林澳額設船十三隻十九年聞倭報警陸續增船三十四隻石靖海甲子門等澳額設新添共船三十四隻雷廉白鴿門各哨船額設新添共船三十五隻陽電北津寨共兵船六十一隻瓊州一府海港白沙寨額設新添共兵船六十一隻

造船事畧附

海上之戰與倭寇角勝負於茫洋巨海之中兼之風濤霾雨變幻倏忽掀揭評拜天日改觀當斯時也非人力可支惟恃船力苟船不合式不能便捷追逐船

不堅固不能衝犁賊舟而數十生命繫于一船卽一
棋不良倘致悞事况全船乎故謂船力爲先萬萬不
容草率也者往者打造費餉非不裕也獨以承委人
員每多桀指舖行辦料通同匠人作弊於是因陋就
簡短狹其制稀薄其料徒具一船不恤美惡以之追
逐則不前以之衝犁則不固未出洋而兵先寒心尚
安望其與倭寇角勝負哉今後造船必改絃易轍責
在該寨廉能把總督造其餉銀盡貯府庫預行梧州
肇慶二廠委官遇有廣西羅旁箴筏到廠投單報抽
查係鐵力紫荊椽黎槁桂柯楠堪爲造船美材者長
一二丈圍圓二四尺以上及松木大桅長八九丈以
上與黃藤青香藤皆抽本色就於木上鑿記字號并
長大丈尺價銀數目與青黃二藤俱停在廠聽各寨
將脩造船隻合用水料桅藤等估計的數呈報本道
并海防官覈實請支餉銀差官徑解廠官收貯照數
支發運回應用其餘物料本府行令舖戶買辦徑交
把總驗收該管海防官定價出給小票付舖戶收執
赴府領銀蓋銀不經把總之手則料不堅不收舖戶

赴府領價厘毫不致短少至於收支料物役使工匠把總置立循環簿逐日填上每十日一送本道稽查自無侵冒在廠額既不失在船料得堅美尤爲便捷詳盡經久可行也惟是各寨船式雖多實用者少如烏艚一樣船底最尖行水最深船架高濶甚礙風力只可民間裝載重貨方得平穩若兵船則無重載上重下輕而數十兵士又在棚上行走以之待敵閃側不定安能敵風况係竹蓬最忌賊施火器甚非所宜惟福船烏船唬船可用然又造不合式而沙船最爲利用者則未有造今查東仔船則類小福船橫沙白艚則類沙船又如小者哨馬船則類烏船魚船可方之唬船第廣中與浙直水有淺深不同而戰艘亦宜大小兼用故於諸船酌定五種曰福船白艚烏船唬船漁船若加之合式沙船足稱海上之利器但欲驟更錢糧浩費勢有不能俟各船應拆造之年如烏船改福艚東哨仔等船則改沙船哨馬艚等船則改烏船庶錢糧不費船得實用近日中權與柘林寨雖新造有沙船全不合直隸之式必倩彼中匠作來此

成造方克利用耳若雷廉濶洲灰斗小船者以西海水淺宜聽用之不與各寨同也

福船者閩式也船底圓平行水不深船架收斂不礙風力卽在洪濤中可使戢風且兩邊竹艖可蔽矢彈遍身板蓬不畏賊火故譚海戰者以高臨下衝犁劫敵莫如福船之利便也邇聞廣中雖有未盡合式然造之者須求良匠必要如式方便行使必要堅固方能遠馳但造船之弊甚多如打造之時有攬用舊料雜料者有私減梁頭濶數以圖侵匿料物者有板薄

釘稀甚而攬用竹釘者其大小脩有復將舊板木鉋削粉飾以掩耳目者難以枚舉今後新造宜照估冊不得短少分寸如梁頭應用成株木者務要堅實水心不可用也板料俱要正心木皮不可用也板要長濶厚者以免接縫多而船身無力若短小薄不可用也攬用舊料雜料則船身易壞舊雜料不可用也鐵釘須用炭釘每尺四箇爲準煤釘脆斷不可用也脩理必換上新料仍每梁頭增用抱柱添釘加灰者着實細艖若損壞舊木不可用也諸如此類俱責在經

廣東通志 卷之九 三十一 二百五十四
造把總如或徇情濫收惡料或稽察不嚴致捕目作弊及將船身尅減短小者查出罪之

沙船者直隸崇明縣船式也其制造得法乘風破浪轉折回旋便捷迅速他船莫及於是江南兵船倣其式造之第其尾高止宜于木處操使後尾稍平所向利涉今浙直尚之矣邇來入援水兵皆用沙船良有見于便捷萬里海洋事勢同然而廣東獨無此遺策也相應一體打造以與福船互用

白艚者閩之漳泉廣之潮州用之其制度與福沙船大畧相同閩潮之人商販于廣皆望深洋而行往來無恙而又迅速故我兵船取法造之窮追遠討疾風巨浪最是平穩用以爲沙船助

唬船者始自浙中杉木打造隨地可成輕快便捷他船莫比風順則揚布帆風逆則划多槳破浪而行勢甚猛勇名曰叭喇唬其船每邊八槳用十六人盪使連把舵攔頭共用十八人以之出洋偵探分正出奇不拘淺深皆可環擊接濟餉噐無所不可今廣中雖有其船全不合浙式且廣俱以鐵力棕柯等木打造

又建船倉擺八櫓用篾蓬是以駕海洋一遇風浪櫓多顛脫且船身重滯不如浙船便捷也今參而酌之凡打造雖用廣材仍須照依浙式斯爲兩得其宜又必雇覓良匠而督造把總更加意指使畧不外於浙式庶爲名實相稱無徒虛器云

烏船者浙直閩廣皆用之捷如飛鳥因得名焉海上之戰大小相兼若烏船者視沙船次之蓋大者衝犁中者夾擊必勝之道也窮追遠討烏船最便捷用以爲大船助

漁船者邊海之人造之出洋捕魚往來甚捷各寨見其便捷倣而造用因存其名船式視唬船稍小輕快如之偵探走報隨軍攻擊收捕零功皆其宜也取之以與唬船互相爲用但其木料如大船一樣與唬船杉木不同難於泊岸故有脚艇以便往來耳

諸船式樣詳見

粵東兵制中

論曰粵據雄圖縮山海延袤四千里漢以前第以奉偏霸之主珠官香尉亦代有興廢故治則山海爲貨泉亂則盜藪得失之林可略而言也我 國

家不煩血戰特以全力收之蒿目而圖山海視前
 代滋嚴廼者定之後狡焉啓疆常出于所不料迺
 征逆撫旦夕息肩而煩費亦已過當蓋德謝采阻
 亂無象備不先也乘險設智葺墜補虛章程具在
 犁然可數潮之營六今存四惠之營六今存三南
 韶之營六今存四東西二山之營十今存八羅定
 中路之營三今存二陽電新恩高州之營五今存
 三與夫雷廉之二營瓊崖之四營嶺西之一營或
 舉其全或半之壁之四序當時爲用耳邇復以倭

虜可虞於韶興及蓬州惠州南頭要害之處各長
 一營令相爲援其轅門見在之營二總戎標下之
 營四皆策運機應金城之捍衛也其於防海視陸
 加難不營倍蓰昔恃東西二路遂至倭虜乘虛蹂
 躪境土而曾林吳許寺鴛寇代興籍兵轉餉拮据
 十餘年所而後殲之於是有六寨之設
六寨曰柘
林曰碣石
曰南頭曰北津
曰白鶴曰白沙復以虎頭門爲會省咽喉廣海西
 路之衝濶洲珠池利藪增置加密卒有嘯聚駢首
 就戮經畧之效可見於此已十九年間東倭報警

于是柘林碣石廣海虎門額船外增置百餘荷戈之士增置數千布險害軍聲相倚至于總兵標下特設中權二部戰艦二十荷戈之士八百五十有五無事則枕虎門聞倣則厲翰出洋以先諸寨其廣海以西舳艫星列勢若比屋緩急足賴焉濶洲一路自嘉靖辛卯中丞林富奏除採珠中使其防池之禁祗隸海北憲臣頃來中使銜命入粵連年開採窺池之奸動以萬計居民遠徙潛泳微恥靡所逃其命矣沿海增設材官戈士恐慮不後倭虜

也瓊州峙海而居大泥諸菴原無捍蔽今白沙戰艦析爲四枝慎守其一於控制偏郡斯爲備矣大率山海之防如左右手以捍首領其賴寺耳乃有防所不及設變所不能圖其在人身形骸不異而神氣索斯秦越人所爲望之而走者今夫水陸之兵非土著則客兵則召募土著者按籍而稽十不得五其餘老弱以糜縣官之費耳客兵召募多無賴子弟捐親戚棄墳墓喜則其人也怒則其獸也加之貪劣主將日朘月削不戰且餒戰可知已斯

則所謂病也議者諉之總捕闕而事權不重攷之
 故事都閩僉書二其一以為操捕則兵署之在接
 官亭者可復也委以事權親涖信地察影籍黜貪
 頑嚴會哨杜私濟密偵邏防標掠得虜多者受上
 賞無功而坐事者罰無赦如此則委任專而事權
 重事權重則弊竇塞弊竇塞則軍士勇矣且保甲

之法載在令甲

保甲之法輪門應當善惡混焉何以章禪而弭盜也議者謂有司宜

臨鄉親審保約長務舉放實忠誠者充之申連坐嚴窩家禁賭博置旌善紀惡簿印給之令保約長月朔公同填註季終吊查遇警則保甲長鳴鑼率甲防護追捕賊退即時查點不到務究下落捕盜

送官有司即為親鞫毋得轉委佐貳或有仇扳許
 三五日內里隣保約公結里排仍許執納糧由票
 以防情棍妄結過旬日而結者即是賄結過初審
 而拔者決為仇拔有司俱不宜輕信保約三年無
 過地方寧靖有司以禮獎賞之亦激勸之一機也
 至于海上不拘民船蛋船深水淺水亦宜照編保
 甲籍名印烙犯者連坐仍禁商船不許夜行惟渡
 船聽兵便蓋船無夜行則盜賊何從劫掠夜行有
 禁則哨兵可以追捕如此則
 盜亦稍息而地方稍安矣
 又乃玩在振而飭之
 彼其戶相比藉相聯一夫不善可微而得則動色
 相戒其弗率者必以告有而不以告者事覺相收
 坐所在諸司不得輕入以濫無辜又不得輕出以
 滋後患此皆以捄病而弭亂也牧民者宜加意焉

廣東通志卷之九

